

STENOGRAM
III HITNE SJEDNICE SKUPŠTINE KANTONA SARAJEVO
ODRŽANE 17.04.2025. GODINE

Elvedin Okerić (predsjedavajući)

Otvaram Treću hitnu sjednicu Skupštine Kantona Sarajevo. Himna Bosne i Hercegovine. Pozivam sve prisutne da svi na svoj način odamo počast svima onima koji su dali svoje živote za odbranu Bosne i Hercegovine. Pozdravljam uvažene kolegice i kolege zastupnike, članove Vlade, uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji službe sjednice prisustvuje 28 zastupnika, što je dovoljan broj za punovažan rad i odlučivanje. Izostanak s ove sjednice pravdala je zastupnica Fatima Gavrankapetanović-Smailbegović.

Kolegij Skupštine Kantona Sarajevo, na sjednici održanoj dana 16.04.2025. godine, u skladu su članom 65. i 71. Poslovnika Skupštine Kantona Sarajevo utvrdio je termin za održavanja Treće Hitne sjednice za dan 17.04.2025. godine u 10 sati, a dnevni red za ovu sjednicu predlaže se na samoj sjednici.

U skladu sa zahtjevima Vlade Kantona Sarajevo, Komisiji za izbor, imenovanja i administrativna pitanja i Odbora za javna priznanja Kantona Sarajevo, dostavljeni su sljedeći prijedlozi:

1. Prijedlog odluke o potvrđivanju imenovanja ministra komunalne privrede, infrastrukture i prostornog uređenja, građenja i zaštite okoliša Kantona Sarajevo,
- Tačka 2. Prijedlozi odluka o verifikaciji odluka o dodjeli javnih priznanja Kantona Sarajevo
- Pod 3. Prijedlog programa obilježavanja Dana Kantona Sarajevo od 02.05. do 09.05.2025. godini i
- Pod 4. Prijedlog odluke o davanju saglasnosti za zasnivanje hipoteke na nekretnini.

Shodno navedenom prijedlog dnevnog reda Treće Hitne sjednice Skupštine Kantona Sarajevo, koji glasi.

Da li možda ima nekih sugestija ili prijedloga. Zastupnik Mahir Dević se javio, izvolite, imate riječ.

Mahir Dević (zastupnik)

Hvala, predsjedavajući. Vi ste nama sada pročitali prijedlog dnevnog reda kojeg je dostavila Komisija za izbor, imenovanja, Odbor za javna priznanja i premijer. Ja hoću da diskutujem, a vezano za sazivanje hitne sjednice Skupštine Kantona Sarajevo, koja je u suprotnosti sa presudom Ustavnog suda broj 56/20, koja je objavljena 24.2.2021. godine, a u vezi sa načinom sazivanja 13. Hitne sjednice Skupštine Kantona Sarajevo, a identična situacija je i danas. Nesporo je ovlaštenje Skupštine Kantona Sarajevo, Kolegija Skupštine Kantona Sarajevo, da na osnovu člana 71. stav (4) Poslovnika, donese konačnu odluku o hitnom karakteru sjednice. Međutim, mi kao neko ko spori ovakav način sazivanja sjednice to i ne dovodimo u pitanje da Kolegij ima pravo da donese odluku da se određena sjednica treba zvati hitnom sjednicu, ali ona mora da ispuni određene uslove, što ova današnja sjednica ne ispunjava. Situacija u kojoj Kolegij sebi daje za pravo da donese situaciju da sjednica iz redovne prelazi u hitnu sjednicu, mora da ispuni određene poslovničke mogućnosti, određene poslovničke zahtjeve, što u konkretnoj situaciji se nije desilo. Znači, te predmetne poslovničke odredbe postoje ustvari kako bi se spriječila neopravdana ubrzanja skupštinskih procedura, o čemu je govorio Ustavni sud u ovoj Presudi. Naravno, djelovanje Kolegija ne smije biti prepušteno političkoj slobodnoj volji, pa ni tako samoj slobodnoj volji skupštinskog Kolegija, jer on mora da radi na osnovu člana 71. stav (4). I uvijek se mora sistematski tumačiti odredbe koje prethode, a koje propisuju

veoma ozbiljne i objektivne razloge za sazivanje hitne sjednice Skupštine Kantona Sarajevo. Ja ću sada pročitati šta je kazao Ustavni sud, koji su to uslovi potrebni da bi se neki materijal mogao razmatrati u hitnom, a ne u redovnom postupku. Naravno, sve to piše u Poslovniku o radu Skupštine Kantona Sarajevo i vi predsjedavajući jel i naravno, Kolegij kojim rukovodite, već nekoliko puta zatvara oči pred tim. Znači uslovi da bi se neki materijal razmatrao u hitnom, a u neredovnom postupku, znači ovdje valja vama probati objasniti, što je jako teško, da postoje dvije stvari hitnosti, postoji hitna sjednica i postoji razmatranje materijala u hitnom postupku. Znači, vi ovdje pravite dvostruku grešku. Za ove materijale niti može hitna sjednica Skupštine Kantona Sarajevo, nit se ovi materijali mogu razmatrati u hitnom postupku. Znači, ne može ni jedno ni drugo. Pa evo šta vam kaže Ustavni sud, a referišući se na odredbe člana Poslovnika u radu Skupštine Kantona Sarajevo. Kaže kada je u pitanju...

Elvedin Okerić (predsjedavajući)

Kolega Deviću, samo da vas upozorim, tražili ste poslovničku intervenciju, 3 minute vam je isteklo.

Mahir Dević (zastupnik)

Nisam ja tražio poslovničku intervenciju, ja tražim diskusiju.

Elvedin Okerić (predsjedavajući)

Ne može diskusiju, nismo ni usvojili dnevni red, kakva je diskusija? Možete samo poslovničku intervenciju, imate 3 minute. Vrijeme vam je istaklo. Evo vam još minut jedan, požurite, izvolite, imate riječ.

Mahir Dević (zastupnik)

Nisam se ja predsjedavajući javio.

Elvedin Okerić (predsjedavajući)

Vi ste se javili, ja sam vam dao riječ.

Mahir Dević (zastupnik)

Ne, ja sam se javio da diskutujem.

Elvedin Okerić (predsjedavajući)

Ne možete diskutovati kad nisam formirao, onaj nismo izglasali dnevni red. Po kojoj tački, na osnovu koje tačke?

Mahir Dević (zastupnik)

Pa ja diskutujem o dnevnom redu. Dnevni red na hitnoj sjednici se utvrđuje na samoj sjednici.

Elvedin Okerić (predsjedavajući)

Da.

Mahir Dević (zastupnik)

Znači nije da glasamo, znači mi diskutujemo o dnevnom redu. Da je redovna sjednica to podrazumijevalo.

Elvedin Okerić (predsjedavajući)

Kolega Deviću, mi smo sad trenutno u fazi predlaganja dnevnog reda. Ako imate tačku da predložite, predložite, ako nemate, idemo dalje.

Mahir Dević (zastupnik)

Ne, ne, ja diskutujem na ovo što ste vi predložili, znači mi još nismo utvrdili dnevni red.

Elvedin Okerić (predsjedavajući)

Vi ćete ovo diskutovati, kad mi usvojimo dnevni red, onda vi diskutujete o ovim tačkama.

Mahir Dević (zastupnik)

Pogrešno, ne.

Elvedin Okerić (predsjedavajući)

To vi tako mislite.

Mahir Dević (zastupnik)

Pa nije da mislim, pazite, predsjedavajući, vi imate redovne sjednice, kada Kolegij ih utvrdi mi ovdje samo glasamo za i protiv. Jel tako? Kada imate hitnu sjednicu, dnevni red se utvrđuje ovdje, ovo je moja diskusija na utvrđivanje dnevnog reda. Kada mi izglasamo, onda ćemo pričati o meritumu tih tačaka.

Elvedin Okerić (predsjedavajući)

Kolega Deviću, još ću vas jednom upozoriti. Diskusije idu samo po tačkama dnevnog reda. Ukoliko ne budete imali prijedlog preču dalje da pozovem Skupštinu da se izjasni o formiranju dnevnog reda na Hitnoj sjednici Skupštine Kantona Sarajevo. Ako imate, još vam dajem 1 minut vremena, ako želite poslovnički da djelujete izvolite, ako ne, idemo dalje.

Mahir Dević (zastupnik)

Predsjedavajući, znači vi ste danas sazvali Hitnu sjednicu Skupštine Kantona Sarajevo. Dnevni red na toj sjednici se utvrđuje na samoj sjednici, a ne na Kolegiju. Znači kod utvrđivanja dnevnog reda, ja kao zastupnik mogu da predložim tačku, mogu da diskutujem na to što ste vi predložili. Kada se zaključi ta rasprava, vi tada dnevni red dajete na glasanju. Jel tako? Kako bolan nije? Kod redovne sjednice nije, al kod hitne...

Elvedin Okerić (predsjedavajući)

Ne postoji takav poslovnički pristup.

Mahir Dević (zastupnik)

A šta vi sada podrazumijevate? Da vi zakažete hitnu sjednicu, išćitate nama tamo neke 3 tačke koje ste vi, ne znamo ni ko ih je predložio, i da mi glasamo za i protiv.

Elvedin Okerić (predsjedavajući)

Na hitnoj sjednici se kolega Deviću formira dnevni red. Ja sam pročitao tačke dnevnog reda koje predlažem da Skupština usvoji. Dao sam vam pravo ako vi imate neku tačku dnevnog reda ili neko drugi da dodamo, a ako nemate, stavljamo ovo i idemo dalje, eto to je tu. Naravno Skupština će se odlučiti o svakom prijedlogu ko predloži. I kada usvojimo dnevni red mi onda diskutujemo o svim tačkama dnevnog reda.

Mahir Dević (zastupnik)

Predsjedavajući, vidite. Jedino na hitnoj sjednici dnevni red utvrđuje Skupština Kantona Sarajevo, a ne Kolegij. Prema tome, tome prethodi diskusija. Mora diskusija, kao što imate situaciju na Kolegiju, da tome prethode tačke dnevnog reda, Kolegij sjedi i onda mi imamo situaciju, glasamo za ili protiv dnevnog reda, ne možemo diskutovati tada, međutim na hitnoj sjednici mi diskutujemo normalno prije nego što usvojimo dnevni red, jer ja moram upozoriti

ovdje na procedure u koje nas vi uvodite. Ja ne mogu drugačije reagovati, ne mogu ja reagovati na tački dnevnog reda.

Elvedin Okerić (predsjedavajući)

Moram vam oduzeti riječ i dajem riječ zastupnici Vedrani Vujović. Jeste li se vi javili poslovnički? Izvolite, imate riječ?

Vedrana Vujović (zastupnica)

Zahvaljujem predsjedavajući. Evo koristim priliku sve srdačno da vas pozdravim. S obzirom da smo jučer na Kolegiju diskutovali o načinu sazivanja ove sjednice, ja se pozivam na član 71. Poslovnika koji ste se i vi pozvali kada ste uputili poziv za sjednicu koji kaže da izuzetno u hitnim slučajevima, predsjedavajući Skupštine može sazvati sjednicu u roku i kraćem od 8 dana, a dnevni red za ovu sjednicu predložiti na samoj sjednici u kojoj mogu biti samo one tačke dnevnog reda zbog kojih se hitno saziva sjednica. Konačnu odluku o utvrđivanju hitnog karaktera sjednice Skupštine donosi Kolegij Skupštine. S obzirom da ste vi predložili sada, evo i pročitati prijedlog, predložili dnevni red koji kao tačku dnevnog reda ima izbor i imenovanja, ja ću vas podsjetiti na član 194., odnosno odredbu dio VII Poslovnika koji definiše izbor imenovanja, potvrđivanja, smanjivanja i razrješenja koji tačno kaže u stavu (3) da je predsjedavajući dužan dostaviti poslanicima obrazložene prijedloge najmanje 3 dana prije održavanja sjednice na koju će se vršiti izbor, odnosno imenovanje te samim tim, evo radi stenograma, zapisnika i javnosti želim da obavijestim da ova sjednica je sazvana jučer za danas, pa samim tim mi ćemo u roku kraćem od 24 sata po hitnoj nekoj proceduri imenovati nedostajućeg ministra u Vladi Kantona Sarajevo, što je apsolutno mimo svih pravila i procedura. Hvala lijepo.

Elvedin Okerić (predsjedavajući)

Kolegice Vujović, kratko ću vam odgovoriti. Član Poslovnika 65. "Izuzetno u hitnim slučajevima predsjedavajući Skupštine može da sazove sjednicu u kraćim rokovima od onih predviđenih Poslovníkom, a dnevni red za ovu sjednicu predlaže se na samoj sjednici koja je hitnog karaktera". Kako ćemo vam dati materijale kada predlažemo danas dnevni red? Ono što je Komisija za izbor i imenovanje predložila Kolegiju, dostavila je, dostavila je materijale na Kolegiju, kolega Deviću budite kulturni, budite kulturni kolega Deviću i parlamentarni, vi ste nekulturni i neparlamentarni. Zamolio bih vas, zamolio bih vas za tišinu, molim vas, zamolio bih vas za tišinu. Tako da, odgovorio sam vam i na Kolegiju jučer i Kolegij je taj koji odlučuje karakter hitnosti, Kolegij, ne predsjedavajući. Poslovnička Muamer, Davor Čičić, pa onda Muamer Bandić. Davor Čičić, izvolite, imate riječ.

Davor Čičić (zastupnik)

Zahvaljujem predsjedavajući. Znači, vezano za proceduru kojom u ovom slučaju smo u biti smijenili prethodnog ministra na prošloj sjednici i po kojoj imenujemo novog ministra, se odnosi članove Poslovnika 205.a) i 205. b), gdje je jasno definisano procedura kojom se išlo u smislu smjene i imenovanja ovog pojedinačnog ministra. Znači član 205. a), evo, sad ću ga pročitati radi javnosti. "Ministar je odgovoran ako su u izvršavanju svojih ovlaštenja i obaveza, ne podržava Ustava, zakona i drugih propisa i općih akata ili ako u okviru svojih nadležnosti ne osigurava provođenje zakona i drugih propisa i općih akata ili ako iz drugih razloga postane nedostojan vršenje funkcije ministra. Ako se utvrdi da postoji odgovornost i stava (1) ovog člana, ministar se smjenjuje sa funkcije, a smjenjivanje ne isključuje krivično gonjenje niti odgovornost u građanskom postupku, ako Ustavom i zakonom drugačije nije određeno. U slučaju iz stava (1) i (2) ovog člana premijer Kantona dostavlja predsjedavajuća Skupštine prijedlog smjene ministra, a koji će odmah i bez odlaganja ovaj prijedlog proslijediti Komisiji za izbor i imenovanja, a koja na osnovu njega utvrđuje prijedlog odluke o smjeni ministra

Vlade Kantona Sarajevo. Skupština donosi odluku o potvrđivanju smjene ministra Vlade Kantona Sarajevo javnim glasanjem. Odluka o smjeni ministra stupa na snagu ukoliko je za nju glasala većina svih izabranih poslanika zastupnika u Skupštini", što smo mi na prošloj sjednici i uradili. Član 205 b) se dalje veže na ovaj član 205. a) "Premijer će u slučaju donošenja odluke iz člana 205 a. Stav (4) smjene ministra dostaviti predsjedavajućem Skupštine prijedlog kandidata ministra na upražnjenu funkciju čiji će se izbor vršiti hitno i u proceduru i sukladno članu 204. i 205. ovog Poslovnika, s tim da rok može biti kraći od utvrđenog roka u članu 204. ovog Poslovnika". Znači hitno i rok može biti i kraći utvrđen.

Elvedin Okerić (predsjedavajući)

Zastupnik Muamer Bandić, poslovnička. Muamer Bandić, zastupnik.

Muamer Bandić (zastupnik)

Selamim i pozdravljam sve prisutne i one koji nas prati putem malih ekrana. Zahvaljujem se. Kolega Čičić je dobro to definisao, ali treba da napravite jednu ključnu razliku. Sada govorim o karakteru hitne sjednice i predsjedavajući pročitao, vjerovatno i ja jučer nisam dobro utvrdio izmjene posljednje Poslovnika koje daju mogućnost predsjedavajućem, ali samo predsjedavajućem, da utvrđuje karakter hitnosti, što je suludo u demokratskom društvu. Mi smo imali jedan pravno uređen način sazivanja hitnih sjednica, odnosno elemente, sada taj više nemamo mogućnost, nego tu mogućnost određuje direktno predsjedavajući. Znači, ne, predsjedavajući, slušajte sada, dakle, član 65. Poslovnika stari: "Izuzetno u okolnostima opasnosti po javnu sigurnost i sigurnost građana širih razmjera, elementarnih nepogoda, velikih šteta za imovinu, epidemija i slično, predsjedavajući može da sazove sjednicu kraćim rokovima od onih predviđenih Poslovníkom, a dnevni red za ovu sjednicu predlaže se na samoj sjednici koja hitnog karaktera". Dakle imate razloge i elemente za sazivanje hitne sjednice i mi svi možemo predsjedavajućem uputiti kad smatramo da postoje ovi elementi koji su ispunjeni. E slušajte sada: "Izuzetno u hitnim slučajevima predsjedavajući može da sazove sjednicu u kraćim rokovima od onih predviđenih Poslovníkom, a dnevni red za ovu sjednicu predlaže se na samoj sjednici koja je hitnog karaktera". Dakle, šta je sad predsjedavajući uradio? On je dobro izmijenio Poslovnik, međutim nije dobro izmijenio ostale odredbe Poslovnika, jer ste vi ovim odredbama Poslovnika, dakle, apsolutno sebi uzeli za pravo da u ime svih nas odlučujete kada ćete sazvati sjednicu i kada ima karakter hitnosti, međutim niste izmijenili Poslovnik, član 194. koji vam je rekla kolegica kada morate nama dostaviti materijale? E u tome je stvar. Dakle, ne može odredba jedna Poslovnika derogirati sve druge odredbe Poslovnika i to ko vam god, kaže, nije u pravu, predsjedavajući. Dakle, ovo tijelo treba da funkcioniše na principima jednakopravnosti. Niko od nas zastupnika ovdje nije jednakopravan sada sa predsjedavajućim, niko. I on nema pravo sebi uzeti dakle za shodno, da samo on određuje karakter hitnosti. OK, vi ste odradi karakter hitnosti, ali ne može ugroziti odredbu 194 stav (3), koja kaže da vi nama zastupnicima, kada se radi o izboru i imenovanju, morate nam dostaviti predsjedavajući, dakle materijale 3 dana prije. Ovo što vam oni govore da vi imate mogućnost da sazovete, kako je to rekao kolega Čičić, u kraćim rokovima, da, da sazovete, ali ne možete zaboraviti i zanemariti odredbu 194 stav (3) za materijale da nam dostavite. Na taj način vi nama direktno oduzimate pravo poslovnički koje je propisano, a vama nije propisana mogućnost da ga možete oduzeti. Tako da ova odredba člana nama daje za pravo da diskutujemo o ovim tačkama dnevnog reda i da tražimo ustvari da se ova tačka dnevnog reda izbor i imenovanje novog ministra skine sa dnevnog reda.

Elvedin Okerić (predsjedavajući)

Kolega Bandiću, to nije istina što govorite ili tumačite pogrešno Poslovnik, a evo, sad ću vam kazati. Ovo što ste vi sad pročitali član 194. odnosi se na izbor i imenovanja predviđena

smjenjivanja i razrješenja svih drugih imenovanja, a posebno imate odjel gdje se govori o imenovanju, ovo što je kolega Čičić čitao i ovaj član koji sam ja čitao hitne procedure zakazivanje hitne sjednice. Tako da ovo nema veze sa imenovanjem danas sa kojim mi imamo na dnevnom redu. Zastupnice Vedrana Vujović, jel vi želite poslovničku? Samo redom, redom da idemo. Pazite, ja vam ne mogu dozvoliti u nedogled da čitav dan danas ostavljamo prostor, da vi onemogućavate rad sjednice Skupštine Kantona Sarajevo, to vam ne mogu dozvoliti. Evo, kazali ste svoje mišljenje, stavove, to sam vam dozvolio, međutim u isto vrijeme sam vam odgovorio da niste u pravu i mi želimo dalje da nastavimo da radimo. Kolega Bandiću, zaista mi je žao što niste izučili u potpunosti Poslovnik, novi, kada predsjedavajući da odgovor ne možete ponovo replicirati i tražiti dodatna objašnjenja. Zastupnica Vujović izvolite, imate riječ. Ja vama nisam replicirao. Izvolite kolega. Dao vam odgovor na postavljeno pitanje. Izvolite.

Vedrana Vujović (zastupnica)

Zahvaljujem, predsjedavajući. Pa evo vrlo kratko. Kolega Čičić je u suštini pročitao dobar član koji propisuje i dobre odredbe, međutim, treba naglasiti da u članu 205. b) tačno kaže da u hitnim okolnostima, odnosno da rok za dopunu člana Vlade može biti kraći od roka utvrđenog, odnosno u nekim ono još utvrđeno Poslovnikom u redovnim okolnostima, ali isto tako, dakle, ako je redovna procedura 8 dana, kako mi do sada radimo u radnim redovnim sjednicama u redovnim okolnostima, tačno sam rekla i vi ste malo prije ponovili i kolega Bandić je ponovio, član 194. je propisao sve izbore i sva imenovanja i nije uopšte prepoznao da se izbor i imenovanja mogu vršiti u hitnom postupku. Jeste drugi, neki član koji jeste kada je u pitanju izbor člana Vlade, jeste, ali je opet rekao da je dostava materijala u roku od 3 dana prije sjednice. Dakle, ja sam lijepo to pročitala maloprije i ja mislim da nije zaista u redu da na ovaj način, jučer je Kolegij zakazao sjednicu da ona bude danas i da mi danas raspravljamo o nečemu što je vrlo bitno za Kanton Sarajevo i čini mi se da niko od nas ne problematizira to što se bira, treba izabrati novi ministar, jer mi na to čekamo evo već četvrti, peti mjesec, nego, naprotiv, govorimo samo o procedurama jer apsolutno ne vidimo razlog zašto se evo sjednica nije mogla zakazati jučer, pa da bude za 3 ili 4 dana, u rokovima nekim kraćim, jer Poslovnik nije propisao da ona mora biti danas za sutra, jer još će vam postati praksa da izbor i imenovanja, sva naredna, buduća, vršite na ovaj način u hitnim procedurama, u hitnim, na hitnim sjednicama. I to nije dobro, ne samo za građane Kantona Sarajevo, nego generalno za upravljanje u Kantonu Sarajevo.

Elvedin Okerić (predsjedavajući)

Dao sam vam odgovor maloprije, tako da vam neću ponavljati odgovor na pitanje. Zastupnik Mahir Dević.

Mahir Dević (zastupnik)

Hvala. Povreda se predsjedavajući odnosi na član 169. Poslovnika koji kaže kada je u pitanju donošenje skupštinskih odluka, treba istaknuti da je članom 169. Poslovnika propisano da se donošenje odluka, deklaracija, rezolucija, preporuka vrši po odredbama ovog Poslovnika koje se odnose na postupak za donošenje zakona, s tim što se u postupku za donošenje ovih akata ne izrađuje nacrt ukoliko Skupština drugačije ne odluči. Dakle za donošenje odluka po hitnom, a ne u redovnom postupku, moraju se ispuniti uslovi koje Poslovnik propisuje za donošenje zakona po hitnom postupku. Također, osim uslova za donošenje odluka po hitnom postupku, moraju se ispoštovati odredbe Poslovnika koje se odnose na proceduru razmatranja prijedloga zakona po hitnom postupku, što znači da se prethodno moraju pribaviti i mišljenja radnih tijela. Znači pitanje imenovanja i razrješenja članova Vlade niti se može raditi na hitnoj sjednici Skupštine Kantona Sarajevo, a procedura se može ubrzati. E, to su vam ti članovi 204. i 205. Vama nije niko branio da premijer u roku 8 dana dostavi prijedlog novog ministra, a ne 31.

dan. Znači, vi naprosto ovdje predsjedavajući očigledno ne pravite razliku, a morate je napraviti jer je Poslovnik napravio. Znači postoji razlika u karakteru sjednice Skupštine Kantona, znači ona može biti redovna, svečana, hitna sjednica, od načina razmatranja tačaka dnevnog reda neki elementi možda i imaju kao tačke dnevnog reda hitnosti. Ne možete to stavljati u hitnu sjednicu Skupštine Kantona. Konačno, vi ste ovog ministra razriješili u redovnoj proceduri od 8 dana, a sada želite da ga imenujete u proceduri od 1 dan. Znači, mi vas ovdje upozoravamo predsjedavajući, ja ću samo još sada ovo kazati i neću više, naravno, ja ću poslije se referirati. Pročitat ću vam poslije u diskusiji, pasuse boldirane koje je Ustavni sud napisao. Ovakvo ov ne može ići. Prema tome, mi vam predlažemo da zakažete sjednicu u roku od 8 dana i da ovo izvršite na način kako ste trebali izvršiti. U protivnom, sigurno je tamo napisano, pročitati ću vam jer sada nemam vremena zbog 3 minute, gdje je jasno rečeno da imenovanje, izbor, rekonstrukcija ne može ići na hitnim sjednicama Skupštine Kantona Sarajevo.

Elvedin Okerić (predsjedavajući)

Dvije minute je isteklo i više. Zastupnik Muamer Bandić.

Muamer Bandić (zastupnik)

Mi imamo jednu vrlo ružnu situaciju, predsjedavajući s vama jer vi ovo ne razumijete, a tražite podršku, pomoć od drugih koji vam tumače pogrešno, da li porukama, da li nekim sugestijama. Vi kao predsjedavajući, vi ste imate samo mogućnost organizacijske uloge ovdje, nemate vi mogućnost konstitutivne, a vi to što radite, vi sada nama hoćete da derogirate pravne norme koje nama zastupnicima daju za pravo, dakle da nam se dostave materijali na vrijeme. Pored toga što ste vi izmijenili, dakle i Poslovnik, ja to mogu da poštujem, našli ste većinu, međutim, niste izmijenili cjelokupan Poslovnik koji bi vam omogućio ovakvu vrstu sazivanja sjednice za ove tačke dnevnog reda. To što su vam rekli, dakle, da član 204. i 205. dakle vam daje mogućnost, i vama daje mogućnost zaista za sazivanje tih sjednica, samo malo, ali vam nikako ne daje mogućnost da tim članovima Poslovnika derogirate odredbu Poslovnika 194. stav 3), kao što smo to već rekli, jer pravo i obavezu u zakonodavnom procesu moraju biti određene pravnim normama, nikako vašom voljom. Praktično, ovo je sada čista volja predsjedavajućeg da on procijeni da li ima hitnost, ova sjednica, karakter hitnosti i niko drugi i Kolegij će to, naravno, podržati. Međutim, Kolegij u organizacijskom smislu vama može pomoći, nikako u konstitutivnom, a vi ste pomiješali institute, to vam vjerojatno treba neko objasniti ko je pravnik, ali pravnik koji poznaje ustavno pravo, a ne da na ovaj način nas derogirate, da ministra o kojem smo dobili čak informaciju da je dobar čovjek, da će biti dobar ministar, dovodite nas situaciju da mi sada zbog vas koji niste u stanju da izvedete ovaj proces, iznosimo neke stvari koje ne bi iznosili u redovnim procedurama. Zato vas molim, vratite ovo u redovnu proceduru, nemojte nas dovoditi u situaciju svaki put da nam oduzimate prava. Vi nemate kao predsjedavajući nikakvo veće pravo, evo da završim, niti Kolegij ima veće pravo predsjedavajući. Vi ste od Kolegija kao od organizacijskog organa koji treba da pomogne Skupštini, napravili isto kao što ste napravili od Ureda za borbu protiv korupcije neko od strašno tijelo...

Elvedin Okerić (predsjedavajući)

Vrijeme kolega Bandiću, vrijeme, vrijeme, vrijeme, žao mi je. Zastupnik Davor Čičić. Izvolite, imate riječ.

Davor Čičić (zastupnik)

Zahvaljujem predsjedavajući. Ma, mislim da su odredbe člana 205 a) i 205 b) jasne za ovu proceduru koja se trenutno provodi i u skladu s onim što je kolegica Vedrana Vujović rekla, ovdje jasno piše da će se izbor vršiti hitno, s tim da rok može biti kraći, s tim da rok može biti kraći od utvrđenog roka, znači nigdje ne piše da taj kraći rok može biti 2, 3, 5 dana ili 1 dan,

tako da, ali ne piše jasno koliko dana može biti kraći. Može biti koliko god. Tako da, kolega Deviću, ja vama stvarno nisam dobacivao. Mislim da na ove članovi. Isto tako da ove presude Ustavnog suda koje vi spominjete su presude koje su bile prije izmjena Poslovnika, tako da tada je bilo navedeno da se ne mogu hitne sjednice sazivati, osim u slučaju nekih elementarnih nepogoda i sličnih stvari. Te odredbe su promijenjene kroz novi Poslovnik, tako da se i na te presude više ne možete pozivati jer je napravljena izmjena. S tim u vezi, evo, ja ne znam, smatram, ako zastupnici, većina zastupnika smatra da se može ići u ovu hitnu proceduru, nek se izglasa i da završimo, da završimo ovu diskusiju. Hvala.

Elvedin Okerić (predsjedavajući)

Ne postoji to uopšte. Evo, zastupnica Belma se nije javljala, onda se prvi put javlja, pretpostavljam, poslovnička intervencija. Izvolite, imate riječ.

Belma Kapo (zastupnica)

Pozdravljam sve prisutne i naše drage građanke i građane. Ja samo molim, evo kolege, svako ima pravo da se javi za riječ i da kaže ono što misli, razumijem, opozicija radi ono što oni smatraju, mi ono što mi, ali nemojte, molim vas, dobacivati i vrijeđati, šta ti je bolan, nemoj tako, nema potrebe, pobogu, ovo je Skupština Kantona Sarajevo, najveći zakonodavni organ Kantona Sarajevo. Javite se svi za riječ, imate pravo. Evo, niko nikom ne osporava da se javi, ali jako je ružno, mi čujemo sva ta dobacivanja, uvrede, nema potrebe za tim. Stvarno mislim da nije korektno de molim vas malo da spustimo tenzije. Evo, recite sve što imate i mi ćemo, ali vrlo je ružno da vi kolegi Davoru ili predsjedavajućem Okeriću dobacujete takve neke termine. Mislim da stvarno nema potrebe za tim. Hvala.

Elvedin Okerić (predsjedavajući)

Shodno navedenom, Prijedlog dnevnog reda Treće Hitne sjednice Skupštine Kantona Sarajevo, koji glasi:

1. Prijedlog Odluke o potvrđivanju imenovanja ministra komunalne privrede, infrastrukture, prostornog uređenja, građenja i zaštite okoliša Kantona Sarajevo;
2. Prijedlozi Odluka o verifikaciji Odluka o dodjeli javnih priznanja Kantona Sarajevo:
 - a) Prijedlog Odluke o verifikaciji Odluke o proglašenju Počasnog građanina Kantona Sarajevo, Dr. Mohammed bin Abdulkarim Al-Issa;
 - b) Prijedlog Odluke o verifikaciji Odluke o dodjeli Plakete Kantona Sarajevo gospodin Amel Kapo;
 - c) Prijedlog Odluke o verifikaciji Odluke o dodjeli Plakete Kantona Sarajevo gospođa Tijana Vignjević;
 - d) Prijedlog Odluke o verifikaciji Odluke o dodjeli Plakete Kantona Sarajevo, gospodin Slobodan Blagojević;
 - e) Prijedlog Odluke o verifikaciji Odluke o dodjeli Plakete Kantona Sarajevo, Gorska služba spasavanja Kantona Sarajevo;
 - f) Prijedlog Odluke o verifikaciji Odluke o dodjeli Plakete Kantona Sarajevo Udruženje hitnih medicinskih tehničara Federacije Bosne i Hercegovine;
 - g) Prijedlog Odluke o verifikaciji Odluke o dodjeli Plakete Kantona Sarajevo Kulturno-umjetničko društvo „Bašćaršija“;
 - h) Prijedlog Odluke o verifikaciji Odluke o dodjeli Plakete Kantona Sarajevo Kolektiv najdugovječnije predstave Kamernog teatra 55 u Sarajevu „Umri muški“;
 - i) Prijedlog Odluke o verifikaciji Odluke o dodjeli Plakete Kantona Sarajevo Udruženje „Generacija“;
 - j) Prijedlog Odluke o verifikaciji Odluke o dodjeli Plakete Kantona Sarajevo Kulturno-umjetničko društvo „Lola“ Sarajevo;

- k) Prijedlog Odluke o verifikaciji Odluke o dodjeli Plakete Kantona Sarajevo JU Sarajevska filharmonija;
 - l) Prijedlog Odluke o verifikaciji Odluke o dodjeli Plakete Kantona Sarajevo posthumno gđin Francis Boyle;
 - m) Prijedlog Odluke o verifikaciji Odluke o dodjeli Plakete Kantona Sarajevo posthumno Marko Vešović;
 - n) Prijedlog Odluke o verifikaciji Odluke o dodjeli Plakete Kantona Sarajevo posthumno Prof. dr. Enes Duraković;
 - o) Prijedlog Odluke o verifikaciji Odluke o dodjeli Plakete Kantona Sarajevo posthumno gospodin Alexander Langer;
3. Prijedlog Programa obilježavanja Dana Kantona Sarajevo od 02.05. do 09.05.2025. godine
4. Prijedlog Odluke o davanju saglasnosti za zasnivanje hipoteke na nekretnini;

Zamolio bih zastupnike da se izjasne o predloženom dnevnom redu. Zaključujem glasanje. Za je glasalo 18 zastupnika, protiv 10, suzdržanih ništa. Konstatujem da je Skupština za Treću Hitnu sjednicu Skupštine Kantona Sarajevo usvojila dnevni red, kako je i predložen.

Prelazimo na realizaciju prve tačke dnevnog reda. Zamolio bih sekretara da izvrši pojedinačno izjašnjenje na osnovu zloupotreba Poslovnika zastupnika Mahira Devića.

Aida Zeković (sekretar Skupštine)

Dobar dan, molim da se izjasnite.

Avdić Samir za
Bandić Muamer protiv
Bešlija Vildana za
Čampara Aljoša za
Čičić Davor za
Dević Mahir protiv
Gaković Elza za
Gavrankapetanović – Smailbegović Fatima opravdano odsutna
Handžić Vitor za
Hašimbegović Marijela protiv
Hodžić Admela za
Izetbegović Sebija protiv
Kalem Adi protiv
Kapidžić Faruk odsutan
Kapo Belma za
Klarić Sanela odsutna
Kristić Danijela za
Lemezan Redžo za
Marjanović Damir za
Mehmedagić Mersiha za
Melank Miomirka za
Memić Arijana odsutna
Okerić Elvedin za
Pekić Jelena za
Petrović Kristina odsutna
Pilav Ilijaz protiv
Pobrić Rusmir za
Selmanović Faruk protiv

Šaljić Jasmin protiv
Vikić Musić Vedrana za
Viteškić Smiljana protiv
Vreto Elvis za
Vujović Vedrana protiv
Zahiragić Haris odsutan
Zuhrić Albin protiv

Elvedin Okerić (predsjedavajući)

Za je glasalo 18 zastupnika, protiv 11, suzdržanih ništa.

Konstatujem da je Skupština za Treću Hitnu sjednicu Skupštine Kantona Sarajevo usvojila dnevni red, kako je i predložen.

Prelazimo na realizaciju prve tačke dnevnog reda.

AD-1.

Prijedlog odluke o potvrđivanju, imenovanju ministra komunalne privrede, infrastrukture i prostornog uređenja, građenja i zaštite okoliša Kantona Sarajevo

Materijal je dostupan na službenoj stranici Skupštine Kantona Sarajevo.

Obzirom da sam predsjedavajući Komisije za izbor, imenovanja, administrativna pitanja Skupštine Kantona Sarajevo, podnijet ću ukratko uvodno izlaganje.

Premijer Kantona Sarajevo, Nihad Uk, dana 14.04.2025. godine, dostavio je predsjedavajućem Skupštine Kantona Sarajevo prijedlog kandidata za ministra komunalne privrede, infrastrukture, prostornog uređenja, građenja i zaštite okoliša u Vladi Kantona Sarajevo. Predsjedavajući Skupštine je navedeni prijedlog prosljedio Komisiji za izbor i imenovanja i administrativna pitanja Skupštine Kantona Sarajevo, na nadležno postupanje.

Komisija za izbor i imenovanja i administrativna pitanja Skupštine Kantona Sarajevo, na sjednici održanoj dana 16.04.2025. godine, u skladu sa članom 37. Poslovnika Skupštine Kantona Sarajevo, utvrdila je prijedlog Odluke o potvrđivanju imenovanja ministra komunalne privrede, infrastrukture, prostornog uređenja, građenja i zaštite okoliša Kantona Sarajevo, koji vam je uz kompletnu dokumentaciju dostavljen na razmatranje i odlučivanje.

Pozivam uvaženog premijera Nihada Uka da nam da uvodne napomene, a onda pretpostavljam i obraćanje kandidata. Izvolite, imate riječ.

Nihad Uk (premijer)

Hvala puno, predsjedavajući, srdačno pozdrav vama svim prisutnim u sali, dragim gledaocima pored malih ekrana. Prije svega želim da se zahvalim Kolegiju Skupštine Kantona Sarajevu koji je utvrdio hitnost ove sjednice, i ne samo zbog ove tačke dnevnog reda, nego i ostalih tačaka koje su se danas našle na dnevnom redu. Također, želim da se zahvalim i Komisiji za izbor imenovanja koja je podržala moj prijedlog da se u proceduru uputi imenovanje ministra Mladena Pandurevića. Manje-više svima nama je poznato zbog čega se u ovom trenutku nalazimo u ovoj situaciji da imenujemo novog ministra, odnosno zbog čega sam bio prisiljen da ministra gospodina Bošnjaka razriješim dužnosti. Ovom prilikom se zahvaljujem za sav angažman koji je ministar Bošnjak imao u proteklom periodu i u Vladi i u samom Ministarstvu. Danas ovdje stojim tražeći od vas, poštovani zastupnici i zastupnice, podršku za imenovanje gospodina Mladena Pandurevića za ministra Ministarstva komunalne privrede, infrastrukture i prostornog uređenja, građenje i zaštite okoliša. U samom materijalu za ovu sjednicu dobili ste biografiju gospodina Pandurevića. Ja ću ukratko predstaviti da se radi o pravniku sa položenim pravosudnim ispitom koji je svoju karijeru gradio na rukovodećim pozicijama u realnom sektoru, od Energoinvesta, Energokommerca, Centrotransa pa do Udruženja poslodavaca

Federacije Bosne i Hercegovine. Gospodin Pandurević je u proteklom periodu i danas, pored ovog svog profesionalnog angažmana, našoj zajednici doprinio i kroz društveni aktivizam od članstva u Helsinškom komitetu za ljudska prava pa do današnjeg članstva, odnosno predsjedavajuće uloge u Srpskom građanskom vijeću Bosne i Hercegovine. Uvjeren sam da će Vlade Kantona Sarajevo zajedno sa gospodinom Pandurevićem započeti, ali i nastaviti već započete procese i da ćemo već u narednim mjesecima od vas, kao što danas tražim podršku, tražiti podršku za niz gorućih, izazovnih stvari svih građana Kantona Sarajevo, odnosno ovog resora. Između ostalog, tu je dugoročno, konačno i ekološki prihvatljivo rješenje Smiljevića, dakle i otpadnih voda i samog otpada. Isto tako očekujemo u narednim sedmicama i mjesecima Zakon o legalizaciji, dakle bespravno izgrađenih objekata. Također očekujte Prostorni plan Kantona Sarajevo, odnosno Urbanistički plan Kantona Sarajevo, rješenje Baga u Vogošći, također početak najozbiljnijeg investicionog ciklusa kada je u pitanju zaštita zraka, a koja će se raditi kroz ovo ministarstvo kroz zamjenu ložišta, jer je ovih sedmica, odnosno ovih dana dolazi do aktivacije kredita koji je Kanton Sarajevo uzeo preko Svjetske banke, tako da veliki iznos će biti na raspolaganju građanima Kantona za zamjenu individualnih ložišta. To je samo niz stvari koje očekujemo u narednom periodu da će se desiti kroz ovo Ministarstvo, a iskreno se iskreno nadam da će gospodin Pandurević biti posljednji ministar ovog glomaznog i u okviru ovih nadležnosti Ministarstva. Još jednom molim za podršku, a poslovnički ću iskoristio ovih desetak minuta tako što će gospodin Pandurević se obratiti ukratko i prezentirati ukratko crtice budućeg svog rada. Hvala još jednom predsjedavajući.

Elvedin Okerić (predsjedavajući)

Zahvaljujem se premijeru Nihadu Uku, a sada bih zamolio gospodina Pandurevića da nam se obrati. Izvolite, imate riječ.

Mladen Pandurević

Zahvaljujem. Gospodine predsjedavajući, poštovano predsjedništvo, uvaženi premijeru, uvaženi poslanici, dozvolite mi da na početku ovog mog kraćeg nastupnog izlaganja se zahvalim premijeru koji je vjerojatno prepoznao neke moje kvalitete i predložio me na ovu časnu i visoku funkciju, također Komisiji za imenovanje. Unaprijed se zahvaljujem svima vama koji budete podržali moj izbor, a zahvaljujem se i vama koji to ne budete uradili jer to je demokratija, a ja sam ubijeđen da demokratija treba bude osnovni, jedan od osnovnih stubova oslonaca izgradnje našeg društva i naše države. Trudit ću se da budem, ako budem izabran, ministar u latinskom značenju te riječi, a to je neko ko služi narodu, koji je odgovoran predstavnicima naroda, a to ste vi i građanima Kantona Sarajevo. Bolje od mene znate, ja sam se iznenadio ovih par dana kada sam pokušao koliko-toliko mogu da uđem, koliko mogu da uđem u materiju kada sam vidio o kakvom se mastodonskom ministarstvu radi, koji pokriva pet tema ili pet oblasti koje bi se moglo podijeliti u tri ministarstva i da svako od ta tri ministarstva bude zatrpano poslom. Ministarstvo koje ima 13 organizacionih jedinica i po sistematizaciji gotovo 100 zaposlenih. Mislim, mislim da samo postojanje takvog ministarstva je samo po sebi problem, a onda stvari koje se dešavaju kako se dešavaju. To je ministarstvo čiji rad ili nerad se direktno osjeti na životu, svakodnevnom životu građana Sarajeva i zato treba biti svjestan odgovornosti obavljanja ovakve funkcije, ali istovremeno biti ponizam pred ljudima čiji kvalitet života i standard trebate da unaprijedite. U konsultacijama sa premijerom, u konsultacijama sa vršiocem dužnosti ministra ovog ministarstva, također sa bivšim kantonalnim premijerima i bivšim ministrima u ovom ministarstvu, nastojao sam da prikupim informacije, također i sa rukovodiocima i zaposlenim koji su trenutno u ministarstvu, kako bih vidio koji su to prioriteti i predložio prioritete rada u ovih manje od godinu i pol dana koliko je ostalo do kraja mandata Vlade u ovom ovaj sazivu. Razgovarao sam i sa ljudima koji su trenutno i u poziciji i trenutno u opoziciji i prikupio sam vrlo korisne informacije. U saradnji

sa premijerom došli smo do otprilike nekih prioriteta u radu, ali te prioritete strateške teme bojim se da gube bitku sa svakodnevnim problemima sa kojima se susrećemo a čija je važnost toliko velika da se moraju rješavati maltene na dnevnoj bazi. Otprilike u komunalnoj privredi, to bi bilo rješavanje problema komunalnog, Kantonalnog javnog komunalnog preduzeća Vodovodi i kanalizacija i rad na deblokadi računa. Evo jedna tačka je vezana za tu stvar na današnjoj sjednici. Dalje, popravljjanje stanja u Kantonalnom javnom komunalnom preduzeću RAD. Kada se tiče pitanja zbrinjavanja otpada deponije Smiljevići, stavljanja izgrađene infrastrukture koja već postoji a koja nije u funkciji, dalje moramo vjerovatno dovesti do jednog stepena završenosti projekte na izradi raznih vrsta, odnosno spalionica različitih vrsta otpada, jer otpad ne treba da bude nešto što je odbačeno nego treba da bude nešto što nosi prihod. U Europi je praksa da 80 % otpada stvara prihod, da tek 20 % onoga što odbacimo je balast ili višak. Dalje je veliki problem vidio sam rješavanje pitanja grijanja za stanovnike Vogošće i učinit ću sve što mogu da taj problem riješimo prije nego što dođe grijanja sezona. Ako ga počnemo rješavati u septembru, bojim se da ljudi neće imati grijanje. Dalje, mislim da je jako važno raditi, odnosno nastaviti nešto je tu napravljeno, ali treba to dovesti do kraja, razviti tarifne modele za utvrđivanje cijene komunalnih usluga, ne može biti jedan, jer su različite usluge, ne znam plin, voda i već ne znam ti šta, znači moramo maksimalno objektivizirati način utvrđivanja cijena komunalnih usluga koji neće zavisiti od toga ili bar neće presudno zavisiti od toga da li je na vlasti lijeva ili desna Vlada. Do cijena se mora doći na objektivan ekonometrijski način. Dalje moramo promijeniti način naplate usluga, staviti, izraditi i staviti u funkciju aplikaciju za prijavu problema u komunalnoj privredi, koordinirati aktivnosti preduzeća na sanaciji onih preduzeća koja se nalaze u gubitku, a mora se nastaviti posao na izradi Zakona o izmjenama i dopunama Zakona o komunalnoj djelatnosti. Jučer sam dobio informaciju da skoro 5 godina iz ovog ministarstva nije izašao ni jedan zakonski prijedlog. Mislim da to samo po sebi govori da to nije dobro. Nemam namjeru nikoga da kritikujem, ali govorim sa aspekta koliko posla, koliko posla predstoji. Na infrastrukturi nastavak koordinisanja aktivnosti na zamjeni dotrajale kanalizacione i vodovodne mreže. Dalje pristupiti planiranju i ako se stigne i izgradnji, odnosno nove kanalizacione i vodovodne mreže u onim dijelovima Kantona koji nisu pokriveni takvom uslugom. Dalje, morat ćemo da vidimo i sa izgradnjom ulične rasvjete na onim područjima koja nisu pokrivena, a vjerovatno se mora početi raditi na osavremenjivanju te usluge u cilju smanjenja troškova energije, jer ne znam da li znate, ali ulična rasvjeta Kantona Sarajevo je peti potrošač, odnosno kupac po veličini kod Elektroprivrede Bosne i Hercegovine. Po tome vidite koliko se energije troši i vjerovatno tu postoji prostor za unapređenje. Dalje, morat će se ubrzati stvari na izradi projekata u cilju dobivanja donacija i kreditnih povlačenja kreditnih sredstava, jer jedan od mojih ciljeva je da se podstiču investicione djelatnosti, znači javna potrošnja koja se tiče investicija je višestruko korisna i moramo raditi na taj način da ostvarimo više sredstava za tu namjenu i da budemo sposobni da ta sredstva i utrošimo. Prostorno uređenje, završetak izrade i usvajanja Prostornog plana Kantona Sarajevo, koje će vjerovatno u drugom dijelu ove godine biti pred vama. Zatim stvaranje uslova za legalizaciju nelegalno izgrađenih objekata. A to je stvar koju ja sam, kako bih rekao, nerado prihvatio, ali sam od strane premijera i drugih kolega dobio argumente koliko je to važno jer koliko ima negativnih posljedica po neke druge stvari, ali ću se truditi da taj zakon ne bude četvrti zakon u nizu legalizacija, a da, stanje se ne promijeni. Dalje, morat ćemo u toj oblasti raditi na podizanju efikasnosti i prvostepenog i drugostepenog organa, odnosno organa za prvostepeno i drugostepeno upravno odlučivanje unutar ovog ministarstva, jer sam dobio podatak da postoji trocifren broj slučajeva koji čekaju, koji čekaju na rješavanje. Ukoliko prvostepeni i drugostepeni organ budu smetnja za investicije, onda nismo učinili dobar posao. Kod građenja pronaći zakonski osnov za omogućavanje isplate poticaja za stambeno zbrinjavanje mladih, uklanjanje prepreka i značajniji rast gradnje stambenih objekata putem dva fonda. Da vam ne govorim o benefitima koji bi se time dobili do smanjenja cijene i

kvadrata, do zbrinjavanja ovaj ranjivih kategorija do poboljšanju standarda itd. Zaštita okoliša, to je oblast na kojoj se već sutra mora značajno raditi, od proširenja deponije Smiljevići, uspostavljanje prečistača otpadnih voda, izgradnje solarnih panela, nastavka rade na energetske učinkovitosti, rad na otklanjanju nelegalnih priključaka na vodotokove, vršiti pritisak skupa sa drugim kantonima da se naknade koje se plaćaju za ovu namjenu, ne samo ekološki, nego i naknade za šume, naknade za vode namjenski koriste za to zašto su predviđene. Proširiti oaze, zelene oaze i mjesta za rekreaciju i odmor u Kantonu, raditi na motivisanju građana za korištenje ekoloških prihvatljivih energenata kroz različite sisteme subvencija, proširenjem plinske mreže i zamjena kotlova itd. Nastavak rada na poboljšanju kvaliteta zraka, sanacije klizišta. Rečeno mi je da se broj postojećih i potencijalnih klizišta mjeri hiljadama. To je užasna stvar. Znači, tu moramo pokrenuti određene stvari do uvođenja sistema prijavljivanja i uzbunjivanja u slučaju pojave klizišta, izgradnje velikog broja ustvari sistema za odvođenje voda koje utječu na klizišta, uvođenje komunalnih kartica, paralelno raditi na aktivnosti koje su u nadležnosti interresornoj nadležnosti više ministarstava, rad na projektima u cilju povećanja investicija, povećanje efikasnosti rada. I na kraju sam to rekao, ali ne najmanje važno, unapređenje motivacije i poboljšanje položaja zaposlenih, prvenstveno u komunalnoj privredi, ali i u drugim pravnim licima koja su u nadležnosti ovog ministarstva i samih zaposlenih u ministarstvima. Dozvolite mi na kraju dvije, tri rečenice lično. Znači ako za ovih manje od godinu i pol dana uspijemo riješiti tri prioriteta problema, ukoliko tri nova tri prioriteta problema, stepen završenosti bitno podignemo i u sljedeća tri napravimo napredak, ja ću lično biti zadovoljan i imat će smisla, ako budem izabran što sam izabran na tu funkciju. Ako se to ne ostvari, onda nije bilo potrebe nikoga ni dovesti na ovo mjestu. Pozivam sve vas, bez obzira da li ste u strankama koje su na vlasti ili niste sa strankama na vlasti da apsolutno u svakom trenutku dođete i sa svojim idejama, prijedlozima, primjedbama. Ne pozivam vas na kritike jer znam da ćete to vrlo raditi, i ja bih da sam na vašem mjestu, ja nemam taj luksuz, da imam 100 dana za ulazak u rad, ne 100 dana, nego nemam luksuz da imam 15 dana, već od ponedjeljka, već od ponedjeljka, ako budem izabran, ću morati da startujem na rješavanju ovih problema, a evo ova dva dana, ako budem, da ovaj pola dana i sutrašnji dan ću sebi dati da prikupljam informacije, onda ću simultano raditi na prikupljanju informacija i na njihovom rješavanju. Dozvolite mi da na kraju, nadam se, nisam bio predugačak i da nisam bio dosadan, dozvolite mi da na kraju svim onim koji su katolici i pravoslavci čestitam nastupajuće praznike, sutrašnji Veliki petak i Uskrs, odnosno Vaskr koji je u nedelju. Želim vam, želim i meni i vama svako dobro i bolji i kvalitetniji Kanton Sarajevo. Hvala vam.

Elvedin Okerić (predsjedavajući)

Zahvaljujemo se gospodinu Pandureviću. Može se vratiti na svoje mjesto. Otvaram raspravu. Zastupnik Mahir Dević je prijavljen. Jel li ovo ostala neka stara prijava od ovih maloprije poslovnički intervencije ili je rasprava? Rasprava. Zastupnik Mahir Dević, izvolite imate riječ.

Mahir Dević (zastupnik)

Hvala. Valjalo bi kazati ovdje da Klub SDA neće podržati imenovanje novog ministra. Nije to ništa za vas što kažu neočekivano, jer mi smatramo da vi što budete imali manje ministara u Vladi, manje ćete ih imati u pritvoru, jer vi se ozbiljno ovdje približavate kvoti od jedne četvrtine uhapšenih ministara. Tako da umjesto hitnog postupka izgleda da je bolje kada vi nemate ministara u ministarstvima, onda je manja šansa da bude slijedeći ovaj ministar priveden na osnovu neke sumnje u korupciju, nelegalno zapošljavanje itd, itd. Zašto ne treba glasati za ovo današnje imenovanje? Iz dva razloga. Prvi razlog jer je ovo premijeru nezakonit prijedlog kojeg ste vi dostavili na Skupštinu Kantona Sarajevo, uzimajući u obzir istu ili sličnu ili sličan zahtjev za ocjenu ustavnosti koji je Klub SDA podnio za 13. hitnu sjednicu Skupštine Kantona Sarajeva koja je održana 17. 12. 2020 godine. I naravno, tada se pokazalo da smo mi

bili potpuno u pravu. Znači, vi sada pravite identičnu situaciju, vi nas ovdje sada predsjedavajući ubjeđuje da to nije tako. Džaba mi njemu čitamo, naravno, članove Poslovnika, džaba, mi njemu govorimo o presudama, džaba je to što smo mi svaki put do sada bili u pravu, on nije bio, on je bio u pravu jedino kada su obustavljani postupci iz nekih razloga. Znači, nikada čovjek nije Poslovnik u ova dva mandata rastumačio onako ovaj kako treba. Znači, ja ću vam samo pročitati dio, ovaj formalni, šta je rekao Ustavni sud oko ovog imenovanja, a onda ću reći suštinski zašto ne treba podržati imenovanje ovog. Ministra znači u toj Presudi Ustavni sud je konstatovao sljedeće, citiram: "Prelazak iz redovnog zakonodavnog postupka koji je pravilo", a to je pravilo i za izbor i za imenovanje i za rekonstrukcije Vlade i za donošenje zakona, ili da kažemo za 99 % odluka i svega onoga što donosi skupština, znači, to je pravilo, gospodo, ne izuzetak, već pravilo, redovni zakonodavni postupak je pravilo. Znači: " iz redovnog u zakonodavni postupak koji je pravilo u izuzetni hitni postupak donošenja zakona", a kada se kaže zakona, u prethodnom članu se kaže i da se odluke i deklaracije donose ovaj po istom zakonodavnom postupku kakvom se donosi zakon, " je dvostruko uslovljen i to vrlo ozbiljnim uslovima čije ispunjenje mora se sa najvećom pažnjom da se procijeni. Prema toj odredbi, u hitnom postupku može se donijeti samo onaj zakon kojim se uređuju odnosi i pitanja za čije uređivanje postoji neodložna potreba, što ovo nije slučaj. Mi imamo zakon koji, Zakon o Vladi, o ministarstvima, o imenovanju, o razrješenju, koje je jasno rečeno. I druga stvar jel kada će nastupiti ovaj određeni štetne posljedice za društveni interese u Kantonu, e ovdje bi se moglo kazati da će nastupiti korisne posljedice po Kanton Sarajevo ako se više niko u ovakvoj Vladi ne imenuje. Jer matematička šansa da neko sljedeći bude uhapšen je više nego realna, ukoliko gledamo ono što se dešava u vašoj bliskoj prošlosti. Naravno, dalje Ustavni sud, kaže, citiram ponovo, ovo sve govorim, naravno, radi stenograma, razrješenje i ponovno imenovanje ministara, koje, po mišljenju predlagača zakona, razlog za njegovo donošenje u hitnom postupku, ovdje ste samo govorili o zakonu, a ista je situacija jer je u pitanju odluka o imenovanju je opće poznata procedura koja se pod nazivom rekonstrukcija kabineta ili reorganizacija Vlade katkada provodi u svim političkim sistemima, ali upravo zbog svoje općedruštvene važnosti u redovnom postupku. To kaže Ustavni sud. Kako u pogledu načina sazivanja sjednice, e to je ono gdje vi ne pravite kolega Čičiću razliku, tako i u pogledu načina donošenja propisa, znači mi ovdje imamo dvostruku stvar; način sazivanja sjednice i način pripreme propisa, odnosno tačke dnevnog reda, e te odredbe koje ste vi čitali 204. i 205. Poslovnika, one se odnose na pripremu propisa, odnosno u konkretnom slučaju Odluke o imenovanju ministra i tu je u Poslovniku izmijenjeno da taj rok može biti kraći od 30 dana, da može biti 15 dana. Ali nikako u hitnoj proceduri, već isključivo redovna procedura koja podrazumijeva minimum od 8 dana, ali je izmjena Poslovnika dozvolila da to sada ne mora biti 30, već da može biti 15, može biti 12, može biti 11, može biti 9. Na osnovu presude Ustavnog suda Federacije 59/20 proizlazi sljedeće: da nije ispunjen ni jedan od uslova koji je propisan Poslovnikom za sazivanje hitne sjednice, kako ste to uradili. Također da nisu ispunjeni uslovi za razmatranje predloženih tačaka dnevnog reda u hitnom, a ne redovnom postupku. To sam već vama, kolega Čičiću, ovaj kazao. I naravno, valja konstatovati da se ponavlja historija sa 13. Hitne sjednice Skupštine Kantona Sarajevo od 17. 12. 2020. godini, koju je sazvaio i istom predsjedavao isti ovaj predsjedavajući, pa je onda Ustavni sud utvrdio sljedeće: da on nije govorio istinu, da nije pravilno primjenjivao Poslovnik Skupštine Kantona Sarajevo, da nije savjesno i na ustavan način vršio funkciju predsjedavajućeg Skupštine Kantona Sarajevo. Znači to je sve utvrdio Ustavni sud u presudi 59/20. I mene samo čudom čudi da vas 18 koji ovo izglasate, da vas činjenice, zakon, Poslovnik, presude Ustavnog suda ničim ne obavezuju, pazite, vi kao da ste hipnotisani, ja zaista to ne mogu da shvatim. To je sada, evo da kažem, pošto sam potrošio skoro pola vremena, ovaj pravni aspekt zašto ne treba glasati za nezakonitu odluku. Znači ova Odluka je neustavna, ona nije napravljena u skladu s Poslovnikom o radu Skupštine, ona će biti osporena od strane Ustavnog suda u ustvari u sličnom ili malte ne istom

predmetu je Ustavni sud ovo utvrdio, vama je to nemoguće dogovoriti. Funkcionalno, zašto ne treba glasati za ovakvu stvar, pored toga, sada što je nezakonita? Evo da je zakonita, maloprije smo čuli predlagača, gospodina Pandurevića, koji je rekao jednu istinu. Kazao je da iz ovog Ministarstva pet godina nije izašao niti jedan zakon. I sada da biste vi kao nas ubijedili da ćete vi u roku godinu kao popraviti rad ovog ministarstva i onda slušamo ovdje premijera, pazite, koji se zahvalio Kolegiju koji je utvrdio karakter hitnosti, a isti taj premijer dostavi prijedlog za ministra nakon što ste Sarajevo obili uzduž i porijeklo, svi su vas odbili, nije niko htio, evo da kažemo, iz reda Srba je bilo potrebno da obnaša tu funkciju ministra, a razriješite ministra u redovnoj proceduri, ovog imenujete u hitnoj. 31. dan ste vi premijeru dostavili prijedlog ovog ministra. I vi danas na jedan vrlo da kažem, neprincipijelan način se zahvaljujete Kolegiju zato što je on utvrdio karakter hitnosti. To što je Kolegij utvrdio karakter hitnosti u toj istoj presudi 59/20, ne znači se da je taj karakter hitnosti, u skladu s Poslovníkom urađen, u konkretnom slučaju nije. I onda ovdje sada slušamo da ćemo nakon 6 godina vaše vlasti imati neke aplikacije za prijavu javnih kvarova, da ćemo riješiti spalionicu, nakon što ste finansijski uništili Kanton Sarajevo. Znači vi u ovoj godini ne možete podignuti više ni 1 000 000 KM kredita, a kamoli da isfinancirate neku u spalionicu. Hoćete, napraviti ćete isto kao što ste riješili deponiju Smiljevići za ovih osam godina, eto, isto tako ćete riješiti tu spalioncu. I znači vi niste bili u stanju premijeru iz ovog ministarstva nakon mojih pet poziva, najmanje do sada da donesete izmjenu po skraćenom postupku zakona, da omogućite legalizaciju bespravno izgrađenih objekata. Da omogućite privremeni priključak na vodovodnu mrežu ljudima, kao što se radi sa strujom. Ja vas lično slušam da vi i to obećavate ovdje od vašeg predsjednika Forte do vas i dobijem odgovor naravno da neće se tu ništa desiti ovaj što kažu do izbora, ako još ko ne bude uhapšen od vas, finih, transparentnih, meritokratskih ministara, a slušali smo salve vaših kritika na SDA ministre iz prošlog saziva, a ni jedan ne bi ni priveden, a kod vas ministri ko na traci, svake 3 sedmice završavaju, ali to je za vas kao normalno, vi kad to radite, to je za vas normalno. Ne očekujemo nikakve rezultate konkretno od vas da ćete napraviti. Također, nemam, naravno, ništa protiv, ne znam najbolje stručno znanje ministra. Mogao bih razumjeti da je on savjetnik eventualno nekom mlađem, ali da mi postavljamo evo i penzionera za ministra, izgleda da je to vama moda kao Tuzli onoga za MUP što ste bili predložili. Naravno, želim čovjeku najbolje zdravlje, ali znajući probleme, Vodovoda, RAD-a, ViK-a, Parka, svu korupciju i kriminal koju ste vi u ovom Kantonu ovdje organizirali, što se dokazuje svakim danom od zapošljavanja, tendera, kriminala...

Elvedin Okerić (predsjedavajući)

Vrijeme kolega Deviću.

Mahir Dević (zastupnik)

...Da ćete vi to riješiti ministre, ne vjerujem, želim vam puno zdravlja, sreće, uspjeha. Mi za vas ne možemo glasati iz dva razloga; jedno je zato što ovo nezakonito glasanje bi bilo i pod 2. funkcionalno, znači mi ne očekujemo da ćete vi, odnosno ova Vlada, išta novo i pametno uraditi. Hvala.

Elvedin Okerić (predsjedavajući)

Vrijeme kolega Deviću. Replika. Kolega Dević. Molim? Replika kolegi Deviću, potvrđenom destruktivcu i populistu koji sutra nije, koji jučer nije iznašao način. Samo, ne možete dok ne završim, ne možete dok ne završim, kolega Deviću.

Čovjek nije iznašao način da dođe na jučerašnji na Kolegij Skupštine Kantona Sarajevo, gdje je mogao da govori o procedurama, o procedurama sazivanja hitne sjednice Skupštine Kantona Sarajevo. Međutim, kolega Dević uživa u ovim performansima ometanja rada Skupštine Kantona Sarajevo. Međutim, zbog javnosti je važno da kažem da ovaj čovjek iznosi neistine, a

radi se o sljedećem: čuli ste ga na početku kako je govorio kako rukovodstvo Skupštine Kantona Sarajevo radi neustavno, donosi neustavne zakone, međutim informacijama koje želim da podijelim sa građanima Kantona Sarajevo govore upravo suprotno, da kolega Dević svaki put koristi mikrofonski da govori neistine, iznosi laži. Čovjek je dokazani destruktivac i populist. Informacija o postupcima pred Ustavnim sudom Federacije Bosne i Hercegovine, gdje je od sedam apelacija koje imam ovdje kod sebe, kolega o ovom apelaciji koju govorio u pravu je bio kada je u pitanju Zakon za ocjenu ustavnosti postupka donošenja Zakona o izmjenama i dopunama Zakona o organizaciji, djelokrugu organa uprave iz '20 i '21. godine i Zahtjev za ocjenu ustavnosti Zakona o ministarstvima i drugim organima uprave Kantona Sarajevo. Ostalo kolega Dević i opozicija koji su podnosili apelacije, sve ste ih izgubili, kolega Deviću, pa sada vam čitam redom: Zahtjev za utvrđivanje ustavnosti Nacrta budžeta Kantona Sarajevo za 2019. godinu i donošenje privremene mjere- postupak obustavljen. Zahtjev za ocjenu ustavnosti Zakona o izmjenama i dopunama Zakona o organizaciji i djelokrugu organa uprave upravnih organizacija iz '21. godine - postupak obustavljen, kolega Deviću. Zahtjev za ocjenu ustavnosti postupka usvajanja Zakona o visokom obrazovanju, podnosilac zahtjeva premijer Federacije - tadašnji postupak obustavljen, kolega Deviću. Zahtjev za ocjenu ustavnosti postupka usvajanja Zakona o visokom obrazovanju podnesen 2024. godine - Zakon donesen u skladu sa Ustavom Federacije Bosne i Hercegovine. Zahtjev za ocjenu ustavnosti postupka usvajanja Zakona o izmjenama i dopunama Zakona o Vladi Kantona Sarajevo, koji je pokrenut u oktobru 2024. godine - postupak obustavljen. Ovo je informacija i dokument koja svjedoči da ste vi jedan destruktivac, populist, koji koristi u svakom momentu da iznese neistine, laži na rad zakonodavnog tijela Skupštine Kantona Sarajevo. Zahvaljujem se. (NAPOMENA: U toku cijelog govora u pozadini se čuje lupanje zastupnika)

Elvedin Okerić (predsjedavajući)

Zastupnik Jasmin Šaljić. Izvolite, imate riječ. Poslovnička intervencija, zastupnik Dević.

Mahir Dević (zastupnik)

Hvala lijepo. Znači, ovo je bila naša reakcija na vaše konstantno i flagrantno kršenje Poslovnika. Ja neću tražiti od vas da se vi meni izvinite za sve ove riječi ružne koje ste mi kazali, već ću vas prijaviti Etičkoj komisiji jer bespredmetno je. Način na koji vi vrijeđate mene ovdje u Skupštini Kantona Sarajeva već duži vremenski period, a ovo danas je vrhunac. Znači, ja ću vas prijaviti Etičkoj komisiji. Treba da vas bude sram i stid mjesta na kome vi sjedite, predsjedavajući. Znači da vi meni govorite da sam ja, da ne nabraja,. Sve ću te navode koje ste kazali, na osnovu stenograma, prijaviti Etičkoj komisiji i da vidimo kako će Etička komisija da postupi u konkretnom slučaju. Hvala.

Elvedin Okerić (predsjedavajući)

Poslovnička intervencija za dopredsjedavajuća Pekić. Izvolite, imate riječi.

Jelena Pekić (dopredsjedavajuća)

Pozdrav svim kolegama i kolegicama. S obzirom da se prvi put javljam, ja ću zamoliti predsjedavajućeg da na osnovu člana 92. koji propisuje: "Za povredu reda na sjednicama smatra se ometanje normalnog rada na sjednici", te da se izrekne opomena poslanicima Deviću, Selmanoviću, Zahiragiću i Izetbegović, koji zaista neprimjerenim ponašanjem ometaju rad na današnjoj sjednici. U skladu sa članom 92. Poslovnika. Zahvaljujem.

Elvedin Okerić (predsjedavajući)

Zahvaljujemo se na sugestiji dopredsjedavajuće Pekić. Zastupnik Faruk Selmanović je po rasporedu ili kolega Šaljić? OK. Zastupnik Jasmin Šaljić se javio za diskusiju, izvolite, imate

riječ. Poslovnička zastupnik Muamer Bandić, pa onda diskusija zastupnik Šaljić. Ko ima repliku?

Muamer Bandić (zastupnik)

Predsjedavajući, kada imamo ovakve situacije, trebate dozvoliti poslovničku intervenciju da prekinemo sjednicu. Prvo je sramota da mi dobivamo platu ovde, sazivamo se, znači. Prošle godine smo imali 6 redovnih sjednica i jednu hitnu. Ove godine imamo trend takav i dobijamo platu i nas još ljudi gledaju ovdje, znate na televiziji na način kako vi nas, a Poslovnikom vam je propisano da trebate da uspostavljate demokratske principe, vi kao predsjedavajući, obavezuje vas Poslovnik, nikako da predstavljate većinu u Skupštini. Dovedete nas situaciju da kršite Poslovnik i onda imamo reakcije kakve imamo. Evo, kolegica Jelena je tražila da se na neki način sankcionišu ili upozore zastupnici koji su na jedan način iskazali svoje negodovanje vašim dosadašnjim načinom vođenja sjednice. Kolegice Jelena, ja bi zaista bio ponosan na vas da i reagujete na taj način kada predsjedavajući ili bilo ko drugi obespravljuje druge zastupnike, to bi bilo zaista korektno s vaše strane. Zato nemojte nas dovoditi u neku situaciju, predsjedavajući, da ukoliko vi imate neozbiljan pristup vođenju ovih sjednica, da i mi iz opozicije prihvatamo taj neozbiljan način. Dakle imate Poslovnik, držite se Poslovnika i nećete pogriješiti. Nemojte pokušavati vi sa mjesta predsjedavajućeg da zadržite skupštinsku većinu i da branite neke stvari koje vam ustvari ta pozicija ne dozvoljava. Svi drugi zastupnici to pravo imaju, ali vi nemate, vi ste predsjedavajući, morate biti jednakopravni prema svima nama, a vi niste, izazivate reakciju i sad treba da dođe neko da interveniše, neko obezbjeđenje. Pa vidite, iz ovih razloga, predsjedavajući, jučer ste to dobro rekli na Kolegiju, vi uspostavljate sistem. Taj sistem je zbog ovakvih situacija počeo da hapsi...

Elvedin Okerić (predsjedavajući)

Vrijeme kolega Bandiću.

Muamer Bandić (zastupnik)

...vaše ministre. Nemojte. Evo da završim. Ja vas lijepo molim, nemojte na silu i nemojte preko koljena da lomite odredbe Poslovnika jer to su pravne norme koje pogoduju i opoziciji i poziciji i zato ih primjenjujte jednakopravno. Dovedet ćete se ponovo u situaciju da vam nekoga uhapsu, a onda ćemo mi jedva dočekati u opoziciji...

Elvedin Okerić (predsjedavajući)

Zahvaljujemo se kolega Bandiću. Stvarno evo, dao sam 25 sekundi. Hvala vam. Zastupnik Davor Čičić, replika kome?

Dobro, samo sada redosljed da utvrdimo. Zastupnik Dević odgovor na repliku izvolite, imate riječ.

Mahir Dević (zastupnik)

Hvala lijepo. Odgovor na repliku predsjedavajućem. Znači ono što sam ja pročitao je što je utvrđeno u presudi Ustavnog suda 56/20 od 24.02.2021. godine u vezi sa sazivanjem 13. Hitne sjednice Skupštine Kantona Sarajevo, koja je održana 17.12.2020 godine i u toj Presudi je konstatovano sljedeće, ponovo čitam: da predsjedavajući Skupštine je uvjeravao javnost i zastupnike u Skupštini Kantona Sarajevo prilikom sazivanja 13. Hitne sjednice Skupštine Kantona Sarajevo da je sve u skladu sa Poslovnikom, a da je Ustavni sud donio presudu kojom je utvrđeno, da Elvedin Okerić nije govorio istinu, nije pravilno primjenjivao Poslovnik Skupštine, nije savjesno.

Elvedin Okerić (predsjedavajući)

Vrijeme kolega Deviću.

Mahir Dević (zastupnik)

..vršio funkciju predsjedavajućeg.

Elvedin Okerić (predsjedavajući)

Da ćete riječ sljedećem prijavljenom. Ja sam vam pročitao odgovor, ne želim ponovno da čitam. Ako bude potrebno, mogu vam i dostaviti ovu informaciju. Možda ću čak i medijima ovo poslati da vide ovo kada izlazite i govorite koliko je presuda dobijeno, koliko je izgubljeno, tako da. Zastupnik Faruk Selmanović se javio. Šalja, oprostite. Zastupnik, zastupnik Davor Čičić replika, pa zastupnik Šaljić diskusija. Izvolite, imate riječi.

Davor Čičić (zastupnik)

Zahvaljujem predsjedavajući. Evo ja bih samo zaista iskreno zamolio da se vratimo, mislim smo ipak svi ovdje ozbiljni ljudi i da se vratimo nekom normalnom i dostojanstvenom radu. Smatram isto tako da ljudi imaju pravo na poslovničku intervenciju, ali isto tako i kada imate pravo na poslovničku intervenciju, treba da dobijete to pravo, ali isto tako morate i spomenuti član na koji se pozivate u toj poslovničkoj intervenciji. Tako da, evo, ja molim sve da se vratimo u duhu onoga i što piše u Poslovniku i da ima i kolega Dević pravo, ali isto tako da kolega Dević iscrpi pravo iz tog Poslovnika pa da nam kaže koji član osporava i da nam obrazloži tu svoju. Tako da bi ja, evo, volio da se vratimo u neke, da tako kažem, normalne diskusije i normalne uslove rada bez da bilo ko kome uzima bilo kakva prava. Što se tiče replike kolege Deviću, Deviću, izvinjavam se, vezano za Presudu Ustavnog suda koju ste vi čitali. Naravno, ta presuda Ustavnog suda je takva kakvu ste vi i pročitali, ali se isto tako odnosi na Poslovnik, prethodni Poslovnik Skupštine Kantona Sarajevo, koji je nakon toga izmijenjen, tako da ta Presuda se ne može tumačiti da se odnosi na ovaj Poslovnik jer su baš te odredbe tog člana o hitnosti promijenjene na način da je prije bilo propisano da hitnu sjednicu možete sazvati samo u slučaju elementarnih nepogoda ili nekih drugih, da tako kažem, hitnih slučajeva koji bi mogli ugroziti interese Kantona Sarajevo. Sada je ta odredba promijenjena, tako da je ta Presuda i ta odredba koju ste vi pročitali ne može se odnositi na novi Poslovnik, jer samim tim je i taj član na koji se poziva u toj Presudi promijenjen. Vezano za imenovanje ministra preko noći, evo, ja vas samo podsjećam i po toj Presudi Ustavnog suda, izgleda da samo mi u Sarajevu ne možemo, u Vladi u Tuzli mijenjaju čitavu Vladu u roku od tri sata i to je valjda normalno, znači oni sjednu popodne u neku kafanu i dogovore i ujutro odmah imenuju Vladu i to je u redu, to je po Ustavu, a kada se u Kantonu Sarajevo imenuje, to nije po Ustavu. Razumijem, različiti su poslovnici, različito je sve, ali isto tako znači ne možete pozivati se na tu Presudu zato što ta Presuda više se ne odnosi na novi Poslovnik koji je naknadno promijenjen. Što se tiče evo vaših pozivanja i na hapšenje ministara, ja neću da ulazim u bilo da komentariše bilo kakav postupak.

Elvedin Okerić (predsjedavajući)

Vrijeme kolega Čičiću.

Davor Čičić (zastupnik)

...neka rade istražni organi, ali je pozitivno da napokon pravna država radi svoj posao za razliku, ono što vi kažete, nikad niko nije u vašem mandatu hapšen, a sigurno je bilo razloga, samo očito u tom periodu institucije nisu baš najbolje radile svoj posao. Hvala.

Elvedin Okerić (predsjedavajući)

Vrijeme kolega Čičiću, moram vam oduzeti riječ. Ne možete ispravku krivog navoda na repliku, možete samo odgovor na repliku. Odgovor na repliku zastupnik Dević.

Mahir Dević (zastupnik)

Kolega, pitanje donošenja zakona u ovom Poslovniku je ostalo isključivo u redovnoj proceduri. Pitanje donošenja odluka, deklaracija, konvencija je, također, ostalo isključivo u redovnoj proceduri. To vam je član 169, stav 1 i 2. Te smo mi članove apelirali pred Ustavnim sudom Federacije. Vi ti članove niste izmijenili i po istim tim principima ćemo isti taj zahtjev vjerojatno pokrenuti ponovo i Ustavni sud će u praksi kako je već. Znači, vi to niste promijenili. Prema tome, kad sam vam rekao da vi možda miješate jer ste tu novi, dvije su stvari ovdje upitne. Znači vi imate karakter hitnosti sjednice i materijal po hitnom postupku. Nije ovo jedna stvar. Predsjedavajući, mislim da to nikad nije razumio ovo. I prošli, prije 3 godine sam ja njemu objašnjavao nisam uspio. Znači, ova tačka ne može ići po hitnoj proceduri, možda može ići na hitnoj sjednici jer ste promijenili karakter hitnosti, ali tačka kao tačka ne može ići u hitnoj proceduri.

Elvedin Okerić (predsjedavajući)

Vrijeme kolega Deviću.

Mahir Dević (zastupnik)

Ona mora ići u redovnoj proceduri, to morate razumjeti.

Elvedin Okerić (predsjedavajući)

Zastupnik Jasmin Šaljić, konačno. Izvolite, imate riječ, rasprava.

Jasmin Šaljić (zastupnik)

Hvala. Prvi put se javljam, želim da pozdravim gledaoce koji prate rad Skupštine Kantona Sarajevo. Ja kao zastupnik evo u diskusiji da nas sve zajedno upozorim, da se vratimo na tačke danas dnevnog reda, koje po meni samo jedna ima karakter hitnosti, a to je blokirani računi firme Sarajevski vodovod i kanalizacije, sve ovo drugo apsolutno, po meni nema nikakve karakter hitnosti. Vlada Kantona Sarajevo je neustavna. Tako piše u Zakonu o Vladi, koji je prepisan iz Ustava Federacije Bosne i Hercegovine. Neustavna je zato što u njoj nema predstavnika srpskog naroda. Zašto nema predstavnika srpskog naroda? Zato što je istekao rok od 30 dana da se predloži ime, kandidat, čovjek da se imenuje, a imalo se vremena. Pa ako je neustavna tri dana, mogla je još biti toliko. Nije ovo nije bio, nije bilo za hitne sjednice. Ja se i čudim kandidatu koji će vjerojatno biti ministar izabran da je prihvatio ovu ulogu, obzirom na njegovu geografiju, biografiju i ono što je u životu radio, da je u ovakvom teškom vremenu u ovom resoru, koji je obezglavljen 6 mjeseci, prihvatio da bude ministar. U svom uvodu govorio je šta planira da radi i da nema vremena. Naravno da nema vremena ni više ni minute. Osvrnuo se i na deponiju Smiljevići, i to veoma kratko, jer je shvatio da je oko te deponije klasična politizacija 7, 8 godina, da će se uložiti 200 000 000, da će biti spalionica, da će ovo, da će se otpad, nije otpad, nego energija itd. Volio bih samo da imamo pravo na pitanja, pitao bih ga šta misli sa porodicama u naselju Rosulje. To je Fond za izgradnju stanova gdje porodice poginulih, nestalih pripadnika Armije i Udruženja boračkih plaćaju komunalije po industrijskoj cijeni. Znači vodu po 2,20, umjesto 0,70, , struju po njihovim tarifama i tako je to mjesecima, a upravo je to razlog jer nismo imali ministra punih 6 mjeseci. Premijer Uk pozvao je zastupnike da glasaju za ovog kandidata, ja ću ga podsjetiti, da nas je pozvao i prošli put da glasamo i preprošli put, kad ste smjenjivali Bećarevića, pozvali se nas da glasamo za Bošnjaka. Neću Mesihović spominjati zato što neću da utičem ni na koji način na javnost, a i tajming sam mi se nije dopao vezano za ministricu Mesihović. Mora se ljudi voditi računa o svemu. Ja želim svako dobro novom vjerojatno novom ministru. Obaveza je puno i mi kao zastupnici pozvao nas je i nas iz opozicije i pozicije u kancelariju ako nešto imamo, neke prijedloge da, nešto se korisno uradi. Hvala mu na tome. Što se tiče preduzeća, komunalnih, ja ne znam kakav će njegova radna sedmica izgledati od Vodovoda koje, evo, blokirani su računi, na svakom sokaku

znači teče voda iz mreže, gubici su nenormalni. Ovdje znači treba politička volja, pa sve ostalo. Bilo je političke volje prošle godine kada smo 100 000 000 maraka, znači odvojili za komunalije, a isto da ih je neko u neku rupu bez dna ubacio, ništa se osjetilo nije. Građani osjetili nisu 100 000 000 maraka. Znači, bila je neka politička volja, neko je odlučio, neka većina hoćemo li uložiti u komunalije. Gdje su ljudi te pare? Niti vidim nova vozila, nit se odvozi smeće na vrijeme, onaj RAD preživljavaju kako znaju i umiju, Vodovod, pa ljudi, evo nemaju plate, a sjećam se dobro razlog je, ne mogu ja da kažem da je tu sada možda ova godina i prošla, naveden je razlog iz 2001 ili ne znam koje godine. Ja se sjećam kada su prije 7, 8 godina bili prinudne naplate za taj dug od građana, šta je bio s tim sredstvima koji je u tu svrhu prikupljen? Tako je, građanima došli računi, kaže ostali ste dužni taj period '99-2001, po 2, 3000 maraka. Ljudi su to plaćali, pa išli tamo, pa pravili ugovore o sklapanju, pa na rate, pa gdje je taj novac potrošen. I sada je blokirani računi. I sada mi kao zastupnici, evo jako zastupnik, dođem u situaciju jel da građani Kantona Sarajevo nemaju vode, da trebamo nešto stavi pod hipoteku. Znači, dođem ono što nikad pomislio nisam da moram da radim. Što se tiče Parka. Ustvari šta je problem moj ljudi, trebamo otvoreno reći, ma administracija, ma nagomilali smo ljude, ma nema ljudi na terenu, nema niko a ne bi reko ni Vodovodu, ni Parku, da su primili ljude koji na otklanjanju kvarova, na zamjeni sijalica. To je sve gola administracija koja opterećuje. Pa evo primjera tog Vodovoda, prije šest, sedam godina bilo je 200 uposlenika manje. To su mahom administracija, na terenu nema 4, 5 ekipa, to su oni ljudi kad ih sretnete, lijepo ih pozdravite. Mučenici u onim rupama, umjesto da ima 20 ekipa na terenu da otklanjaju kvarove, pa ne mogu fizički stići. Evo i da ima sredstva i da nije blokirano, ne mogu, nema ekipa na terenu. Ako treba da se prime ljudi, primit ćemo ljude, sve treba, ali trebaju ljudi na terenu, ne po kancelarijama, pomoćnik pomoćnika, pomoćnikov. Radite ministre na tom, neka vam bude prioritet, ekipe na terenu koji otklanjaju kvarove u Vodovodu, u Parku, pa ne može 12 ljudi, budući ministre da mijenja rasvjetu u Kantonu Sarajevo. 320 je zaposlenih u Parku, 12 ljudi na terenu mijenja rasvjetna tijela, umjesto da je obratno, da 12 ljudi sjedi u kancelariji a da je sve to na terenu, tu povedite računa. Hvala, završio sam.

Jelena Pekić (dopredsjedavajuća)

Zastupnik Selmanović, izvolite imate riječ.

Faruk Selmanović (zastupnik)

Zahvaljujem predsjedavajuća. Evo sve srdačno selamim i pozdravljam našeg gledaoce kraj malih ekrana i kolegice i kolege u skupštinskim klupama. Pa evo na početku svog izlaganja jedan mali osvrt na ovo pozivanje na izricanje mjera. Ja želio bih da evo, na našu veliku sreću, evo već 30 godina ne vlada jednopartijski sistem, pa što se tiče izricanja mjera, hapšenja zbog mišljenja, davno je prošlo to vrijeme. A kada smo kod mjera za ovu Vladu, možda bi najbolje bilo da se rade sigurnosne provjere i provjere prebivališta. Slušali smo izlaganje premijera i evo moje kolege prije mene iznijele sve stavke zašto se to radi o neustavnom, odnosno zašto smo požurili sa sazivanjem ovakve sjednice. Pazite, pored svih ovih stavki koje se odnose na samo ustavno pravo, poštivanje propisa. Ajmo govoriti o važnosti ovoga ministarstva. Ovo je jedno od najvećih ministarstava u Kantonu Sarajevo, najvažnije za građane Kantona Sarajevo. Kvalitet života, kvalitet grada Sarajeva se upravo ogleda kroz rad ovog ministarstava. Imali smo premijera koji u svom ekspozeu na samom početku, da nismo pogledali datum koji je danas mogli pomisliti da je ovo početak mandata a ne već pola mandata. Pazite, ja ću podsjetiti ovdje premijera na 172, 73 mjere koje su obećane i samo 11 realizovanih mjera. Većina tih mjera se upravo nalazi u ovom ministarstvu. E, nakon toga imamo ekspoze budućeg ministra za najkomplikovaniji sektor, najkomplikovanije ministarstvo u Vladi Kantona Sarajeva. Ako pogledate CV, evo, ja mislim da smo svi imali dovoljno vremena u ovih, ma nije ovo ni 24 sata, manje od 12 sati sazivanja sjednice, da pogledate CV, iako tamo stvarno ima, evo, ja

čestitam ovdje budućem ministru na nekim ostvarenjima koje je postigao. Vjerojatno da je poznavanje engleskog bilo na većem nivou, možda bi bilo i više, ali evo, govorim ovdje sad o iskustvu, o komunalnoj privredi. Gospodo draga, komunalna privreda u Kantonu Sarajevo je na rubu kolapsa. Danas imamo hitnu tačku na ovoj sjednici da se zadužuje još jedna firma u Kantonu Sarajevo hipotekarno, naravno, da servisira redovne troškove. Imate RAD koji je skoro na koljenima. I nekoliko puta upozoravam na broj vozila koji izlaze na teren. Šta je sa čistoćom grada? Pazite buduću ministru, gospodine ministru, ako su tačni navodi do kojih smo jučer došli, da prijedlog ove Vlade zajedno sa ovim ministarstvom, da se uštede 4 000 000 na zajedničkoj komunalnoj potrošnji jeste tako da umjesto fakturisanja usluga ide se na projekte. Tada se radi o utaji poreza. Pa ja ovdje, evo, savjetujem premijera Uka da počne tražiti novog ministra jer taj način rada je krivično djelo. Vama trenutno samo na toj stavci u ministarstvu fali 4 000 000. Grad je trenutno prljav, kakav će Grad biti ako nemamo ta dodatna 4 miliona? Evo da ne govorimo o samom iskustvu, radnom iskustvu koje za ovakav stanje u komunalnoj privredi treba nam čovjek koji poznaje sve aspekte komunalne privrede. Ako ste se zarekli za meritokratiju, zašto niste našli nekoga iz ovog sektora koji može pomoći građanima Kantona Sarajevo da se ovi problemi riješe? Budući ministar je u svom izlaganju rekao eto kako će riješiti problem grijanja Vogošće. Do problema grijanja u Vogošće imamo, dok počne grijana sezona građani Vogošće imaju trenutno problem sa snabdijevanjem vode. Jer imate jedinstven slučaj da je ministarstvo tužilo ministarstvo, pored jedinstvenih slučajeva ove Vlade, gdje se hapse dva ministra, imate jedinstven slučaj da ministarstvo tuži ministarstvo. Zbog čega? Šta je razlog toga? Pazite, evo ja ću vas pozvati da Skupština, ova Skupština redovno usvaja zaključak koje obavezuje ministre, organe uprave, upravne organizacije, javne ustanove, javna preduzeća da penzionišu uposlenike koji ispunjavaju jedan od uslova za penziju. Kakva je ovo poruka mladim koju šalje, pogotovo dolazeći iz stranke koja je u svom ekspozou, onome što su obećali na izborima rekla vratiti 20 000 mladih u Bosnu i Hercegovinu. Pa kako ćete ih vratiti? Nema stimulacije za kupovinu stana. Zakon o savjetnicima omogućava zapošljavanje ljudi koji imaju dodatne poslove. Zapošljavamo ministra koji su zreli za penziju. Bilo bi sasvim u redu da ste iskoristili ovaj Zakon koji ste donijeli pa gospodina zaposlili na neku od savjetničkih pozicija, cijeneći njegovo bogato iskustvo, mislim da bi nam itekako mogao pomoći. Pazite, ako neko čita bez da uđe detaljno u problem, pa onda vidite da je spoj mladosti i iskustva i mogli bi reći da je to nešto pravo dobro. Međutim, zapamtite, spoj mladosti i iskustva bez znanja za ono područje za koje se zalažemo, to vam je recept za neuspjeh. Nećemo napraviti ništa dobro u Kantonu Sarajevo. Ja vas, evo, pozivam na vaša obećanja i na ono što ste vi obećali građanima, meritokratiju, dajte nam da vidimo tu meritokratiju. Radi se o najosjetljivijem sektoru u Kantonu Sarajevo. Evo da ne kažemo sada da je to trebalo biti 30 dana, a ne 31 dan sve ovo što se dešava. Pokažite ozbiljnost, pokažite da doista volite ovaj grad, da mislite o građanima Kantona Sarajevo i dajte nam ime ministra koji će doista moći da ispuni očekivanja. Dovoljno je sad samo da riješi nagomilane probleme, a da ne govorimo o nekim novim projektima. Pazite, vrlo blizu je 2026. godina. Šta se može uraditi u ovom periodu? 6 mjeseci je ovo ministarstvo bilo bez ministra. Svi ključni problemi za razvoj grada, za razvoj Kantona Sarajevo, se upravo nalaze u ovom ministarstvu. Sama deponija Smiljevići, o kojem je buduću ministar govorio je problem koji traje godinama, problem koji ste u ovom budžetu smanjili sredstva, problem koji prijeti ekološkoj katastrofi Kantona Sarajevo. Realizujte samo jedan od problema. Šta je sa čistoćom grada? Šta je sa Pokopom? Šta je sa spalionicom, odnosno krematorijem koji je trebao je da bude napravljen, koji nije napravljen? Šta je sa voznim parkom RAD-a? Evo da vozni park RAD-a koji 70 % je u kvaru, ti kamioni, ta vozila zarađuju novac i oni odvoze smeće. Da li je ovakav upravljanje ministarstvom uvod u privatizaciju

Jelena Pekić (dopredsjedavajuća)

Vrijeme vam je isteklo, kolega pošto je. Dobro, zahvaljujem. Zastupnik Kapidžić, izvolite.

Faruk Kapidžić (zastupnik)

Zahvaljujem. Evo, malo ću se osvrnuti samo obzirom da je to resor koji sam i ja sam tu funkciju obnašao za tih desetak mjeseci u onoj Vladi, tako da imam i obavezu da nešto kažem. Ja sam sa predloženim ministrom kojeg ova Vlada predlaže imao sam jedan fin razgovor prije par dana u smislu šta se može uraditi u Kantonu za ovih godinu i pol dana ovaj sa te pozicije. Naravno, ne mogu ja sada tu pričati bajke itd. Jako teško se može uraditi za godinu i pol dana, ali samo iz razloga zato što ministar, koliko god bio sposoban, upada u jedno okruženje Vlade koja suštinski ne može mu omogućiti da išta uradi, jako je teško u ovoj Vladi koja, evo, za 2, 2,5 godine ima dva ministra koji su ovaj jedan bio u zatvoru, odnosno u pritvoru, zatvoru, jel', sad imao ministricu koja je u zatvoru. Dakle, nije to samo do njih, to je čitavo okruženje u kojem se radi u Kantonu, u situaciji u koju smo dovedeni isključivo načinom i radom trojke. Ovaj tako da i ljudi koji dođu, da dođu sa Mjeseca, da dođu, ne mogu ništa uraditi, a ne iz nekih struktura ovdašnjih. Ono što je meni krucijalno bilo u smislu da pokušam na bilo kakav način spasiti što se može spasiti, ja sam rekao šta se može za godinu i pol dana uraditi. Dvije su krucijalne stvari. I evo, i sad mu kažem. Obzirom da način na koji radite, mi možemo samo pričati, ali ne možemo ništa uticati, ali evo, reći ću ministru i ponoviti to otprilike; jedna krucijalna stvar koju bi mogao da proba uraditi to je da isforsira preko Vlade, pa ove Skupštine, da se razdvoje to ministarstvo, ponovno da se vrati na ono što je bilo infrastruktura i prostorno uređenje. Naravno, tu pravi smetnju broj ministarstava, tako da bi, u slučaju da se u to krene, trebalo neka druga dva spojiti da bi ostao isti broj ministarstava, ili da se ide sa ovom većinskom dvotrećinskom većinom, da se mijenja Ustav koji bi mogao OHR djelovati ili ne bi morao. Dakle, meni je sasvim svejedno u kojem će pravcu ići za dobrobit Kantona, ali da je to jedna stvar koja se mora uraditi, a to je da se razdvoji infrastruktura i ovo, odnosno da se vrati i na dva ministarstva koja su bila, a vi ste svojom velikom pameću to dvoje spojili. I tada sam pričao i javno imaju zapisi šta sam govorio o tom spajanju, u šta će dovest i dovelo je, čak je dovelo u gore od onog što sam mislio. Čak je dovelo i da je ministar baš tog resora završio u zatvoru i u procesu je sad. A druga stvar koju bi mogao uraditi, a to je da ako ja dobro imam informaciju, Urbanistički plan bi trebao doći ovdje na usvajanje u junu po nekoj toj dinamici, eto u septembru, da bi sa tog resora morao zaustaviti. Ako je spreman da to sa Ministarstva prostornog uređenja zaustavi i vrati na postavke struke, a ne nekih poteza koji na kraju mogu rezultirati i procesima kao što je imao Bošnjak, zato sam ja to i naglasio, mislim da će biti krucijalno da sa te pozicije vrati taj Urbanistički plan grada, kao i Urbanistički plan Ilijaša, Trnova i Hadžića, jer su slične stvari urađene i da se to stavi u normativ struke. A zašto to govorim? Zato što mi, naravno, možemo se slagati ili ne slagati. Ja se ni u čem ne slažem da čovjek koji je pravnik vodi to ministarstvo zato što sam debelo ubijeđen da takvo ministarstvo prostorno uređenje može voditi samo čovjek iz struke. Dakle, ta priča da je ministar menadžer nam je pokazala na primjeru ministra Štete šta se desi kada menadžer vodi neko ministarstvo i ne uvažava struku. I zato u protekli period Ministarstvo prostornog uređenja, kada su vodili pravnici, se desila najveće havarije u gradu od zgrade Sarajevo Touera, Tibre itd. To kada izvučete strukturu, to se desilo. Onaj ko je iz struke teško da bi potpisivao takve izmjene planova. Zbog toga smatram da evo i ako imenujete i popunite ovo, a očito ste doveli i nas i Kanton i sebe same u situaciju da morate popuniti, pa ko god da je, evo ja kažem gospodinu ministru koga ne znam jel, ali eto, upoznao sam na kraćem razgovoru, ovaj da bi mogao opravdati svoje postojanje za godinu i po dana kroz te dvije stvari, gdje je jedna sigurno rješiva, a to je Urbanistički plan, da se vrati u proceduru i da se to napravi strukovno, a drugo je da proba se angažovati, da se napravi reorganizacija ministarstava i da se to ministarstvo razdvoji. Mi ćemo u tom slučaju, naravno, pogotovo ako bi se išlo u povećanje broja ministarstava za

dva, sigurno dati podršku, a to da li će OHR reagovati ili neće, to više nije sporno. A nije ni vama sporno da uđete u taj proces jer ste vi do sada desetine puta usvajali neustavne stvari, pa vas je Ustavni sud vraćao, jel na te postavke. Znači, ne vidim ništa sporno da krenete i u tom pravcu, a to bi bilo krucijalno važno za Kanton Sarajevo i za uopće funkcionisanje Kantona Sarajevo u budućnosti. Ministarstvo prostornog uređenja i infrastrukture je toliko obimno i veliko da u slučaju da se ovaj gospodin prihvati ozbiljno tog posla, problematika tako velikog ministarstva i problematika upravljanja i kontrole svega što vam se stavlja na potpis. I zbog toga je to opterećenje ogromno. Dakle, vi ako hoćete da budete sigurni u desetine i desetine dokumenata koji dnevno potpisujete u tako ogromnom ministarstvu, vi gotovo svaki dokument morate pročitati od da ž. To je nemoguće, nemoguće. I onda padate u procjep da potpisujete što vam poturaju stručne službe itd i onda dolazite u situaciju da u 8 ujutro vas pokupi MUP na saslušanje zato što ste potpisali nešto što ni ne znate da ste potpisali. Zbog toga kažem da pod hitno, pod hitno, ako imenujete ministra, pod hitno, da idete u razdvajanje tog ministarstva koje ste inače zaključkom prije godinu i pol na moju inicijativu usvojili da ćete to uraditi i to vratite u istorijat. To je jedina inicijativa koju sam ja dao ovo skupštinskoj većini koja je bila usvojena. Međutim, nikad nije a spomenuto oko toga. Prema tome inače inicijative vama davati je ovaj potpuno trivijalno, zato što ako je neka dobra inicijativa, onda vi sačekate jednu godinu ili godinu i pol onda je stavite kao svoju. Mislim, na kraju krajeva, građani to može proći nekada, ali građanima to više ne prolazi. Tako da ako hoćete da se bavite tim stvarima, osmislite nešto malo smislenije, a ne da pravite budale ove građane. Hvala.

Jelena Pekić (dopredsjedavajuća)

Zastupnik Bandić, izvolite.

Muamer Bandić (zastupnik)

Zahvaljujem dopredsjedavajuća. Evo, kolega Kapidžić je rekao da nije dobro da pravnici budu u ovom ministarstvu i vjerovatno je u pravu. Pravnici će im poslije trebati kada budu razriješeni, ukoliko posebno budu neka obilježja krivičnog djela, tad će im trebati pravnici. Tako trebaju dobro da imaju mogućnost ovih savjetnika, pa nek uzmu savjetnike. Predsjedavajući nije tu i zaista je u jednom momentu on pročitao koliko ustvari se je bilo povreda na Ustavnom sudu koje su riješene pozitivno ili negativno, jel po poziciju ili obrnuto po poziciju. Zaista je žalosno ukoliko postoji samo jedna povreda na Ustavnom sudu. Zamislite vi da ova Skupština sa 35 zastupnika napravi jednu povredu, pogledajte koliko ima organa izvršne vlasti, svako ministarstvo po jednu povredu, svi organi uprave i upravne organizacije, škole i itd ustanove, imamo potpuni pravni kaos, samo po jednu povredu, ne treba nam više. I u stvari mi imamo, mi imamo jedan pravni kaos u Kantonu trenutno, a ja smatram da je ova Skupština tvorac pravne nesigurnosti. Dakle, vi na jedan eklatantan način svakodnevno na sjednicama kršite Poslovnik, prije svega predsjedavajući, a onda mu svi vi pomažete u rukovodstvu. Pogledajte koji su bili, ja sam već to rekao, razlozi, razlozi za sazivanje hitne sjednice. Po starom Poslovniku na kojem je ova skupštinska većinom ustvari došla na vlast, to su te demokrate koji su ustvari nama najavljivali javnost i transparentnost u svojim procesima. Dakle u izuzetnim okolnostima opasnosti po javnu sigurnost i sigurnost građana širih razmjera, elementarnih nepogoda, velikih šteta za imovinu, epidemija i slično, predsjedavajući može da sazove hitnu sjednicu u kraćim rokovima od onih predviđenih Poslovnikom, a u biti se sazivaju redovne sjednice. Kada Poslovnik o radu Skupštine jasno propisuje razloge i kriteriji za sazivanje sjednice po hitnom postupku on to ne čini s ciljem, prvenstveno čini to sa ciljem očuvanja reda, predvidivosti i pravne sigurnosti u zakonodavnom procesu. Mi imamo jednu sad potpunu pravnu nesigurnost. Ja sam iznenađen, kolega Vibor nije tu i ministrica pravde, da su oni pristali na ovakvu vrstu izmjene Poslovnika. Iako ministrica pravde ne sudjeluje u donošenju Poslovnika, ali ipak, ona je, ne znam, na nekom sastanku najavljivala tako da se treba da

izmijeni Poslovnik, ali nisam očekivao da će se Poslovnik izmijeniti na ovaj način da bude potpuno nepravedan. Dakle, mi smo skoncentrisali cjelokupnu moć u rukama predsjedavajućeg. Ovaj član 65. dakle, daje samo njemu za pravo da procjenjuje kad su razlozi za hitnosti. Dakle, jednu pravnu, uređenu situaciju koju smo imali odredbom člana 65, sad smo pretvorili u jednu proizvoljnu ocjenu predsjedavajućeg. To je zaista nešto, ja ne znam da li je to ikad igdje više urađeno. Mi ćemo, tek sada smo mi u stvari shvatili da ova odredba nije u skladu sa Ustavom i mi ćemo pokrenuti pitanje ustavnosti. Da li je ustvari uopšte moguće da se nekome da tolika koncentracija moći kao što ste vi to uradili. Čak sada, dakle, ovo više nije pravno pitanje. Evo, kolega Čičić, ukoliko politički dogovor ne postigne, pravno ne može koristiti ni on ovu odredbu koju je mogao, odnosno mogućnost, ne može niko da koristi. Dakle, samo može predsjedavajući. Zamislite vi šta ste vi nama uradili. I kad se mi pitamo zbog čega su onda nezadovoljni građani? Dakle, ukoliko vi to radite, najviše zakonodavnom organu na dnevnoj osnovi, onda možete samo da zamislite šta se radi u javnim nabavkama, gdje je javnost isključena i možete da zamislite samo kakvu pravnu nesigurnost proizvodite organima izvršne vlasti. To je zaista nešto nevjerovatno. Pored te činjenice, dakle, da ste vi ovom odredbom praktično suspendovali sve druge odredbe Poslovnika, ali niste suspendovali odredbu člana 194 stav (3) i vi ste nama sada direktno na ovoj sjednici oduzeli pravo da nam materijali budu dostavljeni u roku koji je propisan tom odredbom. Dakle, i naravno, kada hoćete da napravite zavrzlamu ta zavrzlama na kraju vas pogodi najviše jer niste dobro izmijenili Poslovnik. Dakle, ova odredba je morala biti izmijenjena i niko ovakvu vrstu koncentracije moći ne može imati, pa čak ni predsjedavajući. Ne može to ni Kolegij. Kolegij nama pomaže organizacijski. Šta mi imamo sada? Mi imamo Kolegij sada koji praktično određuje, konstituiše cjelokupan proces jedan. Dakle, on postaje neko ko je iznad Skupštine same. To je kolega Dević u nekom prethodnom periodu iznosio. Ja sam ga onako slušao vjerujući da to možda u punom kapacitetu i nije onako kako on to predstavlja, ali u konačnici to je u stvari znatno teže i pogubnije nego i što je on sam to nama ovdje izlagao. Kolegij i predsjedavajući u Skupštini, dakle, kao što sam rekao, imaju u principu organizacijsku ulogu. Oni ne smiju imati konstitutivnu vlast, tj. moć da samostalno određuju tok zakonodavnog procesa, mimo pravila definisanih Poslovníkom i zakonima. Mi upravo sada imamo to da je predsjedavajući nama mimo Poslovnika, mimo odredbi člana 194. stav (3) nešto nametnuo, a vi ste ovo svi podržali ovdje. Dakle, iako ja smatram da ovdje postoje zastupnici koji znaju ustvari da ovo nije bilo u skladu sa Poslovníkom, ipak ste napravili jednu vrstu političkog dogovora, dakle ovo je prestao biti zakonodavni organ, ovo je sad neki paravan gdje se ustvari ova Skupština koristi kao alat za, kao alat za političke dogovore i realizaciju političke volje koja više nije u pravnim okvirima. Prava i obaveze u zakonodavnom procesu moraju biti određena pravnim normama. Mi to sada nemamo, mi imamo, dakle, da je ona određena praktično voljom jednog čovjeka i voljom organa kojeg zovemo Kolegij, a kojeg smo ustvari formirali da nam organizacijski pomogne u sazivanju i održavanju sjednica. Ustav Federacije Bosne i Hercegovini, kao i osnovni principi parlamentarne demokratije, podrazumijevaju da institucijama upravljaju pravila, a ne ljudi. Mi sad imamo, dakle, situaciju to će biti vrlo zanimljivo. Ja već sada vidim jedan veliki naslov "Okerić upravlja svim procesima u Kanton". Dakle, derogacijom odredaba Poslovnika koje ste uradili sada praktično iz nekog pravnog uređenog sistema ulazimo u jedan politički sistem gdje Vlada jedna osoba. Ako to još u bilo kojoj skupštini, evo, pronađemo ovakvu vrstu pravnih rješenja, ja bi volio zaista da to pogledam, te poslovničke. Svako odstupanje od ovog principa predstavlja prijetnju demokratiji i temeljima Ustavnog poretka. Ovo je, dakle, klasična derogacija poslovničkih normi. Mi dakle hitnost koja je bila uređena pravnim pravilima i procedurama, pretvarali smo u proizvoljnost Okerićeve volje, dakle, i njegove same odluke da li određeni postupci imaju karakter hitnosti i da li će to predložiti Kolegiju, zaista nešto nestvarno. Mi kao zastupnici trenutno, dakle opozicije, nije nam osigurano osnovno pravo, dakle, da djelujemo, čak sada ne možemo djelovati ni amandmanski možemo izglasavati evo

od tačke dnevnog reda, to smo čuli od Okerića. Dakle, jedan demokratski proces koji ste vi sada sveli praktično na milost većine koja će omogućiti nama, zastupnicima opozicije, da reagujemo i da možemo, da svoje poslovničke dužnosti ispunjavamo jer vi ste pravni okvir koji je bio nekada jednak za sve sada pretvorili, razorili ste ga potpuno i sada praktično više politika upravlja ovim zakonodavnim organom nego pravila koja smo imali propisana i koja su bila jasna. Ovo, kako je rekao neko od kolega, ovo nije proceduralni, nikakav propust. Ovo je, dakle, duboko zadiranje u antidemokratska principe i načela i na ovaj način, dakle, mi imamo, nemamo važeća pravila, u principu imamo koncentraciju moći u rukama jednog čovjeka i praktično pravna pravila u ovom zakonodavnom organu više ne vrijede, ovdje vrijedi neki dogovor s Okerićem. Sasvim je jasna ustvari da vaša politička većina funkcioniše na taj način da održava te kupovinom određenih pozicija, a i sad Okerić pokušava na taj način da to ozakoni kroz Poslovnik. Da li je on ovo vama provukao ili nije, ministrica pravde, ovo bi morala da zna ovaj, nije trebala ona u najmanju ruku reagovati, trebala je reagovati, bilo je nekih ministara pravde u prethodnom periodu koji su reagovala na ovakve i slične aktivnosti. Ne znam iz kojih razloga ste se opredijelili. Dakle, da ovoliko vrstu moći i koncentraciju moći dati Okeriću, kako bi vjerovatno taj neki trgovinski odnos koji on je uspostavio ovdje dolaskom tona koji će joj je njegove ekipe u skupštinske klupe mogao da provede i da realizuje, ali sasvim je evidentno, ustvari, da u konačnici i svi ostali imaju neku korist u tom trgovinskom odnosu, i da su oni na taj način pristali na ovakvu vrstu uređenja Poslovnika. I nemojte se iznenaditi kada mi komentiramo poslije, kada neko od ministara bude uhapšen ili nekih direktora. Ja očekujem zaista da u narednog periodu, okolnost da se ovakvo stvari lome preko koljena, da se na eklatantan način Poslovnik krši ovde u Skupštini, dakle pred očima javnosti, onda mogu da samo zamislim šta se radi iza zatvorenih vrata, tamo gdje javnost nije prisutna. Mi nećemo podržati imenovanje ovog ministra iz ovih proceduralnih razloga, o čovjeku smo čuli sve najbolje i nemamo ništa da kažemo što bi na neki način uticalo na njegov dignitet. Samo ono što želimo da kažemo jeste da ovakav, da ovakva vrsta imenovanja neće donijeti ništa dobro ni ovoj Vladi ni ovom ministru, a naravno, mi ćemo u narednom periodu jako pažljivo pratiti rad i ovog ministra i svih ministara u Vladi. Hvala.

Jelena Pekić (dopredsjedavajuća)

Poslovnička intervencija zastupnik Dević. Izvolite.

Mahir Dević (zastupnik)

....član 169. Što je kolega Čičić, ja u pravilu kažem koji je član. Kolegi Bandiću nekoliko rečenica, a i svima nama, jel, naravno, samo koristim tu mogućnost jer je on ponovo diskutirao o ovome. Radi se, znači ovdje o sljedećim. Oni jesu kolega Bandiću izmijenili dio Poslovnika i olabavili način sazivanja hitne sjednice, međutim oni u Poslovniku nisu promijenili članove Poslovnika koji tretiraju materijal, a materijal mora ići u redovnu proceduru. Znači imenovanje i razrješenje ministra mora ići u redovnoj proceduri jer je to propisao član 169., zato sam se na njega i pozvao, znači, koji kaže da se donošenje odluka, deklaracija, rezolucija, preporuka vrši po odredbama ovog Poslovnika koji se odnose na postupak istih po kom se donose zakoni. Znači isti je taj postupak u stav (1). Znači dakle, za donošenje odluka po hitnom, a ne u redovnom postupku, moraju se ispuniti ona dva uslova koje je Ustavni sud prošli put osporio, to jeste da to pitanje nije definisano i da će nastati nepopravljive štete po Kanton Sarajevo, što u konkretnoj situaciji nije slučaj, niti ni za jednu tačku današnjeg dnevnog reda, zato je ova cijela sjednica sporna. Znači, oni jesu ovo što je kolega Čičić citirao član 204, 205. on omogućava jednostavnije sazivanje hitne sjednice, ali materijala u hitnoj proceduri ne, materijal je u Poslovniku ostao isključivo u redovnoj proceduri i to definiše člana 169. I mi ćemo se na ovo pozvat, a na taj isti član smo se pozvali kada smo oborili Zakon o ministarstvima, identična ova situacija. Tako da to što je pokušano da se pribavi neka vrsta

bahatosti predsjedavajućem Skupštine Kantona Sarajevo nije uspjela jer ovi članovi nisu promijenjeni. Eto, imao sam potrebu da ovaj član kažem. Hvala.

Jelena Pekić (dopredsjedavajuća)

Idemo dalje. Kolegi Bandiću ispravka krivog navoda. Izvolite, Davor Čičić. Ispravka krivog navoda kolegi Bandiću.

Davor Čičić (zastupnik)

Pa evo, nemam potrebu da budem ničiji advokat, pogotovo ne Okerićev, ali u svakom slučaju hoću samo da ispravim krivi navod znači da nije tačno da jedan čovjek može donositi, on može predložiti, a o istom se glasa i na Kolegiju i na Skupštini. Znači i na Kolegiju je moglo biti oboreno, njegov prijedlog i na Skupštini je mogao biti oboren njegov prijedlog dnevnog reda, tako da ona tvrdnja da jedan čovjek određuje sve, ne određuje. Znači usvojeno je većinom i na Kolegiju i na Skupštini, tako da to nije istinit navod. Zahvaljujem.

Jelena Pekić (dopredsjedavajuća)

Pošto je kolega Mahir iskoristio poslovničku, ovaj poslovničku intervenciju znači nije bila mu replikama, mada, ja sam u potpunosti je trebala to biti replika, samim tim nemate mogućnost odgovoriti na poslovničku.

Molim vas, pozovite se na član Poslovnika koji je povrijeđen. Izvolite, zastupnik Bandić. Poslovnička intervencija, ali molim vas, nemojte koristiti forme odgovora kolegi Deviću izvolite.

Muamer Bandić (zastupnik)

Pozivam se na poslovničku intervenciju zato što je kolega Mahir tražio poslovničku intervenciju, a diskutovao i vi ste mu dozvolili. Dakle, on je u svojoj diskusiji se nije pozvao na Poslovnik, povredu Poslovnika i nije naveo šta sam ja u svojoj diskusiji povrijedio, već je koristio institut da bi diskutovao. Dakle, evo, dakle, kolegice, trebali ste više pratiti njega nego poruke koje dobivate pa bi vidjeli ustvari o čemu je on diskutovao, kolegice. Jel mi dozvoljavate da završim?

Jelena Pekić (dopredsjedavajuća)

Šta da završite?

Muamer Bandić (zastupnik)

Svoju poslovničku intervenciju, ovu koju je imao kolega Dević?

Jelena Pekić (dopredsjedavajuća)

Pa zar niste već imali poslovničku intervenciju?

Muamer Bandić (zastupnik)

Nisam imao, nisam.

Jelena Pekić (dopredsjedavajuća)

Ja vas molim, kolega Bandiću da navedete član Poslovnika koji je povrijeđen kako bismo mogli nastaviti dalje. Izvolite kolega Bandić.

Muamer Bandić (zastupnik)

Kolega Dević je povrijedio član 69. Ja se nisam referirao na član 69, nego naš član 65, a to treba da bude jasno, i mom kolegi Deviću, a i Čičiću. Dakle, tim članom 65 je propisano sljedeće; dakle u izuzetnim i u hitnim slučajevima predsjedavajući može da sazove sjednicu u

kraćim rokovima od onih predviđenih Poslovníkom, a dnevni red za ovu sjednicu predlaže se na samoj sjednici koja je hitnog karaktera. Dakle, samo predsjedavajući, ovo me slušajte i vi kolega Deviću i vi kolega Čičiću, dakle samo predsjedavajući. To je koncentracija moći samo u njegovim rukama. A da vas napomenem predsjedavajuća i vas, pošto očito niste primijetili ni vi ovu izmjenu. Dakle, u prethodnom Poslovníku ta odredba je glasila, dakle, "izuzetno u okolnostima opasnosti po javnu sigurnost i sigurnost građana, širih razmjera, elementarnih nepogoda i velikih šteta za imovinu, epidemiju i slično, predsjedavajući može da sazove sjednicu". Dakle pravno, uređenu situaciju te podveli proizvoljno...

Jelena Pekić (dopredsjedavajuća)

Vrijeme, kolega Bandiću.

Muamer Bandić (zastupnik)

Zahvaljujem se. Nadam se da sam bio jasan.

Jelena Pekić (dopredsjedavajuća)

Svjesni smo svi ovdje da smo zloupotrijebili institut poslovničke intervencije, očigledno. Idemo dalje. Kolega Zahiragić. Izvolite, diskusija. Imate 8 minuta pošto ste koristili vrijeme kluba, izvolite.

Haris Zahiragić (zastupnik)

Ali nisam još počeo pa mi poništite vrijeme, hajte iz početka.

Jelena Pekić (dopredsjedavajuća)

Molim vas da uključite kolegu Zahiragića, izvolite.

Haris Zahiragić (zastupnik)

Zahvaljujem se dopredsjedavajuća. Pa evo, tačka dnevnog reda je imenovanje ministra, naglašavam čega, komunalne privrede, infrastrukture prostornog uređenja, građenja i zaštite okoliša. Premijer UK je u svojim uvodnim napomenama rekao da se nada kako će ovo biti posljednji put da imenujemo ministra ovako nezgrapnog ministarstva, citiram. Podsjećam vas da smo mi, kada ste spajali ova ministarstva u jedno iskoristili svaku minutu poslovnčkog prava apelujući i pozivajući se i pozivam se na tadašnju sjednicu i pročitajte stenogram na katastrofu koja prethodi Kantonu Sarajevo i ovim vrlo važnim resorima i upozoravali vas na nemogućnost toga da jedan čovjek, bez obzira koje kompetencije struke bio, može voditi ovako dva kompleksna resora u isto vrijeme. Vi tada niste to razumijevali. Drago mi je da ste priznali konačno u više navrata, evo i danas zvanično za skupštinskom vovornicom, da ste napravili grešku i pitam se zašto je danas niste ispravili. Danas se, prije ovog imenovanja, trebao naći na dnevnom redu Zakon o organizaciji organa uprave Kantona Sarajevo, u kojem ste vi ministarstva drugačije propisali definisali i ova dva ministarstva razdvojili. Kolega Kapidžić i ranije smo govorili je ponudio čak u ime Kluba SDA, i podršku eventualno nekoj vrsti reformi ministarstava, čak i ustavnim reformama Kantona Sarajevo, ukoliko je potrebno Ustavom propisati koja su to ministarstva. Ja kada sam to predsjedavajućem Okeriću ponudio, kaže on meni pa to OHR ne dozvoljava. Samo još gospodin Okerić misli da OHR postoji dok traje državni udar i evidentno da je on namijenjen samo da postoji u Sarajevu i Kantonu Sarajevo i da je Visoki predstavnik visoki predstavnik nad Bošnjacima i onim ljudima koji su pristali žive sa Bošnjacima i da samo mi poštujemo ne odluke, nego njegovu volju da Kanton Sarajevo treba imati kao neki ograničen broj ministarstava. To je prevaziđeno i pozivam i apeliram da promijenimo Ustav Kantona Sarajevo, da ova dva ministarstva razdvojimo, da uvedemo ministarstvo IT, digitalizacije, vještačke inteligencije i dovedemo još neka eventualna ministarstva razvojna koja su potrebna u ovom društvu. Gospodin koji je imenovan na ovu

funkciju čitao sam mu CV koji ima poprilično dobar CV, kada bi bio kandidat za ministra pravde ili eventualno za ministra privrede, dakle rukovodilac pravnog i kadrovskog sektora, savjetnik predsjedavajućeg parlamenta, čovjek koji je bio u udruženju poslodavaca, sve su to lijepe stavke u CV-iju, međutim ništa od toga nema nikakve veze, ali apsolutno nikakve veze ni sa jednim od navedenih resora. Ponavljam, komunalna privreda, infrastruktura, prostorno udruženju, građenje i zaštita okoliš. Dakle, ponovno ne nalazite adekvatno obrazovane ljude za ovu funkciju. Dakle, ovo je isključivo inženjerska pozicija, pogotovo ovako specifična i morali ste pronaći inženjera. Ja znam da ste se trudili pronaći inženjera i žao mi je što moram reći, gospodin Pandurević vam nije bio prvi izbor. Ja znam najmanje 5 ljudi kojima ste ponudili ovo ministarstvo, koji su vas odbili. Dakle, trojka u Kantonu Sarajevo je došlo u situaciju da okolo po gradu kao u filmu Gori vatra, jer treba biti Srbin, traži ima li podoban Srbin za vršenje ove funkcije. Čak ste nudili nekim članovima SDA ovu funkciju, dokle ste vi došli. Naravno, oni su vas odbili jer znaju da je ova funkcija i ova stolica vrlo užarena i da je u ovakvom ambijentu političkom se ne može, na žalost, ništa uraditi. Kada govorimo o stručnim referencama kandidata za ministra i onome što je navedeno u CV-u piše da je bio predavač postdiplomskih studija studentima iz zemalja EU, a u istom CV-u kažu da ima solidno znanje engleskog jezika, što je nekako, složiti ćete se, oksimoron ili kontradiktorno na neki način. Imao je zaista neki broj radova koji su možda stručnih, koji su možda vrijedni pohvale i vrijedni hvale, ali ponavljam, njihove teme, recimo "Seksualno zlostavljanje djece", to je vrlo važna tema u društvu, ali ona nema nikakve veze sa komunalnom privredom, infrastrukturom, prostornim uređenju i građenju, zaštitom okoliša. Također, zbornik radova Sveučilišta Vitez, to niste trebali staviti u CV jer je Sveučilište u Vitezu prodavnica diploma i ne treba sarajevski ministar imate ovakvu vrstu stavki u CV-iju, i još nekih od stručnih radova, recimo poreska politika itd. Sve ovo što ste vi u stručnom svom životu radili nije kompatibilno sa ovim ministarstvom. Evo sad, dakle, niste ni profesionalno, a ni naučno osposobljeni za ovu vrstu funkcije. Želim vjerovati da imate dobre namjere i da ćete zbog toga ću ostatak diskusije krajnje dobronamjerno prodiskutovati. Dakle, prije vas su na ovoj funkciji bili kada su spojili ovo ministarstvo, gospodin Enver Hadžiahmetović, gospodin iz Breze, koji je bio direktor tamo grijanja sa dvije, tri zgrade koje je snabdijevao grijanjem centralnim u Brezi, i mi smo tad govorili gospodine Envere, vi ste možda u Brezi vodili grijanje, ali ovo u Sarajevu što preuzimate puno je kompleksnije, nemojte to uzimati, nemate iskustva. ON je prihvatio, ali se kasnije vrlo brzo shvatio šta je prihvatio i postao je žrtvom pritisaka od strane predsjednika svoje političke stranke, Elmedina Konakovića i jedne je struje ovoga NIP-a 2020. da počne potpisivati određene vrste rješenja. Ovdje na Skupštini je čovjek nama javno obećao, pod pritiskom, i rekao neću potpisati ništa. Bio je pod ogromnim pritiscima. Na kraju ga je Kemal Ademović, s obzirom da je zajedno sa njim išao na Hadž i tekije itd. imenovao da vodi gore Koordinaciju podršku policijskih tijela da ga spasi iz Kantona Sarajevo, on više nije ministar. Onda su tražili drugog čovjeka koji je spreman to potpisati. Dakle, Enver je položio zadatak, nije potpisao čovjek ništa i svaka mu čast na tome što je izdržao pritiske. Tražili su ko je je spreman ispotpisivati sve što treba i nisu mogli naći u Sarajevu nikoga ozbiljno da to uradi, onda su posudili iz Zeničkog kantona, ponovo čovjeka iz Vareša koji je bio ministar u Lijanovićevoj Vladi, koji je završio političke nauke, da vodi ovaj resor. Mi smo mu govorili opet dobronamjerno, ja lično sam govorio gospodine Bojane Bošnjak, nemojte ovo preuzimati, vi ov ne razumijete, vi ne znate kada vidite regulacioni plan, šta znači, jer ne možete znati, niste za to obrazovani. Nisam, evo nije, lično, ne znam ni ja. On je to ignorisao. Bila mu je primamljiva ponuda da budem ministar ovakvog ministarstva. I na kraju, što kaže gospodin Kapidžić, kupljen iz zgrade Kantona Sarajeva, zbog toga što je potpisao studiju, neku. Samo zato što je potpisao studiju koju je prije njega potpisalo desetak ljudi, međutim nije stigao prije nego što je kupljen, nije stigao sve ispotpisivati. Ovdje u Kantonu Sarajevo gospodine Pandureviću, to je već javna tajna, određeni globalni narko-karteli imaju puno novca koji je

aktuelna vlast obećala da će im pomoći da operu u Kantonu Sarajevo. Zato je potrebno prije svega usvajanje urbanističkog plana Kantona Sarajeva koji smo u Nacrtu usvojili, koji stvara pretpostavke za ogromnu izgradnju tamo gdje se ta gradnja ne bi trebala dešavati, za pranje milijardi maraka i dolara. Imamo Kvadrant B i C uvijek aktualan, također imamo mnoge projekte koji stoje na čekanju, za koje nam ministar vanjskih poslova i dan danas u televizijskim istupima kaže da u Kantonu Sarajeva fali hrabrosti da se potpisuju važne odluke da bi se razvoj Kantona Sarajevo i dalje dešavao. Te razne odluke su odluke iza kojih stoje milijarde dolara globalnog prljavog kapitala u kojem ćete vi biti izloženi svakoj vrsti pritiska. Pa evo ja, dok niste još postali ministar, upozoravam vas na taj pritisak i ukoliko vam bude trebala zaštita tih kartela, možda se obratiti opoziciji Kantona Sarajevo koja im stoji na putu već godinama unazad i zahvaljujući kojoj se do sada nije desila potpuna devastacija prostora u Kantonu Sarajevo. ViK vam se raspada. Prva odluka koju ćete potpisati ministre bit će poskupljenje vode od 50 % građanima Kantona Sarajevo u doba velike inflacije. Pola RAD-a je pohapšeno. Ponovno kadrovi Naše stranke, izgleda da Tužilaštvo samo za Našu stranku...

Jelena Pekić (dopredsjedavajuća)

Vrijeme kolega.

Haris Zahiragić (zastupnik)

I za Nove generacije u ovom Kantonu Sarajevo, postoji.

Jelena Pekić (dopredsjedavajuća)

Isteklo vam je vrijeme.

Haris Zahiragić (zastupnik)

Evo da završim. Postoje dakle, imate katastrofu i u komunalnoj privredi. Ja ne znam kako ćete s time izaći na kraj, a evo stojimo vam na raspolaganju ukoliko budete dosljedni sebi, ukoliko ne budete željeli da u penziji budete privođeni, nego da završite ovaj mandat u stilu u kojem ste odradili svoju profesionalnu karijeru...

Jelena Pekić (dopredsjedavajuća)

Vrijeme.

Haris Zahiragić (zastupnik)

Nemojte dozvoliti da vam...

Jelena Pekić (dopredsjedavajuća)

Idemo dalje. Dobro. Zastupnica Gaković. Izvolite, imate riječ. Replika? Niste se javili kolega. Zastupnik Bandić, replika, izvolite.

Muamer Bandić (zastupnik)

Zahvaljujem se. Samo ću kratko kolegi Zahiragiću. Ja sam u prethodnom periodu spomenuo ovog ministra kako se zove, Hadžiahmetović. On je zaista bio u svom nastupu korektan i ne znam na nekoj od sjednica, sam na neki način u negativnom u kontekstu ga spomenuo i zaista želim da se izvinem jer je čovjek radio svoj posao korektno, jer sam ja bio prekratko da bi davao neku bilo koju drugu ocjenu o njegovom radu. Ja sam bio u mandatu, dakle možda 2, 3 mjeseca, dok je on obavljao poziciju ministra, i u tom periodu bio korektan i dobro je radio svoj posao. Čak sam dobio informaciju od ministra koji je kasnije došao iz Stranke za Bosnu i Hercegovinu da on nije prelazio okvire nekih političkih pravnih okvira koji su stvari imale naredbodavni političkih karakter. Zato, evo, zaista želim u pozitivnom kontekstu da

konstatujem tog ministra, odnosno njegov rad, jer sam prošli put na neki način prekoračio ovaj, možda i pristojnost u spominjanju čovjeka koji nije trenutno prisutan ovdje. Hvala.

Jelena Pekić (dopredsjedavajuća)

Šta, da potvrdite izvinjenje, jel? Izvolite zastupniče odgovor na repliku kolega Zahiragić.

Haris Zahiragić (zastupnik)

Pa da iskažem neslaganje s kolegom Bandićem u dijelu njegove replike meni. On je rekao da je Enver Hadžiahmetović bio dobar ministar, on je, ja, mislim, bio dobar čovjek, ali kada je došao u ministarstvo, jednu anegdotu da vam ispričam. Došli su mu neki ljudi iz struke da mu pokažu regulacione planove itd, da mu objasne i on je to gledao i rekao ma pustite vi te mape, imao mi puno posla da radimo itd. Nakon par mjeseci na sastanku s direktorima komunalne privrede, rekao je: ovaj ministar prije mene gospodin Faruk Kapidžić...

Jelena Pekić (dopredsjedavajuća)

Stvarno kolega...

Haris Zahiragić (zastupnik)

...on je samo...

Jelena Pekić (dopredsjedavajuća)

Ne znam kakve ovo ima veze da prepričavanjem tuđih razgovora?

Haris Zahiragić (zastupnik)

Replika je, nemojte me prekidati, molim vas. Replika. Prije mene ministar Kapidžić je kaže samo gledao mape po cijeli dan nije ništa radio. Ne razumijevajući da urbanizam i prostorno uređenje zapravo ništa drugo nije do planiranja i mape. S druge strane je, bio je hrabar i nije pokleknuo pritiscima Elmedina Dine Konakovića, čuvenog glumca iz serije Seks i selo i pritiscima njegovih članova...

Jelena Pekić (dopredsjedavajuća)

Isteklo vam je vreme. Idemo dalje. Zastupnik Avdić, diskusija. Evo, javio se Avdić. Ja, bila sam Elzu prvo prozvala, izvinjavam se. Evo zastupnik Avdić, pa ćemo kolegica Gaković, izvolite.

Samir Avdić (zastupnik)

Zahvaljujem. Pozdravljam sve prisutne i građane koji prate naš rad putem medija. Zaista je teško govoriti nakon ovih nadahnutih, duhovitih riječi, ali na to smo navikli. Iako sam imao namjeru samo reći nekoliko sugestija, nadam se budućem ministru i poželiti mu sreću, ipak ću morat na određen način se osvrnuti i na neke od diskusija koje prethode ovoj mojoj. Čini mi se, ono što jel, može se primijetiti i sasvim je legitimno da ljudi imaju iz opozicije svoje taktike i manevre, da je cilj da se poruči da smo svi isti, pa se zbog toga potencira, a naravno da nismo. Nemojte mi dobacivati, kolegice Izetbegović, molim vas. Ovaj valjda je cilj da budemo isti, pa da i mi sada branimo ove koji su..

Jelena Pekić (dopredsjedavajuća)

Izvinjavam se kolega, Avdiću, kolege u zadnjoj klupi, ako, molim vas, ako može malo pažnje, ja zaista evo ovdje ne čujem kolegu Avdića i njegovu diskusiju. Znači, ako imate pokazivati neke videe, možete izaći ispred, pokazivati jedni drugima video snimke. Kolega Avdić nastavite. Produžit ćemo vam vrijeme.

Samir Avdić (zastupnik)

Valjda je cilj to radi ova dva privođenja, da se pokaže da smo, eto, i mi isti, međutim nismo i nisam čuo nikoga da je rekao oni su krivi ili su nevini. Jednako kao i svi drugi koji su privođeni u prethodnom periodu, a dolaze iz najveće opozicione stranke, ne možemo ni za koga tvrditi, to svaki put ponavljamo da je kriv ili nije, ali ne možemo tvrditi da smo svi isti. Ovo su dva privođenja, ako ćemo matematički, a ovaj maloprije na brzinu napišem prije toga načelnik jedan, drugi, gradonačelnik, premijer, direktor važne agencije sigurnosne, direktor najvažnije financijske državne agencije. I evo, maloprije dobijamo informaciju iz VIK-a da je glavni krivac problema o kojemu ćemo na trećoj tački, gospodin Ramiz Džaferović, pa usput kasnije, malo ga izguglajte, kojeg je također smijenio Visoki predstavnik, ali 2010. godine, a krivicu snosi zbog svog mišljenja. Da, iz 2010. da. Da, znači, to je jedna od razlika, druga je da mi, evo, ipak slušamo šta kolege i sugerišu, pa ovaj, pa bih ipak mogao i da se prilično suglasim sa nečim što je kolega Kapidžić govorio, a opet je u kontradikciji, odnosno u protivnom to njegovo, u odnosu na ono što je govorio kolega Selmanović, koji je rekao da nismo izabrali i trebali bi izabrati stručnjaka za oblast kojom se ministarstvo bavi, a to je nemoguće i to je u svojoj diskusiji kolega Kapidžić ispravno istakao, pa i kolega Zahiragić, da je nemoguće, nema fakultet, nema fakulteta na koje možete obrazovati, profesionalca koji zna svaku od oblasti kojom se ministarstvo bavi, pa zbog toga i jesu stručne službe, savjetnici itd. Podsjećam da se bavi komunalnom privredom, ekologijom, prostornim uređenjem itd. I ja sam jedan od onih kojima je prva, nemojte, molim vas Mahire, kojem je jedna od prvih inicijativa bila ponovno razdvajanje ovog ministarstva i nekih drugih. Međutim, tada i kolege iz Stranke za Bosnu i Hercegovinu nisu bile za taj prijedlog, konkretno ministar koji je tada rukovodio ovim ministarstvom, o čemu imate i dokaze u medijima, kako moje inicijative, tako i njegovih reakcija. Ono što čeka, nadam se budućeg ministra, da će on biti danas izabran, osim financijskih problema koji su veliki, a uzrokovani su kako nekim dešavanjima i odlukama sa viših nivoa, pa i ovoga nivoa u ovoj bližoj istoriji, tako i ogromnih grešaka, pa rekao bih i kriminala u zadnjih 25 ili 30 godina. Podsjetit ću na sjednicu Vlade od 4. 12. 2019. godine, koja je imala i svoj direktni prenos na Kantonalnoj televiziji, koji su tada informisali javnost da su zatečena dugovanja javnih preduzeća preko milijarde konvertibilnih maraka, to su različita dugovanja i ovi porezi, o čemu ćemo govoriti kasnije, kada budemo na trećoj tački, ali i dugovanja prema radnicima, PIO itd. Samo prema Poreznoj oko 165 000 000, plate radnicima oko 35 000 000 itd. Najeklatantniji primjer da je neko ipak popravljao tu situaciju jesu važna dugovanja Grasa u tom kontekstu, pa ću podsjetiti da je aktualni ministar Šteta, zajedno sa svojim kolegama i kolegicama iz Vlade, u ovom periodu kako je bila šestorka, pa petak 13. i trojka plus ZNG samo na osnovu tužbi iz kolektivnih ugovora iz 2007godine isplatio 76 000 000 za 2700 radnika te 7,7 miliona po osnovu dugovanja za penziono za 278 novih penzionera. Ovo govorim u kontekstu financijske situacije koja će zateći u komunalnim preduzećima budućeg ministra, tako da to i jeste tako, da to i jeste tema. S druge strane, ono što je ono što je meni budi optimizam jeste prije svega jedan kvalitetan eskpoze.

Jelena Pekić (dopredsjedavajuća)

Zastupniče Avdić imamo poslovničku intervenciju zastupnik Dević, izvolite. Evidentirat ćemo vrijeme. Možete li sačekati kolegu da završi?

To je kolegijalno sa vaše strane. Avdić nastavite.

Samir Avdić (zastupnik)

Ono što nama i javnost može probuditi neku vrstu optimizma jeste zaista ozbiljan eskpoze kandidata. Mi i na osnovu njegovog CV-a i na osnovu njegovih godina, koje zaista ne bi smjele biti predmetom kritika, na ovaj način, jer ste tako kritikovali i premijera Uka kako je premlad, pa sad ministra da je prestar i tako dalje. Mislim da trebamo mu pružiti priliku, ja već vidim da

postoji potrebna energija, ali sigurno je da postoji iskustvo. To iskustvo se jednostavno primijeti i slušanjem ekspozea koji je, evo u nekih petnaestak minuta iznio pred ovim parlamentom kandidat. Volja se također primijeti, a evo i kolega Kapidžić i kandidat su nam su nas informisali da je u izradi ovog ekspozea i samom prihvatanju kandidata ove kandidature prethodio razgovor sa širokim brojem ljudi, pri čemu je pokazao i takvu vrstu otvorenosti, da nije razgovarao samo sa ljudima iz ove Vlade ili ove pozicije, već i sa bivšim ministrima, sa ljudima iz drugih stranaka. Ta otvorenost je nešto što za svakako jeste za pozdraviti, a govori i o širokom poznavanju širokog kruga ljudi koji samo može pomoći u radu ovog ministra. Ja mu želim sreću, ukoliko bude izabran, u njegovom radu i svakako da Klub SDP-a će ovo podržati i stoji na raspolaganju i rado ćemo prihvatiti poziv s obzirom da su vrata otvorena i za nas i za kolege i kolegice iz opozicije, da zajedno radimo na iznalaženju rješenja kroz ovo ministarstvo. Zahvaljujem i zahvaljujem kolegi Deviću što je sačekao minut i po.

Jelena Pekić (dopredsjedavajuća)

Kolega Dević, poslovnička. Ništa, prošlo. Dobro. Replika zastupnik. Molim? Ima prednost. Ispravka krivog navoda, Bandić izvolite.

Muamer Bandić (zastupnik)

Zahvaljujem. Kolega Avdić je rekao da je naš ministar iz Stranke za Bosnu i Hercegovinu bio protiv dakle, da se ovo ministarstva razdvoji. U političkom dogovoru, ja sam bio tada prisutan, mi smo bili protiv iz razloga zato što bi bio paran broj u Vladi i ne bismo mogli odluke donositi dakle, na neki efikasan način, funkcionalan, mogli bi imati ono što imate u školskim odborima, sada, javnih ustanova, osnovnih škola da možete donijeti neku vrstu odluke. Iz tih razloga nismo bili, dakle, da se to ministarstvo razdvoji, samo je to bio razlog, a nikako neki drugi razlog materijalni prirode. Hvala.

Jelena Pekić (dopredsjedavajuća)

Replika. Ovo je zapravo bila replika. Obično kolega ne pogriješi kod izbora. Zastupnik Kapidžić replika, izvolite.

Faruk Kapidžić (zastupnik)

Zahvaljujem. Možda ću ja sada pod replikom ispraviti neki krivi navod, hajde nije ni bitno. Samo bih htio da moram da reagujem. Obzirom kad god me ovaj zastupnici trojke tu nešto pominju u pozitivnom kontekstu, onda malo zapitam se šta sam rekao, jel. U suštini, kad god želite, konstruktivno da djelujete u nekoj situaciji, OK, je da me ovaj spominjete i to je dobro. Međutim, nisam ja baš u tom smislu mislio, ja ću samo navesti jedan primjer. Ja sam rekao, dakle, da bi ministar prostornog uređenja mogao zaustaviti Urbanistički plan koji je krucijalni za ovaj Kanton. Ako me posluša i ako to uradi, samo hoću da kažem da dolazi u situaciju da duplo mlađi čovjek od njega, bez ikakvog iskustva, koji je zaposlen prvo zaposlenje premijer Vlade Kantona, će mu taj zahtjev odbiti na Vladi. E ja sad pričam o okruženju u koje dolazi ozbiljan čovjek. Dakle, duplo mlađa osoba će vam taj zahtjev vaš napeneliti, jer je nemoguće da trojka vrati urbanistički plan jer im je čitava strategija vladanja i upravljanja bilo baš očitovano u Urbanističkom planu i ono što kane raditi. E zbog toga sam to istakao. Ako ste sposobni to izgurati, da vratite taj Plan u okviru struke, a ne mešetarenja prostorom koji je napravljen da se mešetari prostorom u određenim tačkama koje ni zaposlenici u Zavodu za planiranje stručni ljudi ne vide, ali ja im govorim uporno, ljute se na mene kada im kažem, ali ja kažem, to je političko mešetarenje prostora, pogotovo opština koje i nisu gradske i zato sam se stavio na raspolaganje budućem ministru, ako treba da tačku po tačku objasnim gdje je problem i šta će uzrokovati usvajanje urbanističkog plana. Zbog toga sam ja napravio kontekst. Ako već radite kako radite i ako ćete ga staviti za ministra, samo govorim šta ga čeka i da ima podršku ako misli to da zaustavi, eto ništa više.

Jelena Pekić (dopredsjedavajuća)

Zastupnica Gaković, diskusija, Izvolite. Nikako mi da dođemo do zastupnice Gaković. Replika zastupnik Selmanović.

Faruk Selmanović (zastupnik)

Zahvaljujem predsjedavajuća. Evo replika kolegi Avdiću za ovaj dio, gdje mi je spomenuo da nije moguće naći stručnjaka za ovako veliko ministarstvo u kojem je komunalna privreda, prostorno građenje i ekologija. Sve to se desilo nakon reformi ovog sektora od strane trojke. Pa evo, drago mi je da je kolega Avdić kazao da je on pokušao da razdvoji ta ministarstva i da je uvidio tu grešku. Žao mi je što možda niste iskoristili svoj utjecaj u trojici, pa da možda bar pronađemo i stručnjaka za jednu od ovih polja komunalna privreda, prostorno, građenje i uređenje, ekologija, bar nešto, jer evo kolega budući ministar po svemu sudeći je ekspert, možda za privredu ili neku drugu granu, ali za komunalnu privredu i za ono što ovo ministarstvo treba da radi apsolutno nije. Evo, čuli smo i izlaganja, kolegije Kapidžića koliko je bitno ovaj dio i koliko je prostorni plan i ono što treba da se done u narednom periodu bitna za razvoj Kantona Sarajevo i od toga bukvalno zavisi naša budućnost i narednih 5 do 6 godina zavisi kako će se Kanton Sarajevo razvijati.

Jelena Pekić (dopredsjedavajuća)

Odgovor na repliku zastupnik Avdić.

Samir Avdić (zastupnik)

Pa vi rekoste da nije bilo replika, da ste vi ispravili krivi navod. Zaista mi nije jasno onaj, a opet samo zloupotrebe, ja ne znam šta sam krivo naveo, evo kolega je potvrdio iz S BiH-a da sam ispravno naveo, to je bila ispravka, ispravka, ispravnog navoda. Tako je. A kolegu Kapidžića i kolegu Selmanovića, što sam spomenuo samo u kontekstu, jednostavno nisu u suglasju ta mišljenja na način da jedan kolega kaže potreban nam je stručnjak za oblasti kojima se Ministarstvo bavi, a drugi kolega na to odgovara da ne postoji takva osoba. Pa sam samo podsjetio na tu kontradiktornost. Eto ništa drugo. Ne znam što ispravljate tu kad ste vi sami? Kako nije? Pa to je oksimoron, kako hoće da kaže kolega često.

Jelena Pekić (dopredsjedavajuća)

Kolega Zahiragić replika, pretpostavljam replika zastupniku Avdiću. Izvolite.

Haris Zahiragić (zastupnik)

Zahvaljujem. Ja i kolega Avdić, evo oko nekih stvari slažemo, što je meni drago za čuti. Pa replicirao bih na ovu stručnost, na kompetencije. Dakle, kolega Selmanović je poprilično jasno, mislim pazite, ja sam pravnik, kandidat za ministra je moj kolega pravnik koji ima pravosudni i koji ima dugogodišnje iskustvo rada u realnom sektoru, pa čak i u javnom sektoru. U tom smislu ne mogu ja, naravno, biti protiv prava. Meni je drago kolega Avdiću da je konačno imenovan čovjek koji nije završio Sokolac, PIM, Vitez, Kiseljak, itd. To je jedan veliki korak naprijed za trojku. Meni je žao što je među mlađim generacijama koje imenujete nemate ljude koji su, čast izuzecima, naravno, ima vas nekolicina, al uglavnom su vam kadrovi sa tih akšama šule iz Goražda, sa PIMA, sa Sokoca. Recimo, spominjemo stručnost ministra, kažemo pravnik i možda smo malo pretjerali. On nema iskustva, to je problem veći. U radnom iskustvu se nije bavio ovim temama. Što se tiče obrazovanja, to je relativan pojam s obzirom da je najhvaljeniji ministar u ovoj skupštini završio Visoku u školu za ugostiteljsku djelatnost u Sokocu. Ona kuća od cigli na dvije vode, možete je vidjeti kada krenete u Istočnu Bosnu, na na raskrisnici na Sokocu. Tamo je u poznim godinama svog života, u srednjim godinama odlučio u taj hram znanja otići po svoju diplomu i s tom diplomom zadužiti Kanton Sarajevo 500 000 000 maraka.

To je Adnan Šteta i u tom smislu nije lijepo s naše strane da pravnik, čovjek s pravosudnim ispitom, da mu osporavam obrazovanje. Tu smo možda malo, u pravu ste, pretjerali. Da, ne možemo mi očekivati idealne stvari niti trebamo poredi ministre trojke sa , recimo, ministrima koje smo mi predlagali poput gospodina Kapidžića. Mi moramo kruške i kruške porediti i u poređenju sa ostalim ministrima u Vladi Kantona, čast izuzecima, zaista, vi ste među najobrazovanijim ministrima u Vladi Kantona Sarajevo. S tim u vezi, sigurno ćete se snaći, samo nemojte podleći pritiscima kriminalne hobotnice. To je najveća greška.

Elvedin Okerić (predsjedavajući)

Zastupnica Elza Gaković, rasprava. Odgovor na repliku. Imate minut, izvolite, imate riječ.
(zastupnik Avdić govori bez uključenog mikrofona)

(zastupnici govore bez upaljenog mikrofona)

Elvedin Okerić (predsjedavajući)

Možemo li samo da se vratimo na temu? Zastupnica Elza Gaković, rasprava, izvolite, imate riječi.

Elza Gaković (zastupnica)

Zahvaljujem i zamolila bih zaista kolege da evo, iskoristim i svojih par minuta na diskusiju jer sam vas sve pažljivo slušala kada ste imali svoje pravo na današnju temu. Prije svega, ovaj resor za mene je jako bitan. Jedan od možda vodećih razloga zašto sam tu gdje jesam, jer nekako morate razumjeti da apsolutno razumijem sve probleme komunalne prirode s kojim građani Kantona Sarajevo žive. Kanton Sarajevo vapi za zaista jednim strukturnim i sistemskim promjenama kada je u pitanju ovaj resor, ja zaista želim da vjerujem da i vi to znate, bez obzira na kratak rok vašeg možda boravka u ovom ministarstvu, koji je, evo, ostao do kraja mandata. Kada se ima volje, nađe se i načina da se urade bitne promjene i suštinske reforme i bitne stvari. Cijeneći da će građani Kantona Sarajevo, koliko to uradite, prepoznati, evo, zaista želim danas da vam uputim molbu kao neko ko je odgovoran, prvenstveno prema građanima Kantona Sarajevo, da date sve od sebe i da zaista slušate savjete svih zastupnika, bez obzira iz koje strukture oni dolaze, jer sigurno među njima ćete naći dobre prijedloge za unapređenje ovog sektora i dobronamjerne. Ono što ja danas želim komunicirati vrlo jasno, jeste da teme kojim sam se ja bavila kroz neki svoj desetogodišnji rad su bile funkcionisanje i funkcionalnost Regionalnog centra upravljanja otpadom Smiljevići. To nije samo puko odlaganja otpada. Zaista morate da shvatite da je odvojen segment funkcionalnosti i funkcionisanja deponije Smiljevići, gdje je u prethodnom nekom dometu ovog ministarstva koje je bilo razdvojeno i nadležnosti oko deponije su bile razdvojene pa znamo da je pročistač procjednih voda pripadao jednom ministarstvu, a deponija Smiljevići drugom ministarstvu. Prema tome, ja se apsolutno slažem sa uvaženim kolegama i svim mojim prethodnicima koji su kazali da se ovo Ministarstvo treba vratiti na one postavke koje je bilo i ranije, tj. da se razdvoji na Ministarstvo prostornog uređenja i Ministarstvo komunalne privrede. Kada govorimo o temi Smiljevići, vrlo dobro znamo da okolišne upotrebne dozvole također daje, odnosno izdaje Federalno ministarstvo okoliša i turizma i zaista ovdje ne mogu, a da ne pomenem odgovornost i Federalnog ministarstva okoliša i turizma koji kroz izdavanje tih dozvola i preporuka za unapređenje stanja vjerovatno kroz svoje budžetske norme ima mogućnosti da unaprijedi stanje jer smo to vidjeli kroz sve druge transfere prema ostalim deponijama na ovom regionalnom centru upravljanja otpadom Smiljevići, koji zaista u današnjem danu jest onakav kakav je maloprije i kolega Faruk Selmanović rekao, pa evo i ekološka bomba. To su činjenice, to su fakti i zaista želim vrlo otvoreno danas vama da ih komuniciram, ne umanjujući bitnost rješavanja ove problematike. Uspostavljanje instalacije postrojenja prečištača procjednih voda

iz trupa deponije Smiljevići. Ja postajem sebi dosadna sa ovom temom, ali građanima Kantona Sarajevo ovo je jako bitna tema i nikad neću prestati insistirati na konačnom rješenju ove problematike. Molim vas, uvaženi, evo trenutno kandidatu za ministra, vjerovatno budući ministre, čitavi sistem smeća koji se odlagao od '70.-tih godina na Smiljevićima, danas slobodno, bez tretmana bilo kakvog, protiče otvoreno potokom Lepenica i uliva se direktno u rijeku Bosnu. Prije svega, to je jedan ogroman zdravstveni problem i iznad svega, to je ogroman ekološki problem. Zaista vas molim da ovo pitanje ovako posmatrate. I još ono što treba da znate jeste da ovo postrojenje je prestalo sa radom 2011. godine. Urađene su brojne studije, urađeni su brojni elaborati, ni jedan od tih elaborata nije bio adekvatan zato što biomehaničko postrojenje zahtjeva tretman teških metala koji apsolutno nije bila uključena struka kada je u pitanju donošenje elaborata za uspostavljanje ovog prečištača. Ovdje ću vas zamoliti da zaista jednu posebnu pažnju obratite prema ovome jer zdravlje građana Kantona Sarajevo trpi. Ne želim ni jednu tešku dijagnozu, a da nismo dali bilo kakav korak ka konačnom rješavanju ove problematike. Izrada projektne dokumentacije za kanalizacionu mrežu u naseljima u kojima ne postoji niti 1 m kanalizacione mreže, a koja su dodatno opterećena sa ovom problematikom. Tu su vam naselja Zabrdje, Reljevo, Dobroševići i ovdje imate deponiju procjedne vode koje nisu tretirane i nemate niti 1 m kanalizacione mreže. Od ranijih direktora, ministara slušala sam da je tu skupo rješenje. Molim vas, nemojte da to bude vaš razlog. Zaista, puno je nagomilanih problema i znam da je ovo opterećujuće, ali ovo su činjenice. Moramo se aktivno i adekvatno početi baviti ovim tematikama jer to građani traže od nas. Smanjenje stepena zagađenosti zraka, ja ću zaista navesti primjer New Delhija koji je riješio, odnosno unaprijedio sa Smog free Tower-om koji je instalirao 2021. godine. Molim vas, nije tu skupa investicija, skupa investicija je da se bavimo zdravstvenim zbrinjavanjem teških dijagnoza, mislim da nas puno više košta. Ovo postrojenje usisava 30 000 m³ zraka po satu i stvara balon ultra čistog zraka bez smoga. Ukoliko postoje neka bolja rješenja, ja sam i za ta, ali da konačno kažemo šta je to, a ne da samo verbaliziramo, da je Sarajevo najzagađeniji grad na svijetu, ali da nismo stvarno preuzeli neke bitne i konkretne korake ka rješavanju ove problematike. I ono što mene zaista brine jeste rješavanje pitanja problematike grijanja građana Vogošće. Građani Vogošće ne smiju i neće biti taoci bilo čijih rješenja, polovičnih ili bilo kakvih drugih. I nemojte da gledamo samo kroz kupovinu energenta, da riješimo godinu i da, eto, na takav način preživimo, nego da zaista ovim građanima damo jedno sistemsko rješenje kroz jedan novi funkcionalni sistem sa jednom ozbiljnom interesornom grupom koja će ove građane posmatrati na adekvatan način, odnosno sa jednakim pravima kao i ostali građani. Tu vam dolazi rješenje Toplane, Gasa i svih ostalih subjekata, odnosno privrednih lica koji to mogu da rade. Ali evo, obzirom da mi vrijeme isteklo zaista, bit ću vam podrška, bit ću vam suport i evo, mogu koristiti vrijeme u ime Kluba, bit ću vam zaista neko ko će posmatrati budno rješavanje svih ovih problematika i nemojte u meni očekivati da ću vam biti opozicija, jer ja ne želim biti opozicija građanima, ja želim biti onaj glas koji će doći kod vas i satima, ako treba, tražiti određeno rješenje, ali zaista, molim vas, želim svim srcem da pomjerimo bilo koju tematiku koju sam navela, evo u ovom svom kratkom izlaganju. Cijeneći da nema bezgranično vrijeme i da ima još aktualnih problematika za kojim ovaj grad vapi, ali sigurna sam da obzirom i na broj vaših godina i na ozbiljnost koju smo mogli kroz vaš CV da vidimo, sigurna sam da ćete se uhvatiti aktivno u koštac sa svim ovim problematikama. Toliko od mene. Zahvaljujem.

Elvedin Okerić (predsjedavajući)

Zahvaljujemo se zastupnici Gaković. Replika zastupnik Jasmin Šaljić. Izvolite, imate riječ.

Jasmin Šaljić (zastupnik)

Koleginica Gaković je iznijela više prijedloga kako riješiti i poboljšati uslove na deponiji Smiljevići. Očekivao sam da će reći onaj ključni, a ključni je to je izmiještanje lokacije. Ta

deponija je 60 godina je tu, ona je puna, nema više tu prostora ni za jednu plohu. Rješenje je, evo, ovom prilikom i novom, budućem eventualnom ministru raspisite javni poziv za novu lokaciju. To je jedino moguće rješenje deponije Smiljevići. Na taj način, kao što je rekla koleginica, ako štedimo na rješavanju problema u deponiji, odraziti će nam se na Ministarstvo zdravstva. Znači, ne možemo mi tu ništa uštedjeti. Ja vas molim da razmotrite, mi smo i prošle godine na Skupštini to govorili i zaključak Skupština nije to prepoznala. Pronađite lokaciju da u skladu sa elaboratom, počnemo sa zatvaranjem deponije Smiljevići. Hvala.

Elvedin Okerić (predsjedavajući)

Odgovor na repliku zastupnica Gaković. Izvolite imati riječ.

Elza Gaković (zastupnica)

Kolega, cijenim da je moje izlaganje trajalo 10 minuta i da me možda dovoljno pažljivo niste slušali. Prvo, nisam iznijela ja ni jedno rješenje jer ja nisam adekvatna, ja nisam inženjer, ja sam komunikolog po svojoj formalnoj vokaciji. S druge strane, ja sam podnosilac inicijative uvaženih kolega za traženje nove lokacije za sortiranje, odnosno odlaganje otpada u Kantonu Sarajevo. I moram, sigurno i da istaknem danas, a i cijeneći sigurno da ste upoznati s tim da jako dobro poznajem ovu problematiku i da znam da prema Prostornom planu mi nemamo više mjesta i to je ona problematika koja nas također opterećuje, ministre, i evo, zahvaljujem se kolegi Šaljiću na aktualizaciji ove teme. Ali zaista nova lokacija za odlaganje otpada neće biti predmet volje bilo koje lokalne samouprave, nego predmet potrebe. I to će zaista da se komunicira tako, jer mi više u prostornom obuhvatu nemamo prostora mimo ovih novih koji ćemo izgraditi kao plohu za odlaganje otpada, a to nam je nekih otprilike do 8 godina. Hvala.

Elvedin Okerić (predsjedavajući)

Vrijeme. Zahvaljujem zastupnici Gaković. Zastupnica Admela Hodžić javila se za riječ. Izvolite.

Admela Hodžić (zastupnica)

Obzirom da se prvi put javljam, dobar dan želim svima, i kolegama i građanima koji nas prate putem malih ekrana. Ja novom ministru, evo, zasad je prijedlog, ali vjerujem da ćemo vrlo brzo imati glasanje, izglasati novog ministra, sugerirat ću mu da pokrene dvije stvari. Ono što je ključno za mene, to je isplata razlika za mlade ljude Kantona Sarajevo po javnom pozivu od 2023 godine na kojem kodu smo obezbijedili 5,5 miliona konvertibilnih maraka i da se krene u realizaciju s tim što prije. A drugo što ću tražiti od ministra da se ovaj realizuje moja inicijativa da se pokrene stečaj firme BAGS i da se krene sa osnivanjem novog privrednog subjekta za pružanje usluga građanima Vogošće da imaju adekvatno grijanje i da sebe ne dovodimo u tu situaciju, da zavisimo od nekolicine pojedinaca koji nisu u stanju isporučiti građanima ono što plaćaju, a mi stojimo iza toga, a i dajemo im puno povjerenje da rade u naše ime, a u korist građana određeni posao, a to već godinama ne rade i ja ne vidim svrhu da produžavamo agoniju da ova firma i dalje postoji, barem onoliko koliko se tiče podrške Kantona Sarajevo i zastupnika u Skupštini Kantona Sarajevo. Ko ne radi, nije zaslužio moj glas i moju podršku pa samim time i ova firma u Vogošći. Drugo što želim prokomentarisati i moja diskusija stvarno će biti u jednom drugom svjetlu i na jedan drugi način. Sam način do čega smo dovedeni i procesi kojim smo dovedeni nemili ti događaji, da ih tako nazovem pritvoru jednog ministra, pa onda pokretanje, čini mi se, optužnice, pa drugi ministar, odnosno ministrica, pritvor i sve to dovodi do promišljanja zašto mi dolazimo ustvari u takvu situaciju, da li svi koje imenujemo ovaj shvataju ozbiljno povjerenje koje im dajemo, evo, ja sam glasalo za te ministre, ja se osjećam dijelom odgovorno, ali kada idemo dalje u dubinu, kada gledamo način i posmatramo i analiziramo način na koji se imenuju i šta to oni sve moraju, koje uslove da ispune da bi bili imenovani za ministra određene oblasti ministarstva i preuzeli svoju

odgovornost, došla sam do zaključka da oni samo predloži ih stranka, dobiju povjerenje, imenuju se, a mi ustvari samo imamo iz CV-a, ne vidimo da li su ti ministri, osobe, ministrice, pod punom, krivičnom i materijalnom odgovornošću, u stanju da odgovaraju za svoje postupke, bez obzira da li su to stvari koje se tiču nekih, da kažem, poslova, svakodnevnih ili nekih projekata ili zapošljavanja ili čini mi se da imamo situaciju, evo koliko sam ja u Skupštini Kantona Sarajevo, da i pojedinci stvarno ne shvataju odgovornost i obavezu kada sebe dovedu u tu situaciju. Kazati ću vam da moramo poštovati presumpciju nevinosti, da nećemo nikoga optuživati prije nego što to sud kaže, jesu li krivi ili nisu, zbog njihovih porodica i zbog njihovih privatnih života, djece i sve ostalo što oni pored svog mandata imaju. Dakle, svako ko preuzme funkciju i mi ovdje glasamo za njega, mora biti u stanju, kao i ostali službenici, namještenici, radnici, da pod punom materijalnom i krivičnom odgovornošću odgovaraju za svoje postupke, da su fizički i psihički u stanju da pred organima, istražnim organima, pred sudovima budu procesuirani za ono što rade. I samim time smatram, ako postavimo stvari tamo gdje im je mjesto, da ćemo ubuduće imati manje ovakvih nemilih događaja. Ja nemam ništa protiv ministra, čak mu želim sreću i podršku, meni nije problem što je ovaj ni zbog godina, ni zbog, kao što kažu da, eto, ovaj ministar je u penziji. Mi smo svjesni činjenice da mi u posljednje vrijeme imamo se više zahtjeva da angažujemo i naše penzionere, umirovljenike u određene oblasti gdje tamo mogu dati svoj doprinos. Dakle, i s tih strane, ne možemo na jednoj strani tražiti i podržavati to, na drugoj strani kategorično odbijati, ja nisam za to. Pošto je danas sjednica u ovakvom formatu i nisam imala priliku da podnesem inicijativu, ja ću pokušati danas u formatu zaključka da predložim određene stvari ukoliko to Poslovnik dozvoljava, ovo koliko ne, evo ja ću pokrenuti određenu inicijativu i zaključak, i tražiti od kolega da se izjasne iz razloga koji sam već navela, jer ima indicija da smo u proteklom periodu imali i imenovanih ministara koji su u određenom vremenskom periodu prije imenovanja nisu bili u stanju da odgovaraju za postupke krivične presude i za ono već za što su optuženi. Stoga, inicijativu, odnosno zaključak Vladi Kantona Sarajevo podnosim im da članovi Vlade, odnosno ministri, premijer prilikom zasnivanja radnog odnosa dostave Stručnoj službi za zajedničke poslove svu dokumentaciju koju dostavljaju i državni službenici, na primjer lični dokumenti, izjave i ljekarsko uvjerenje. Obrazloženje za to. Zakonom o radno pravnom statusu članova Vlade Kantona Sarajevo, Službene novine Kantona Sarajevo, broj 29/12- Prečišćeni tekst, članom 2. Zakona propisano je "Na prava i obaveze koja se odnosi na radno pravni status članova Vlade koja nisu uređena ovim zakonom primjenjuju se propisi kojima se uređuju prava državnih službenika u organima državne službe u Federaciji, Kantona Sarajevo, kao i opći propisi o radu i kolektivni ugovori". Prema informacijama iz medija koje smo svi imali priliku čuti i vidjeti, ima indicija da je u proteklom periodu u Vladi Kantona Sarajeva bilo imenovanja ministara koji su prije imenovanja proglašeni neuračunljivim, presuđeni za određena krivična djela, ali zbog njihovog zdravstvenog stanja, oslobođeni krivične odgovornosti. Zbog svih potrebnih proteklih dešavanja u Kantona Sarajeva, poštovat ćemo presumpciju nevinosti, ali ovom inicijativom želim da svako ko dobije određeno povjerenje građana i Vlade Kantona Sarajevo pod punom krivičnom i materijalnom odgovornošću odgovara za sve poslove koje obavlja u toku svog mandata. Ne smijemo dozvoliti da nakon prestanka mandata ministra po bilo kojem osnovu nije u stanju odgovarati za počinjena krivična djela ukoliko ih poćini i da to saznamo tek nakon završetka mandata. I evo, molim Skupštinu, ukoliko je to moguće, da se danas izjasnimo, ako ne, ja ću ovo uputiti u redovnu proceduru na narednoj redovnoj sjednici. Zahvaljujem.

Elvedin Okerić (predsjedavajući)

Prije nego što dam zastupnici Jeleni Pekić kratak samo odgovor zastupnici Hodžić u skladu s Poslovnikom možete svoju inicijativu podnijeti prema Kolegiju, pa Kolegij će odlučiti, kako

danas se ne možemo izjašnjavati o toj inicijativi. Hvala vam. Dopredsjedavajuća Jelena Pekić, izvolite, imate riječ.

Jelena Pekić (dopredsjedavajuća)

Zahvaljujem predsjedavajući. Želim također, da se osvrnem vezano na današnje imenovanje ministra kako bismo je li ispunili ustavne odredbe kada je u pitanju sam saziv Vlade i Kantona Sarajevo i nakon, evo današnje, ovaj višesatne diskusije, moram reći da ćemo sa zaista jednog dana dovesti situaciju da nitko neće željeti biti član Vlade i niti biti ministar, bez obzira ovaj ko bude sutra na vlasti, jer onda dođete u situaciju da ako ste mladi, onda nemate iskustva, premladi ste ili ako imate jel određene godine starost, onda vam neko spočitava vaše te godine ili dođete, što je još gore, u situaciju da nakon toliko godina profesionalnog radnog staža neko vam upravo problematizira vaše iskustvo i kompetencije i zaista vjerujem da ćemo vrlo brzo se naći u jednoj takvoj situaciji. I ja ovom prilikom želim da se zahvalim ovom čovjeku što je prihvatio u ovakvim okolnostima, da bude ministar, odnosno da se kandiduje za tu poziciju. Moram isto tako reći da ne postoji nigdje sistematizacija gdje je propisano koji fakultet, koje oblasti, treba da ispunjava jedan ministar. Imali smo, evo, ukoliko se vratimo u neki prethodni period, imali smo različita iskustva po tom pitanju u pogledu završenih fakulteta i struke, pa su se neki ministri koji imaju baš hajde da kažemo jel po ovoj nepisanoj sistematizaciji adekvatan fakultet, pa su uopšte nisu proslavili kao ministri, a isto tako imamo i one ministre koji su možda završili neke fakultete koji nisu direktno vezani za tu djelatnost, ali su napravili vrhunski posao i ostavili neki trag iza sebe u Kantonu Sarajevo. Tako da mislim da ta diskusija vezano za iskustvo ovaj nije nikako na mjestu, pogotovo što se od ministra očekuje prevashodno, da služi narodu i da ima sve one vještine jednog lidera, od emocionalne inteligencije do vještina u organizovanju, rukovođenja itd. Ja lično ne poznajem gospodina Pandurevića. Jedne prilike smo se upoznali na jednom božićnom prijemu i vrlo smo kratko razgovarali. Ali i ono što na čem će se bazirati moja diskusija jeste na osnovu onoga što ja vidim u njegovom CV-u i smatram da njegovo profesionalno iskustvo i dugogodišnji angažman upravo kao pravnika u oblasti ekonomije predstavlja značajnu prednost kada je u pitanju ovaj resor koji zahtjeva u ovom momentu stabilno, odgovorno i efikasno vođenje i to vidim izuzetno kao ogromnu prednost, pogotovo što čovjek, evo, kao što sam rekla, dolazi iz realnog sektora i neko ko zna da očigledno znači zna da vodi i rukovodi preduzećima, što je nama naročito potrebno danas, pogotovo što imamo ovako obiman sektor koji obuhvata, i komunalna poduzeća, i čisto smo imali tu sukoba između ministara i direktora, neslaganja i naprosto nismo imali, bili smo u situaciji da nismo imali zajedničku viziju i nadam se da će na tome ovaj novi ministar jako puno raditi. Samo njegovo iskustvo u Udruženju poslodavaca gdje imao priliku ne samo da bude dio jednog privrednog subjekta, nego da sarađuje sa privrednim subjektima kroz svoj rad, koliko vidim, je doprinio razvoju poslovnog ambijenta u Bosni i Hercegovini i takvo iskustvo mu daje širinu razumijevanja situacije u kojoj se trenutno nalazimo i kako da javna preduzeća učinimo efikasnim, ali i to mu daje snagu da upravlja složenim procesima koje ovaj sektor nosi sa sobom. S obzirom da postoje dvije oblasti koje su meni jako važne i lično, za koje bi zamolila novog ministra da se posebno posveti pažnja, nisam čula da je o tome govorio i premijer ni ministar u svom ekspozeu, ukoliko ste govorili, ja se izvinjavam ako mi je to, ako sam to propustila, tj. Zakon o komunalnoj policiji, koji nam je jako važan, i hitno potreban u Kantonu Sarajevo i Zakon o upravljanju zajedničkim dijelovima zgrade, koji, očigledno je zastario, ne funkcioniše jer imamo jako puno problema i pritužbi građana po tom osnovu. I još, evo za kraj mog izlaganja, samo jedna digresija, da upravo ova diskusija koju smo imali naših kolega iz opozicije vam zapravo treba biti motivacija da pokažete da nisu bili u pravu, jer zaista, bilo je vrlo onako ružnih diskusija o vašem iskustvu i generalno CV-u, koje zaista nisu meni lično, po mom mišljenju, prikladne jer ne odražavaju ono stanje koje sam ja pročitala o vašem CV-u,

tako da, eto, to više shvatite kao neku motivaciju da im pokažete da nisu bili u pravu. Zahvaljujem se.

Elvedin Okerić (predsjedavajući)

Zahvaljujemo se dopredsjedavajuća. Dopredsjedavajući Vibor Handžić. Replika. Zastupnica Mersiha Mehmedagić, replika.

Mersiha Mehmedagić (zastupnica)

Zahvaljujem predsjedavajući. Pozdravljam sve prisutne, kao i građane Kantona Sarajevo koju prate današnje zasjedanje. Repliciram kolegici Pekić u onom dijelu i ujedno joj se i zahvaljujem što je osvijetlila taj dio diskusije opozicije vezano za i percepciju o godinama, o iskustvu, o obrazovanju. Uvijek se kaže onaj ne slušaj šta ti se kaže, nego ko ti kaže. Imam potrebu da ovo dodatno obrazložim zato što upravo te primjedbe najglasnije dolaze od politika koje su iznjedrile jednog Senahida Memića, načelnika, bivšeg načelnika Općine Ilidže, koji ja ne znam da li je imao jednu intervenciju u prostoru, a da on nije bila kompromitovana i s druge strane zakona, zašto mu se, uostalom, i sudi. Pa imamo Tibre koje su sinonim kako ne treba graditi, intervenisati u prostoru i onda se takve politike nađu, uzmu sebi za pravo da kritikuju i da morališu šta treba i kako treba da se radi. A kada su upravljali i onaj odlučivali na takve stvari su žmurili i s druge strane, koje su te iste politike iznjedrile jednog Ibru Berila, koji je devastirao prostor Bjelašnice, samim tim ugrozio i vodosnabdijevanje i onaj, naravno, sada je i pred organima i ispituje ga se, istražuje ga se zato i onda neki takvi govore i sugerišu šta treba da se radi, pa eto, ujedno i kroz ovu repliku i onaj sugestija ministru budućem da pazite od koga vam dolaze kakve sugestije, što se kaže: "Čuvaj se Danajaca i kad darove nose". Hvala.

Elvedin Okerić (predsjedavajući)

Ispravka krivog. Ispravka krivog navoda zastupnik Mahir Dević, jel ostajete pritom pošto ne vidim da ste uključeni?

Hoćete se uključiti ponovo da vam mogu dati riječ? Zastupnik Mahir Dević, ispravka krivog navoda.

Mahir Dević (zastupnik)

Kolegici Jeleni. Ako ste mislili na Klub SDA u smislu profesionalne karijere ministra, da je neko od nas nešto na njegov CV i njegovu biografiju u oblasti njegovog obrazovanja stavljao pod upitnik, ne znam koga ste slušali. Čini mi se da je kolega Zahiragić vrlo jasno i pohvalio obrazovni put kandidata za ministra, ali ako je ovdje postao manir u Skupštini Kantona Sarajevo, da se nekim uličarskim jezikom komuniciram, onda je taj manir ovdje unio NiP, evo vidite, kod prethodne govornice, vidjeli ste maloprije kod predsjedavajućeg, njihov predsjednik je to unio ovdje prije 10 godina. Naravno, mi bismo voljeli da to bude na jednom nivou, ali taj manir uličarskih govora, fraza „fikno tele“, populist, ovo, ono.

Elvedin Okerić (predsjedavajući)

Kolega Dević, oduzet ću vam riječ. Šta vi ispravljate krivi navod?

Mahir Dević (zastupnik)

Ja sam krivi navod ispravio i rekao sam da smo mi podržali profesionalnu..

Elvedin Okerić (predsjedavajući)

Šta vam je krivi navod?

Mahir Dević (zastupnik)

Kolegice je rekla, predsjedavajući,

Elvedin Okerić (predsjedavajući)

Opet zloupotrebljavate mikrofoni, mora ću opet biti prinuđen da vam uzmem riječ...

Mahir Dević (zastupnik)

Ja razumijem da vi imate smanjenu sposobnost...

Elvedin Okerić (predsjedavajući)

Ispravite krivi narod..

Mahir Dević (zastupnik)

...Razmišljanja i mišljenja...

Elvedin Okerić (predsjedavajući)

Ukoliko imate, ukoliko nemate da idemo dalje kolega Dević.

Mahir Dević (zastupnik)

Razumijem da imate smanjenu sposobnost mišljenja i pamćenja, ali sam jasno rekao kolegici.

Elvedin Okerić (predsjedavajući)

Žao mi je, zaista vam moram oduzeti riječ. Zastupnik Rusmir Pobrić javio se za riječ. Izvolite.

Mersiha Mehmedagić (zastupnica)

Poslovnička intervencija. Ja vas predsjedavajući zaista molim, ako mogu da dobijem, dobila sam riječ, hvala. Znači, kolega upravo iznosi zaista uvredljive kvalifikacije na račun...

Elvedin Okerić (predsjedavajući)

Poslovnička intervencija zastupnica Mehmedagić.

Mersiha Mehmedagić (zastupnica)

Molim vas znači da se ovaj način ophođenja kolege, da je neko sa umanjnim sposobnostima, da ne zna šta priča, da neko govori uličarski, da se automatski proslijedi nakon izrade stenograma Etičkoj komisiji, zato što nije prvi put kad kolega nema argument da posegne za vrijeđanjem, pa vas molim da se i ovo procesuiraju današnje.

Elvedin Okerić (predsjedavajući)

Kolega Dević je kandidat za plaketu Kantona Sarajevo, najvećeg populiste i destruktivca. Vjerojatno ćemo možda nekada i to u ovim priznanjima Kantona Sarajevo uvesti. Zastupnik Rusmir Pobrić. Izvolite, imate riječ.

Rusmir Pobrić (zastupnik)

Jel mogu ja početi, predsjedavajući? Hvala vam. Opet sam se prevario. Na prošloj sjednici sam, nako bio obradovan s obzirom da su predstavnici opozicije branili životom neke dobre politike trojke, pa sam najavljuvao jedno praskozorje nove parlamentarne kulture, međutim ova sjednica je apsolutno me demantovala i evo, nije mi drago što nisam bio u pravu. Nismo dugo imali ozbiljnije izlaganje nekog od kandidata kao što je to danas učinio gospodin Mladen Pandurević i ja mu se, evo, i kao zastupnik zahvaljujem za jednom zaista detaljnom detaljnom eksponatu koji je tretirao i ključne prioritete, samim tim i probleme s kojim se suočavamo u Kantonu Sarajevo. Upravo stoga, zbog ovako ozbiljnog pristupa i učtivog pristupa i prema opoziciji, čovjek koji je najavio otvorena vrata i opoziciji i njihovim idejama nije zaslužio ni ovakve diskusije koje su došle iz opozicije, niti je zaslužio kao ozbiljan čovjek sa dugogodišnjom karijerom, o kojem ne govori samo njegov CV, nego i nastup i u zadnje dvije, tri decenije na televiziji, građani su ga mogli upoznat kao jednog zagovarača, da kažem ozbiljne poslovne

zajednice, nije zaslužio da gleda ovu predstavu, ni lupkanje olovkama, ni kvalifikacije koji su izrečene. Još ću samo kratko jednu stvar reći. Na prošloj sjednici je također sve bilo omalovažavano, dakle, svaka tačka jel se koristi i kao prilika da kaže da je sve uništeno, da se kaže jel od strane opozicije, da je sve uništeno, da ništa ne valja, da je ovo zona sumraka itd. Naveo sam tad broj noćenja turista koji je zadnjoj dekadi ili manje od nje porastao sa 500 000 noćenja na 1.500.000. A sad ću vam navest samo dakle, ovaj podatak; broj zaposlenih koji je od 2017. decembra do decembra 2024. je narastao za 20 000. To govorimo o trendu razvoja, ukupnom ambijentu poslovanja i povećanja broja zaposlenosti. Samo to. Za 20 000. I pored onog prekida sa Vladom "Petak, 13." i pored pandemije itd. Toliko. Hvala vam.

Elvedin Okerić (predsjedavajući)

Zahvaljujemo se zastupniku Pobriću. Dopredsjedavajući Vibor Handžić se javio za riječ.

Vibor Handžić (dopredsjedavajući)

Zahvaljujem predsjedavajući, dobar dan svima pošto se javljam prvi put danas. Ja ću zaista imati jedno vrlo kratko izlaganje. Da li je na neki način napravljena greška fuzioniranjem dva Ministarstva komunalne privrede i prostornog uređenja, s ovog vremenskog otklona, vjerovatno da jeste. Da li je ovaj resor u Vladi Kantona Sarajevo sektorski najkompleksniji? Da li je to vjerovatno najteži ministarstvo u Vladi Kantona Sarajevo? I to je tačno da jeste. Da li vi, gospodine Pandureviću, u ovaj resor dolazite, u ovaj teški i najteži resor u Vladi Kantona Sarajevo dolazite u jednom izazovnom trenutku, i to je tačno da jeste. Da li ste vi svjesni svega ovoga o čega sam ja govorio uzimajući vaš CV i s obzirom da ste vi iskusan čovjek i u životnom i u karijernom smislu, i iz svega onoga što ste rekli u vašem uvodnom izlaganju u ovom kratkom vremenskom periodu, koliko ste imali da se pripremite, i to je meni iz vašeg izlaganja i ponašanja jasno da apsolutno jeste i ja ovom prilikom zaista i ohrabrujem i pozdravljam vašu težnju i nakanu da dođete u Vladu Kantona Sarajevo i ponudite svoje znanje i doprinesete što njenom boljem radu i želim vam puno sreće u vašem budućem radu. I hoću samo da kažem u ime Kluba zastupnika Naše stranke da ćemo mi, naravno, vaše imenovanje podržati. Zahvaljujem.

Elvedin Okerić (predsjedavajući)

Zaključujem raspravu. Zamolio bih zastupnike da se vrate na svoja mjesta.

U skladu sa članom 94. Poslovnika Skupštine Kantona Sarajevo predlažem da se u ovoj tački odmah izjasnimo.

Molim zastupnike da se izjasne da li su saglasni da se izjašnjavanje po ovoj tački provede odmah?

Zaključujem glasanje. Za je glasalo 20 zastupnika, protiv 2, suzdržanih ništa. Konstatujem da je Skupština prihvatila da se izjašnjavanje po ovoj tački provede odmah.

Molim zastupnike da pristupe izjašnjavanju o Prijedlogu odluke o potvrđivanju imenovanja ministra komunalne privrede, infrastrukture i prostornog uređenja, građenja i zaštite okoliša Kantona Sarajevo.

Zaključujem glasanje. Za je glasalo 18 zastupnika, protiv 4, suzdržana 2. Konstatujem da je Skupština donijela ovu odluku.

Prije stupanja na dužnost ministri daju svečanu izjavu. Molim gospodina Mladena Pandurevića da pristupi davanju svečane izjave.

Elvedin Okerić (predsjedavajući)

Svečano izjavljujem.

Mladen Pandurević (ministar)

Svečano izjavljujem

Elvedin Okerić (predsjedavajući)

Da ću povjerenu dužnost obavljati savjesno.

Mladen Pandurević (ministar)

Da ću povjerenu dužnost obavljati savjesno.

Elvedin Okerić (predsjedavajući)

Pridržavati se Ustava i zakona Bosne i Hercegovine.

Mladen Pandurević (ministar)

Pridržavati se Ustava i zakona Bosne i Hercegovine.

Elvedin Okerić (predsjedavajući)

Federacije Bosne i Hercegovine.

Mladen Pandurević (ministar)

Federacije Bosne i Hercegovine

Elvedin Okerić (predsjedavajući)

i Kantona Sarajevo.

Mladen Pandurević (ministar)

I Kantona Sarajevo.

Elvedin Okerić (predsjedavajući)

Zalagati se za ljudska prava i slobode.

Mladen Pandurević (ministar)

Zalagati se za ljudska prava i slobode.

Elvedin Okerić (predsjedavajući)

I da ću u svim prilikama štiti interese Bosne i Hercegovine.

Mladen Pandurević (ministar)

I da ću u svim prilikama štiti interese Bosne i Hercegovine.

Elvedin Okerić (predsjedavajući)

Federacije Bosne i Hercegovine.

Mladen Pandurević (ministar)

Federacije Bosne i Hercegovine

Elvedin Okerić (predsjedavajući)

i Kantona Sarajevo.

Mladen Pandurević (ministar)

i Kantona Sarajevo.

Elvedin Okerić (predsjedavajući)

i ravnopravnost naroda i građana koji u njima žive.

Mladen Pandurević (ministar)

I ravnopravnost naroda i građana koji u njima žive.

Elvedin Okerić (predsjedavajući)

U svoje lično ime i u ime Skupštine Kantona Sarajevo želim vam puno sreće i želim vam čestitati preuzetu dužnost.

Mladen Pandurević (ministar)

Hvala vam na izboru. Nisam te kritike pod navodnim znancima shvatio nimalo lično, čak neke su s pravom one postavljene. Naime, ja imam veliko iskustvo firme koje projekti koje sam ja vodio su izgradile kilometre infrastrukture, kako dalekovodnih stubova, tako kanalizacione i vodovodne strukture, 2 škole, 4, 5 privrednih objekata, upravni postupak, 4 vrste upravnih postupaka se vode unutar ovog ministarstva, dalje je novoformirano odeljenje za one geodetske imovinsko-pravne odnose da se konačno inovira Kanton, popiše i da se zna šta je u vlasništvu. Sve su to stvari na kojim sam radio, na zelenoj energiji. Dalje, na dva kantonalna Zakona o komunalnoj privredi, najbrojnija grupacija unutar Udruženja poslodavaca je bila grupacija komunalne privrede. Rješavali smo njihove probleme. Na studijsko putovanje išao u rješavanje zbrinjavanja otpada u Ljubljani, posjetio u Austriji otpad na koji ne vidiš da si uopšte na otpadu i energiju koja tu radi, tako da ja se izvinjavam što nisam to sve mogao da napišem u CV, ali džaba što ja ovo vama pričam, a ako ja to ne pokažem u poslu. Džaba šta je napisano. (aplauz)

Elvedin Okerić (predsjedavajući)

Hvala vam još jednom.

Predlažem da pređemo na tačku dva.

AD-2.

Prijedlozi odluka o verifikaciji odluka o dodjeli javnih priznanja Kantona Sarajevo

I da kasnije napravimo pauzu, jednu, a onda nastavimo sa nastavkom sjednice.

Odbor za javna priznanja Kantona Sarajevo na sjednici održanoj 03.03.2025. godine utvrdio je tekst Javnog poziva za dodjelu priznanja Kantona Sarajevo za 2024.g., koji je bio objavljen isti dan na zvaničnoj web stranici Skupštine Kantona Sarajevo i na svim društvenim mrežama Kantona Sarajevo, te oglašavan pred centralnu informativnu emisiju TVSA u trajanju od 15 dana.

Nakon zatvaranja javnog poziva, Odbor je na sjednici održanoj 03.04.2025.godine, razmatrao pristigle prijave na Javni poziv za dodjelu priznanja Kantona Sarajevo za 2024.godine, te u skladu sa članom 6. Zakona o javnim priznanjima Kantona Sarajevo i Poslovníkom o radu Odbora, odluke o dodjeli javnih priznanja sa obrazloženjima (biografijama) dostavio Skupštini Kantona Sarajevo na verifikaciju.

Odbor za javna priznanja Kantona Sarajevo je i ove godine iskazao opredjeljenje da se promovišu uspješni i društveno - odgovorni pojedinci i kolektivi, kao i oni koji su se zalagali ili zalažu za unapređenje cjelokupnog sistema i procesa u našem društvu, razvoja dijaloga i procesa pomirenja, te za promociju Kantona Sarajevo i države Bosne i Hercegovine, kao i naroda koji u njoj žive.

Otvaram raspravu. Ukoliko zastupnik Rusmir Pobrić jeste li vi se javili? Slučajno ste. S obzirom? Isključite se.

S obzirom da nema prijavljenih, zaključujem raspravu.

U skladu sa članom 94. Poslovnika Skupštine Kantona Sarajevo predlažem da se u ovoj tački odmah izjasnimo. Zamolio bih zastupnike da se izjasne. Zaključujem glasanje, Za je glasalo 19 zastupnika, protiv 2, suzdržanih ništa. Konstatujem da je Skupština prihvatila da se izjašnjavanje po ovoj tački provede odmah.

a)

Molim zastupnike da pristupi izjašnjavanju o Prijedlogu odluke o verifikaciji Odluke o proglašenju počasnog građanina Kantona Sarajevo. Molim zastupnike da pristupe izjašnjavanju o Prijedlogu odluke o verifikaciji Odluke o proglašenju Počasnog građanina Kantona Sarajevo, Dr. Mohammedu bin Abdulkarim Al-Issa.

Zaključujem glasanje. Za je glasalo 19 zastupnika, protiv ništa, suzdržana 3. Konstatujem da je Skupština usvojila ovu odluku.

b)

Molim zastupnike da pristupi izjašnjavanju o Prijedlogu Odluke o verifikaciji Odluke o dodjeli Plakete Kantona Sarajevo Amelu Kapi.

Zaključujem glasanje. Za je glasao 21 zastupnik, protiv ništa, suzdržan 1. Konstatujem da je Skupština prihvatila, ustvari usvojila ovu odluku.

c)

Molim zastupnike da pristupe izjašnjavanju o Prijedlogu Odluke o verifikaciji Odluke o dodjeli Plakete Kantona Sarajevo Tijani Vignjević.

Zaključujem glasanje. Za je glasalo 21 zastupnik, protiv ništa, suzdržan 1. Konstatujem da je Skupština usvojila ovu odluku.

d)

Molim zastupnike da pristupi izjašnjavanju o Prijedlogu odluke o verifikaciji Odluke o dodjeli Plakete Kantona Sarajevo Slobodanu Blagojeviću.

Zaključujem glasanje. Za je glasalo 19 zastupnika, protiv ništa, suzdržana 3. Konstatujem da je Skupština usvojila ovu odluku.

e)

Molim zastupnike da pristupe izjašnjavanju o Prijedlogu Odluke o verifikaciji Odluke o dodjeli Plakete Kantona Sarajevo Gorskoj službi spasavanja Kantona Sarajevo.

Zaključujem glasanje. Za je glasalo 19 zastupnika, protiv ništa, suzdržana 4. Konstatujem da je Skupština usvojila ovu odluku.

f)

Molim zastupnike da pristupe izjašnjavanju o Prijedlogu Odluke o verifikaciji Odluke o dodjeli Plakete Kantona Sarajevo Udruženju hitnih medicinskih tehničara Federacije Bosne i Hercegovine.

Zaključujem glasanje. Za glasalo 20 zastupnika, protiv ništa, suzdržana 2. Konstatujem da je Skupština usvojila ovu odluku.

g)

Molim zastupnike da pristupe izjašnjavanju o Prijedlogu odluke o verifikaciji Odluke o dodjeli Plakete Kantona Sarajevo Kulturno-umjetničkom društvu „Bašćaršija“.

Zaključujem glasanje. Za je glasalo 19 zastupnika, protiv ništa suzdržana 3. Konstatujem da je Skupština usvojila ovu odluku.

h)

Molim zastupnike da pristupe izjašnjavanju o Prijedlogu odluke o verifikaciji Odluke o dodjeli Plakete Kantona Sarajevo Kolektivu najdugovječnije predstave Kamernog teatra 55 u Sarajevu „Umri muški“.

Zaključujem glasanje. Za je glasalo 19 zastupnika, protiv ništa, suzdržano 2. Konstatujem da je Skupština usvojila ovu odluku.

i)

Molim zastupnike da pristupe izjašnjavanju o Prijedlogu odluke o verifikaciji Odluke o dodjeli Plakete Kantona Sarajevo Udruženju „Generacija“.

Zaključujem glasanje. Za je glasalo 19 zastupnika, protiv ništa, suzdržana 4. Konstatujem da je Skupština usvojila ovu odluku.

j)

Molim zastupnike da pristupe izjašnjavanju o Prijedlogu odluke o verifikaciji Odluke o dodjeli Plakete Kantona Sarajevo Kulturno-umjetničkom društvu „Lola“ Sarajevo.

Zaključujem glasanje. Za je glasalo 19 zastupnika, protiv ništa, suzdržan 1. Konstatujem da je Skupština usvojila ovu odluku.

k)

Molim zastupnike da pristupe izjašnjavanju o Prijedlogu odluke o verifikaciji Odluke o dodjeli Plakete Kantona Sarajevo JU Sarajevska filharmonija.

Zaključujem glasanje. Za je glasalo 21 zastupnik, protiv ništa, suzdržana 2. Konstatujem da je Skupština usvojila ovu odluku.

l)

Molim zastupnike da pristupe izjašnjavanju o Prijedlogu odluke o dodjeli Plakete Kantona Sarajevo posthumno gospodinu Francis Boyle.

Zaključujem glasanje. Za je glasalo 23 zastupnika, protiv ništa, suzdržanih ništa. Konstatujem da je Skupština usvojila ovu odluku.

m)

Molim zastupnike da pristupe izjašnjavanju o Prijedlogu odluke o verifikaciji Odluke o dodjeli Plakete Kantona Sarajevo posthumno Marku Vešoviću.

Možete li samo promijeniti tekst u trenutnom izjašnjavanju da napišete posthumno dodjela plakete Marku Vešoviću. A sljedeća je Profesoru doktoru Enesu Durakoviću.

Zamolio bih službu da promijeni tekst izjašnjenja. Opet ste pogriješili Marko Vešović.

Zamolio bih zastupnike da se izjasne o Prijedlogu odluke o verifikaciji Odluke o dodjeli Plakete Kantona Sarajevo posthumno Marku Vešoviću.

Zaključujem glasanje. Za je glasalo 23 zastupnika, protiv i suzdržanih nije bilo. Konstatujem da je Skupština usvojila ovu odluku.

n)

Molim zastupnike da pristupe izjašnjavanju o Prijedlog Odluke o verifikaciji Odluke o dodjeli Plakete Kantona Sarajevo posthumno Prof. dr. Enesu Durakoviću.

Nisam razumio kolega Bandiću, sada ćemo na pauzi.

Zaključujem glasanje. Za je glasalo 20 zastupnika, protiv ništa, suzdržanih ništa. Konstatujem da je Skupština usvojila ovu odluku.

o)

Molim zastupnike da pristupe izjašnjavanju o Prijedlogu Odluke o verifikaciji Odluke o dodjeli Plakete Kantona Sarajevo posthumno gospodinu Alexander Langer.

Zaključujem glasanje. Za glasalo 21 zastupnik, protiv i suzdržanih nije bilo. Konstatujem da je Skupština usvojila ovu odluku.

Tačka tri, također je vezana za tačku dva.

AD-3.

Prijedlog Programa obilježavanja Dana Kantona Sarajevo od 02.05. do 09.05.2025. godine

Materijal je dostupan na službenoj stranici Skupštine Kantona Sarajevo. Ima li potrebe da nam predstavnik predlagača podnese uvodne napomene? Nema. Otvaram raspravu, zaključujem raspravu.

U skladu sa članom 94. Poslovnika Skupštine Kantona Sarajevo, predlažem da se o ovoj tački odmah izjasnimo. Molim zastupnike da se izjasne da li su saglasni da se izjašnjenje po ovoj tački provede odmah?

Zaključujem glasanje. Za je glasalo 22 zastupnika, protiv ništa, suzdržanih ništa. Konstatujem da je Skupština prihvatila prijedlog da se u ovoj tački izjasnimo odmah.

Molim zastupnike da pristupe izjašnjavanju o Prijedlogu Programa obilježavanja Dana Kantona Sarajevo od 02. Do 09.05. 2025. godine.

Zaključujem glasanje. Za glasalo 20 zastupnika, protiv ništa, suzdržana 2. Konstatujem da je Skupština potvrdila Program obilježavanja Dana Kantona Sarajevo od 02. do 09.05.2025. godine.

I još nam je ostala tačka četiri.

AD-4.

Prijedlog odluke o davanju saglasnosti za zasnivanje hipoteke na nekretnini

Materijal je dostupan na službenoj stranici Skupštine Kantona Sarajevo. Ima li potrebe da nam predstavnik predlagača podnese uvodne napomene?

Poslovnička intervencija, zastupnik Muamer Bandić.

Muamer Bandić (zastupnik)

Predsjedavajući, tražim pauzu da možemo da obavimo neke svoje potrebe, a i pauzu za ručak, ujedno ukoliko možemo iskoristimo.

Elvedin Okerić (predsjedavajući)

Predlažem pauzu od sat i po i zamolio bih Skupštinu da se izjasni o prijedlogu.

Muamer Bandić (zastupnik)

Zahvaljujem.

Elvedin Okerić (predsjedavajući)

Zaključujem glasanje. Za je glasalo 22 zastupnika, protiv i suzdržanih nije bilo. Konstatujem da je Skupština donijela ovu odluku, odnosno, pauza sat i po vremena. Hvala.

NASTAVAK NAKON PAUZE

Elvedin Okerić (predsjedavajući)

Nastavljamo sa sjednicom Skupštine Kantona Sarajevo.

Sljedeća tačka je

AD-4.

Prijedlog odluke o davanju saglasnosti za zasnivanje hipoteke na nekretnini

Materijal je dostupan na službenoj stranici Skupštine Kantona Sarajevo. Ima li potrebe da predstavnik predlagača podnese uvodne napomene? Ima. Dobro.

Zamolio bih uvaženog direktora v.d. direktora, gospodina Šeraka da nam podnese kratko uvodne napomene. Izvolite, imate riječ.

Adnan Šerak (v.d. direktor KJKP ViK Sarajevo)

Poštovani predsjedavajući, dopredsjedavajući, zastupnice i zastupnici, selam alejkum i dobar dan. Kao prvo, želio bih vam se zahvaliti što ste uopšte pristali da raspravljate u ovoj problematici koja je zadesila naše preduzeće i nastojat ću biti što precizniji, što kraći, onoliko koliko može u ovoj komplikovanoj, komplikovanom problemu koji nam se desio. Znači, naime, radi se, dug je nastao u periodu od 1997. godine do 2001 godine kada je odlukom direktora Porezne uprave ViK postupao tako što nije, što nije plaćao porez na nenaplaćene račune, jel u to doba je bila velika migracija ljudi u Sarajevu i nisu se poklapali imena stanara sa ovim nosiocima, kako je ViK imao bazu sa nosiocima stanarskog prava, tako da je veliki broj računa nije bio plaćan, što je izazivalo velike probleme finansijske ViK-u. Prema izvještaju Porezne uprave, tada se dug nakupio u tom periodu nešto više od 2,2 miliona maraka. 2007 godine ovaj slučaj, tako da ga nazovemo, je došao do sudskog proces gdje je sud od 2007 godine do ove 2024 godine 3 puta donosio odluku u korist ViK-a i vraćao Poreznoj upravi ne preispitivanja, čak je četvrti put donio Odluku da je zastarilo. Porezna uprava je to potpuno ignorisala i 2024. godine u martu mjesecu se ponovo došla na preispitivanje i donijela, to ću vam tačno reći, znači 28. 03 godine je dostavljen odgovor da neće, izvinite samo, u šestom mjesecu '24 godine Porezna je po četvrti put izvršila kontrolu, donijela zapisnik bez da je donijela rješenje, čime je prekršila Zakon o Upravnom postupku. 27. 9. 2024 godine zaprimili smo nalog za plaćanje porezne obveze na koji smo uputili prigovor, odnosno objašnjenje o pogrešnom obračunu poreza. Rješenje je ponovo došlo 10.03.2025 godine, gdje oni pokreću prinudnu naplatu, na što smo odmah uložili žalbu, a poslije toga odmah 28.3. je došla dostavljen odgovor Porezne uprave da neće odgoditi provođenje prinudne naplate. To je dan pred vikend, dan pred praznike, da bi 1. 4. odmah nakon praznika bio blokiran račun. Mi smo pokrenuli odmah sa Vladom Kantona Sarajevo pregovore kada je dodijeljena i garancija od strane Vlade Kantona Sarajevo, i to Porezna uprava nije uvažila, ali su tražili cijelo vrijeme da se da bankovna garancija, što nije bilo moguće obzirom da je naš račun bio blokiran. Mi tada smo mi tada su nam je li i rekli da je potrebno da damo jedan dio imovine pod hipoteku koji će biti u vrijednosti duga sa zateznim kamatama, to je 11 000 000, nešto više od 11, 11,5 miliona +10 %. Ono što je dobro u svemu, ovome, ako možemo reći išta dobro, da je dogovoreno sa Poreznom upravom da zatečeni novac i novac koji je pristigao u posljednjih 15 dana neće biti povučen sa računa ViK-a, tzn. onog trenutka kada bude deblokiran račun da će ostati na

raspolaganju ViK-a. Šta je cilj? Cilj je sljedeći: da mi dobijemo sporazum sa davanjem dijela imovine pod hipoteku na odgođeno plaćanje od 6 mjeseci, u tom periodu 6 mjeseci, očekujemo primjenu Zakona o otpisu zateznih kamata, gdje bi ponovili, obnovili sporazum i sa novim sporazumom išli sa otplatom, otpisom kamata i otplatom duga od 2.200 000. Naravno, mi iščekujemo sudski ishod, da ćemo na kraju biti pozitivan po pitanju ViK-a i da će se taj novac na kraju vratiti Vodovodu i kanalizaciji. Hitnom sjednicom uprava je donijela prijedlog prema Nadzornom odboru, Nadzorni odbor je također prihvatio prijedlog uprave da se dio imovine da pod, prijedlog da se da pod hipoteku što smo poslali prema Vladi Kantona Sarajevo i došlo je, evo kod vas na izjašnjenje. Evo, ja vas još jednom apeliram da nam odobrite davanje imovine pod hipoteku, da bi odgodili 6 mjeseci blokadu računa i dobili vrijeme da potpišemo konačno, nakon 20 i nešto godina, sporazum o otplati duga koji ima sudski proces, kako sam i naveo, i nadamo se da će biti u korist ViK-a. Hvala.

Elvedin Okerić (predsjedavajući)

Zahvaljujemo se v.d. direktoru Šeraku. Otvaram raspravu. S obzirom da se niko nije javio za raspravu.

Zastupnik Muamer Bandić, brzi ste kolega Bandiću, brzi ste, brzi ste. Izvolite, imate riječ.

Muamer Bandić (zastupnik)

Zamolio bih vas da mi vratite vrijeme pošto je ovo jako zanimljiva tačka za nas i za građane. Oduzeli ste mi 20 sekundi, kolega Okeriću zato što ste se šalili na tački koja je vrlo ozbiljna. Zahvaljujem se. Ovako. Prvo, direktor nam je objasnio samu proceduru između Porezne uprave i između Javnog komunalnog preduzeća Vodovod i kanalizacije, a onda nam je taj proces preusmjerio na njihov postupak, prvo, vjerovatno sa Ministarstvom financija, pretpostavljam, kao drugostepenim organom, a onda i sa Kantonalnim sudom koji rješava ove upravne stvari. Ja imam 50 ovakvih slučajeva, i uvijek vam Porezna uprava dobije ove, u konačnici sud, zauzme stav da neće u materijalnom dijelu da rješava ove situacije, već ih vrati ponovno na postupak ukoliko se radi o proceduralnim greškama, dakle procesnim nedostacima, i onda u principu ovaj uvijek Porezna uprava ispravi svoj neki procesni nedostatak ukoliko i sam sud utvrdi da se radi u procesnim nedostacima, tako da ne treba se previše uzdat u tu opciju da će vam sud u konačnici dosuditi ovu pravnu stvar u vašu korist. Činjenica je sad ne znam da li ste tražili, jer imate mogućnost i privremenu mjerom da reagujete, niste nam rekli da li ste reagovali privremenom mjerom i da li je u konačnici sud prihvatio privremenu mjeru. Ukoliko je sud prihvatio privremenu mjeru, onda je Ministarstvo financija moralo, odnosno imalo je obavezu da u konačnici obustavi vašu ovu prinudnu naplatu. Eto, u ovom dijelu smo, dakle, ostali uskraćeni za ovu informaciju. Ono što je bitno jeste da smo mi svi ovdje opredijeljeni zaista da ovo Javno komunalno preduzeće treba da funkcioniše i treba da ostvari svoju svrhu, a samim tim, dakle, njegova ključna svrha jeste isporuka, odnosno vodosnabdijevanje građana i odvodnja otpadnih voda. I u tom kontekstu, dakle, svi zaposlenici koji su trenutno jel u radnom odnosu u tom Javnom preduzeću naravno, trebaju da dobivaju platu, evo i mi svi ovdje, iako ne održavamo sjednice, čekamo mi tu platu da je dobijemo, tako da ne bi bilo korektno ni sa naše strane da se ne omogući tim ljudima da dobiju platu, odnosno lični dohodak. Sada se postavlja pitanje zaista jedan ogroman broj ljudi u ovom Javnom komunalnom preduzeću ne radi ništa, prima platu, a to je možda za neku drugu raspravu i ja sada u ovaj dio neću ulaziti. Ali ono što jeste bitno da sam ja dobio informaciju da su već ustvari neki koncesionari dolazili na Bačevo dole, da oni provjeravaju ustvari isplativost da li putem Zakona o javno privatnom partnerstvu oni mogu, dakle, da na neku od osnova koje im taj Zakon omogućava dobiju koncesiju. Sad, naravno, ja ne znam koliko je ta informacija tačna, ali sasvim je sigurno da ćemo u narednom periodu mi imati provjerenu ovu informaciju. Dakle, kada govorimo da je Porezna uprava Federacije blokirala račun Javnog komunalnog preduzeća Vodovod i

kanalizacija zbog milionskog duga prema toj federalnoj upravi, ovaj potez dodatno produbljuje krizu jednom od najvažnijih preduzeća za funkcionisanje života u Kantonu Sarajevo. Preduzeće koje je već ranije pokazalo visok stepen tehničke, a i finansijske neodrživosti, sada je dovedeno u situaciju da ne može servisirati čak ni najosnovnije obaveze zato što im je račun blokiran. Mi kao zastupnici zaista bi trebali da se zapitamo i da podvučemo crtu, da stalne ne prebacujemo odgovornost na neke ranije uprave, dakle, trenutno u ovoj fazi i ovoj upravi se desila blokada računa i mi to kao činjenicu trebamo da prihvatimo i da se naspram te činjenice odredimo. Dakle, nije riječ samo o blokadi računa, riječ je o kulminaciji višegodišnje loše politike upravljanja, odsustva odgovornosti i namjernog ignorisanja ozbiljnih upozorenja u gubicima vode u mreži koji su iznosili 70 % prilikom, dakle, zaduženja Kantona Sarajevo, a u korist ovog Javnog komunalnog preduzeća. Podsjetit ću vas da je razlog za zaduženje bilo sanacija vodovodne mreže jer je u tom momentu, dakle, gubitak u toj vodovodnoj mreži iznosio nekih 70 procenata. Sada kada je ovaj kredit skoro pa u potpunosti realizovan, imamo gubitak u mreži povećan na 73 procenta. Zaista moramo podvući crtu i da vidimo na koji način su ova sredstva u konačnici utrošena. Ko je odgovoran za tako loše poslovanje? Ja smatram da ovdje veliku odgovornost snosi predsjedavajući Okerić, a reći ću vam iz kojih razloga. Dakle, nije smiješno reći ću, evo iz kojih razloga. Kolega Okeriću, ja smatram da vi ne trebate omogućavati ovom javnom komunalnom preduzeću da njihov izvještaj ne dođu na vrijeme i u tom kontekstu govorim, u tom kontekstu. Dakle, vi ste ipak predsjedavajući i izvještaj javnog komunalnog preduzeća će biti nagrađeni za gubitak u poslovanju svake godine i kada ne dođe taj izvještaj na vrijeme, pa vi svakako imate mogućnost zakonski osnov nije obaveza da se smijeni uprava, možete ih smijeniti, možete ih smijeniti, a ne morate, ali bar imate mogućnost na neki način da pozitivno utičete na njihove, evo da kažem aktivnosti, da ne dovedemo se u situaciju koju smo se sada doveli. Dakle, da praktično evo račun jednog javnog komunalnog poduzeća koje je možda od egzistencijalne važnosti u Kantonu Sarajevo blokirani. I da, sada smo dovedeni pred svršen čin. Praktično mi nemamo drugog izbora, ovo se mora njima dozvoliti, inače, jel ti radnici neće primiti platu. Ali evo da, mislim mora pozicija to uraditi. Tako je. Dobro. Dakle, mi umjesto sanacije ove vodovodne režije mi imamo jednu stagnaciju, a kad postavimo sad pitanje ko je odgovoran za to, znate, onda će se početi prebacivati, ne znam odgovornost na neke ranije uprave itd. Ali šta mi radimo po pitanju uprave koja u ovom momentu je u situaciji da ne može da isporuči, da isplati lični dohodak zaposlenicima ovog Javnog komunalnog poduzeća. Šta radimo? Mi omogućavamo određenu vrstu pravnog posla koji će odblokirati ovaj račun na štetu koga? Na štetu građana. Vidite, u narednom periodu sam sasvim siguran da će doći do poskupljenja vodosnabdijevanja, iz kojeg razloga? Svi kažu da nije došlo do poskupljenja, odnosno promjena tarife od 2013 godine, u konačnici građani plaćaju da ovaj EBRD kredit, njima je praktično kroz vraćanje ovog kredita poskupljenje vode je već isporučeno. Ali, naravno, to neće niko od nas da prizna, pogotovo neće to uraditi pozicija, zato što čuvaju sada svoje direktore. Uopšte nije bitno ko je u prethodnom periodu stvorio ovaj dug, bitno je sledeće; šta ćemo mi uraditi ukoliko se pojavi neka slična situacija, za godinu dana po nekom drugom osnovu? Ponovo ćemo dati neku imovinu pod hipoteku. Za imovinu Kantona Sarajevo i njegovih javnih poduzeća odgovorno je ovo tijelo, Skupština i zastupnici. Mi moramo imati, dakle, efektivnu odgovornost. U konačnici, dakle, mi dajemo podršku za izvještaje o poslovanju ovih javnih preduzeća i na taj način možemo njihov rad ili nagraditi ili sankcionisati. Ukoliko na ovaj način budemo nagrađivali njihov nerad to će se fakturirati građanima na način da će dobiti poskupljenje vode, a da u konačnici od tog poskupljenja vode neće građani imati ništa, nikakvu korist, jer 25.000.000,00 EUR, 50 000 000 maraka praktično potrošeno a da, nije se napravio nikakav pomak u pozitivnom smislu u kontekstu rekonstruiranja te vodovodne mreže. Zaista je suludo da neko dobije 50 000 000 maraka da napravi rekonstrukciju vodovodne mreže, a da pritom se nakon realizacije taj gubitak poveća. Ja sam razgovarao sa određenim stručnjacima iz ove oblasti, naravno vi ima tu uvijek tamo

neki stručnjake koji u stvari želi da se ovo Javno komunalno preduzeće dovede u neku situaciju kako bi koncesori mogli da dođu i da na kraju zauzmu ovo javno dobro i da na kraju ustvari građani ne pitaju koliko će biti cijena vode, nego će to određivati ti koncesionari. Ja sam sa njima razgovarao, oni su meni rekli da je postojao vrlo ozbiljan sanacioni plan, taj plan je bio sistemski se morao rješavati, međutim uprave koje su dolazile, neću govoriti samo ova uprava, one su jednostavno zanemarile taj plan, one su te ljude, stručnjake, dakle, potpuno sklonili, doveli su neke druge i rješavali su, dakle, sanaciju vodovodne mreže po pozivu; ako ga neki načelnik zovne ili neko ko ima utjecaja oni su to rješavali na taj način, a u principu taj sistemski pristup koji je bio ustvari planiran kroz taj akt koji su oni izradili je potpuno zanemaren. Imamo situaciju sada kakvu imamo. Čak ja imam informacije da u realizaciju ovog kredita plaćaju se određena vrsta penala, a to treba da dobijem, da niko za to ne odgovara. Za više od više desetina hiljada maraka, pa možda čak i stotina hiljada maraka zbog neažurnog plaćanja, odnosno realizacije dospjelih obaveza, neka osoba koja je tamo na neki način neodgovorna sve to plaća Vodovod i kanalizacija na način da se od tog EBRD kredita penali plaćaju, a u konačnici sve to plaćaju građani Kantona Sarajevo. Ovakav pristup zaista moramo zaustaviti, da li to na ovoj sada sjednici ili na ovom zahtjev koji imamo od ViK-a ili na nekom drugom, ali to moramo uraditi, inače, mi ćemo ovo Javno komunalno poduzeće dovesti do potpunog kolapsa ako ga već ova uprava i prethodne uprave nisu dovele do kolapsa. Zahvaljujem.

Elvedin Okerić (predsjedavajući)

Kratka replika kolegi Bandiću. Obično kada ste neinformisani ili nemate znanje kako da prokomentarišete, prodiskutujete određene teme, onda detektujete predsjedavajućeg Skupštine za krivca, za ono u što pričate i govorite. Ali evo, ja sam se navikao više na to i naravno, očekujem da i u narednim diskusijama i tačkama me prozivate kako sam ja opet glavni krivac i za procedure, i za Poslovnik, i za ViK i za sve druge probleme u Kantonu Sarajevo. Možda preuveličavate moju ulogu u svemu tome, kolega Bandiću, međutim, da vam još nešto kažem, ne zakazuje sam predsjedavajući dnevni red već to zakazuje Kollegij Skupštine na kojem vi niste, ne dolazite ili rijetko dođete, zakazuje dnevni red sjednice Skupštine Kantona Sarajevo. Zatim, Izvještaj o radu ViK-a je ova Skupština razmatrala i nemojte iznositi, evo hajde da kažem, netačne podatke, možda ste slučajno zaboravili. Skupština je razmatrala taj izvještaj, treba da se izjasnimo o njemu i nema niti jedan više izvještaj u materijalima u službi niti na stranici Skupštine Kantona Sarajevo, bilo kakav materijal koji je izvještaj o ViK-u znači. Skupština je razmatrala posljednji izvještaj. Ne krijemo ničiju odgovornost, već čak šta više uspostavljan je u Kantonu Sarajevo sistem nadzora i kontrole i pokazali smo opredjeljenje prije pet, šest godina za uspostavljanje takve vrste nadzora i kontrole kako bi se prepoznala individualnu odgovornost. Znači, nama ne možete spočitavati političko opredjeljenje da uspostavimo ili da smo opredijeljeni za uspostavljanje jačanja nadzora i mehanizama nadzora i kontroli koji su u Kantonu Sarajevo najbolji i najefikasniji jer prepoznaju individualnu odgovornost. Ali također, nemojte iznositi takve vrste dezinformacija da pojedini funkcioneri, pojedine osobe koje obnašaju javne funkcije, imaju neku vrstu odgovornosti, bez da su to nadležne institucije dokazali. I ova neka veza sa sa Poreznom, sa ViK-om po trenutnoj situaciji, odnosno trenutna tačka dnevnog reda koju razmatramo, nema nikakve veze sa odgovornošću ove uprave. Još jedna informacija i zbog građana, evo i zbog vas ovaj uprava ViK-a je tražila da se oslobodi račun, da plate PDV, međutim Porezna je odbila takvu vrstu ovaj prijedloga i tražila da se Skupština Kantona izjasni. Hvala.

Odgovor na repliku zastupnik Muamer Bandić.

Muamer Bandić (zastupnik)

Kolega Okeriću, ja dolazim na sjednice Kolegija, a jako je teško definisati pošto vi jako često znate da sazovete Kolegij danas, na primjer, za poslijepodne. To se nije dešavalo, dakle, to je vaša bila neka praksa. Iz tih razloga jako je teško utvrditi kada imamo sjednice Kolegija. A što se tiče ovog dijela koji ste vi sada naveli, mi smo tako je razmatrali izvještaj ViK-a. Jesmo li mi usvojili, to je bilo u prošloj godini, dakle, mi još nismo usvojili kolega Okeriću taj izvještaj, nismo glasali za njega. Vi ste napravili jednu poslovničku vratolomiju da možete ostaviti tu mogućnost. Ja sada ne sjećam se uopće kakav je bio taj izvještaj ViK-a prije tri, četiri mjeseca, ili 5 mjeseci, pa možda vama to izgleda smiješno, ali ja stvarno ne mogu sjetiti sada šta smo mi sad raspravljali ViK-u. Tada je ustvari bilo zanimljivo da li će se usvojiti izvještaj ViK-a zato što direktor koji je tad bio trebao je da se smijeni ili nije trebao da se smijeni, pa je na taj način ustvari se odugovlačila ova sjednica, dok on sam nije podnio ostavku. Ali to su vaše stvari unutar koje vi kao Narod i pravda ili ova koalicija treba rješavate. Međutim, imamo za posljedicu sljedeću situaciju: da voda curi na sve strane, kolega Okeriću, da od 100 % zahvaćene vode, 73 % se gubi u vodovodnoj mreži. Potrošili ste za to 20 miliona

Elvedin Okerić (predsjedavajući)

Vrijeme kolega Bandiću.

Muamer Bandić (zastupnik)

Nije prošlo još vrijeme.

Elvedin Okerić (predsjedavajući)

Minut odgovor na repliku minut.

Muamer Bandić (zastupnik)

Dakle 25.000.000,00 EUR, kolega Okeriću je...

Elvedin Okerić (predsjedavajući)

Prešli ste i više od minut.

Muamer Bandić (zastupnik)

Samo evo da završim. Zbog čega vam ovo govorim? Ja nisam rekao samo za ovu upravu, ja sam rekao i za prethodne uprave i zaista me ne zanima ko je u upravi. Hoću da vam kažem, imamo vrlo tešku situaciju da građani Kantona Sarajevo u narednom periodu morati plaćati cijenu vode koja će biti za 50 % skoro uvećana, a da pri tome neće dobiti isporuku koju trebaju da dobiju, jer ako je potrošeno 50 000 000, a nismo dobili, dakle ono što smo željeli sa tim kreditom, pa zar je moguće da mi možemo sada dozvoliti da se poskupi voda i da ponovo potrošimo ogroman novac.

Elvedin Okerić (predsjedavajući)

Moram vas prekinuti, vrijeme.

Muamer Bandić (zastupnik)

Evo, završavam.

Elvedin Okerić (predsjedavajući)

Nemojte prepadati građane. Građani Kantona Sarajevo će imati vodu, nemojte prepadati, iznosite opet, koristite priliku da iznesete neku vrstu dezinformacije, spina, nemojte to govoriti. Ne možete. Ispravak krivog navoda, ja nisam diskutovao, ja nisam diskutovao, ja nisam diskutovao kolega, pa morate kao pravnik izučiti Poslovnik, morate izučiti Poslovnik, ovaj novi

Poslovnik. Zastupnik Albin, imamo repliku, odnosno repliku zastupnica Belma Kapo. Izvolite, imate riječ.

Belma Kapo (zastupnica)

Ja sam sigurna da je kolega Bandić htio nešto drugo da kaže, pa je u cijeloj ovoj diskusiji, u brzini da iskoristi kratko, rekla bih vrijeme koje imamo za diskusiju, rekao jednu rečenicu u kojoj kaže nije važno ko je kriv za ovo što je nastalo, nego sada kako da to riješimo. Jako je važno koje je kriv. Da su na vrijeme nadležni organi radili kako treba i da su na vrijeme, prije 15 godina, od kada su počeli da nastaju ovi problemi, reagovali, mi sigurno ne bismo danas bili u ovoj situaciji, tako da je ovdje jedna od najvažnijih stvari ko je zapravo kriv? I evo pitanje za sve nadležne organe, sudstvo, tužilaštvo, MUP, SIPU, sve one koji treba da istražuju nepravilnosti u radu svakog preduzeća, svake ustanove gdje su predmeti koji stoje brojne krivične prijave o mogućim malverzacijama u radu preduzeća od prije 20, 10, 15 godina. Vlada šestorke prije 5 godina sazvala Press konferenciju kada su brojne iznijeli podatke, ima to sve i snimci i brojne krivične prijave su podnesene o milijardama duga Kantonalnih preduzeća, međutim, do dan danas, evo, nemamo nikakve informacije šta se s tim dešava. Tako da jako važno ko je zapravo u prošlosti bio kriv za ovo što mi danas imamo.

Elvedin Okerić (predsjedavajući)

Zahvaljujem se kolegici Kapo. Zastupnik Muamer Bandić. Odgovor na repliku. Minut.

Muamer Bandić (zastupnik)

Hvala. Kolegice Kapo, slažem se s vama. Ja sam znajući šta će uraditi predsjedavajući, da će on to prebaciti na neki lični odnosi, da ja kritikujem samo onu vlast, dakle, koja je sada trenutno tu, ja sam istakao, dakle, da su oni najodgovorniji zato što je u njihovom momentu blokiran račun. Ali nemam problem nikakav da se ispituju sve prethodne uprave koje su bile gore. I ja nisam kolega Okeriću prepadao građane da će doći do nedostatka vode, ja sam rekao da će doći do poskupljenja. Ja sam to najavio, prije 2 godine sam imao dokument koji mi je to davao za pravo i vi ste pokušavali da me demantujete i niste u tom vremenskom periodu poskupili, došli ustvari u poziciju da donesete tu vrstu odluke, ali sada se došli u tu vrstu, tu poziciju samo zato što imate jako inertnu, dakle uprave, evo, neću reći nesposobne, imate inertne. Nisu u stanju da realizuju kredit na zadovoljavajući način zbog čega je on podignut. Ja sam bio u Vladi u kojoj se raspravljalo o tom kreditu, ja nisam bio za taj kredit. Ne morate me prekidati znam da sam završio.

Elvedin Okerić (predsjedavajući)

Lijepi strah, kako odmah na vrijeme prekida. Zastupnik Albin Zuhrić. Oprostite, ispravka krivog navoda ima prednost zastupnik Elvis Vreto.

Elvis Vreto (zastupnik)

Hvala predsjedavajući. Pa evo, kolega Bandić je u svojoj diskusiji nekako pokušao teret odgovornosti za ovaj konkretan slučaj od '97. do 2001. staviti na trenutnu upravu da li dio odgovornosti ili kompletan ali nekako sam ja to tako protumačio, mada u narednim replikama i odgovorima je pokušao to i anulirati. Često koji razumijem i vezano oko ovog termina cijena vode, poskupljenje vode. Razumijem zaista da vjerovatno najlakše i građani, u suštini građani, i ako dođe do poskupljenja, oni to plaćaju, ali ne razumiju i bitno je naglasiti nekoliko ključnih stvari. I po meni, obzirom da dolazim sa teritorija općine Ilidža, da se voda, mi vodu ne plaćamo, znači plaćamo njenu distribuciju i održavanje sistema, tako je. Što se tiče tog dijela, da se ona plaća ili da postoji određena naknada općina Ilidža ne bi bila sigurno obespravljena, kao što je u ovom trenutku zbog tog kompletnog slučaja oko vode i vodozaštitnih zona već bi bila nagrađena na jedan drugi način i finansijski bi sigurno imala dodatnu vrijednost. Znači,

jednostavno zbog građana, ja sam svjestan činjenice da većina zastupnika i sigurno i kolega Bandić zna ovo vezano, da mi plaćamo distribuciju i održavanje, a ne vodu, tako da više zbog građana, ne zbog zastupnika, siguran sam da dobar dio njih ovu materiju i poznaje dobro.

Elvedin Okerić (predsjedavajući)

Zahvaljujemo se kolegi Elvisu Vreti. Zastupnik Albin Zuhrić. Izvolite, imate riječ.

Albin Zuhrić (zastupnik)

Predsjedavajući, prije nego krenem ajte, samo odlučite pošto imam repliku na neke stvari koje sam čuo, hoćete li mi dati repliku, pa da se javim za riječ ili ću u toku svog izlaganja, imam dovoljno vremena, ali da me ne prekidate jer sam se odmakao od teme.

Elvedin Okerić (predsjedavajući)

Kome želite da replicirate.

Albin Zuhrić (zastupnik)

Bandiću.

Elvedin Okerić (predsjedavajući)

Može, prvo replika uvaženom kolegi Bandiću. Izvolite, imate riječ.

Albin Zuhrić (zastupnik)

Ja sam o ovoj diskusiji koja se vodi, a nismo još došli do pravog problema, čuo nekoliko vrlo zanimljivih teza. Jedna od njih je predsjedavajući, da vi niste odgovorni za ovo stanje iako je kolega, Bandić možda ne misleći tada na to ustvari, dotakao se, jedne vrlo zanimljive teme. Vi jeste čovjek koji je najviše odgovoran u ovoj sobi. I odgovorni ste iz dva razloga; prvi što na tom Kolegiju, na koji inače dođete sa gotovim dnevnim redom, tu se ne odlučuje ništa i vi ste već odlučili, vi odlučujete kada će doći nešto na glasanje ili neće i onda završimo u situaciji gdje mi nemamo recimo, Izvještaj vodovoda usvojen ni za 2023. godinu. Znači, mi smo već sada trebali do juna da završavamo '24. sa izvještajima, međutim mi ni '23. nismo završili. Toliko vi vodite računa o tome. Drugi razlog što ste najodgovorniji je što ste predsjednik Kantonalnog odbora Naroda i pravde koji koristi kao biro za zapošljavanje Vodovod i kanalizaciju, to je vaše preduzeće gdje smještate kadrove koji ili nemaju radnog iskustva ili završene fakultete ili nemaju puno vremena da dolaze na posao. Tako ga vi tretirate. Dalje, pričali ste i o tome kako ste vi postavili neki sistem kontrola.

Elvedin Okerić (predsjedavajući)

Vrijeme kolega, Zuhriću. Pogotovo kada se neistine iznose, onda ovaj aparat prepoznaje ko neistinu govori, odmah ga ukida. Znači, ja nemam potrebe da reagujem, tako da ste vi već diskvalifikovani, isključeni ste. Žao mi je. Kada budete govorili istinu, dobit ćete vjerovatno duže vrijeme, možda čak i ovo ime kluba od 10 minuta. Zastupnica Marijela Hašimbegović. Evo kolegica Hašimbegović. Odmorite malo, pripremite se sada za diskusiju. Zastupnik Albin Zuhrić diskusija. Odgovor na repliku zastupnik Muamer Bandić.

Muamer Bandić (zastupnik)

Zahvaljujem, predsjedavajući Okeriću. Kolega Zuhriću, dakle, ja se s vama potpuno slažem, dakle, potpuno ste u pravu kada kažete da je kolega Okerić kriv za vođenje Kolegija i da on dođe sa pripremljenim dnevnim redom i da praktično nemamo nikakvu vrstu utjecaja na dnevni red. I s tim se s vama slažem. U ovom dijelu oko zapošljavanja gore, da li on zapošljava u Vodovod i kanalizaciju to bi bila neka insinuacija sada za neka krivična djela, ja u to ne bih ulazio jer nisam bio prisutan. Ali za ovaj dio koji ste rekli za Kolegij, s vama ću se složiti.

Međutim, ja znam za neke druge osobe, ne za Okerića, znam za neke druge osobe, ali okolnost da nemam neke dokaze ne bih iznosio sada to, ali nemam dokaze, ali sam u fazi dobijanja tih dokaza, i ja znam da se protiv tih osoba čak vode krivični postupci, ali okolnost da ja poznajem te osobe neću insinuirati ništa dok ne budem imao konkretne dokaze. Hvala.

Elvedin Okerić (predsjedavajući)

Hvala kolega Bandiću što ste me podržali, što ste kolegi Zuhriću održali bukvicu kako i na koji način se komunicira u javnosti. Bez dokaza se ne optužuje niko. Evo aparat kaže ukoliko budete istinu govorili, imate 10 minuta, izvolite, imate riječ. Zamolio bih vas da uključite zastupnika Albina Zuhrića.

Albin Zuhrić (zastupnik)

E, hvala vam predsjedavajući. Inače, molim vas, ja vas pozivam da svaki put kad iznesem neistinu me tužite na sudu, a meni će biti veliko zadovoljstvo da na sudu, dok vodimo raspravu, iznosimo i dokaze i onda provjeravamo sve što se dešava u ovim preduzećima. Eh, da se vratim na diskusiju. Slušao sam novoimenovanog direktora je li ne želim ni na koji način uvrijediti gospodina, ali u suštini političko žrtveno janje Naroda i pravde još jedno u nizu koji je postavljen na poziciju gdje i kada bi želio ne može uraditi svoj posao dobro. I interesovao se, kako će objasniti činjenicu da su oni tražili od Poreske uprave da im dopusti otplatu duga za 6 mjeseci, pošto mi nigdje u materijalima nismo dobili kako oni to namjeravaju platiti 11 000 000 u narednih 6 mjeseci, ili je to je li lažni poziv za nagodbu, pa sam u međuvremenu čuo direktora sljedeće, da on ustvari ne namjerava da vrati tih 11 000 000, da oni samo žele da kupe malo vremena, a onda ćemo mi, navodno da izglasamo zakon kojim će se, je li, smanjiti to na 2 000 000, a ove kamate u suštini ukinuti, tako reći, njima za plaćanje, dakle, neće doći do naplate kamata, pa eto, oni će nekako samo da skupe 2 000 000 u narednih 6 mjeseci. To je preduzeće bez ikakve, ikakvog strateškog pravca, bez ikakvog kredibiliteta, pa uključujući i da pregovara sa Poreskom upravom, koje nije bilo u stanju isposlovati privremenu mjeru da im se ne blokira račun niti biti spremno na ovu situaciju ranije. A zato i ne krivim, kao što sam rekao, ovog direktora koji je tek stigao. To je dugoročna politika trojke i posebno Naroda i pravde koji nosi to preduzeće sa sobom zajedno u ovu trojku iz vremena kada su bili u SDA i vladali i tada tim preduzećem. Zanimljivo, kolegica Kapo govori o strašnim stvarima koje su se nekada dešavale, kao da je kolegica Kapo vlast od prekjučer, a ne kao da gospodin Dino Konaković i njegovi kadrovi upravljaju deceniju sa ovim preduzećem i većinom drugih u Sarajevu, da su oni ustvari vlast, a zajedno s vama samo 7 godina. Ne treba dozvoliti hipoteku. Ne treba je dozvoliti iz sljedećeg razloga; da je to zdravo preduzeće koje zna poslovati kako treba, bilo bi sasvim logično da mi dopuštamo nekome da državnu imovinu, odnosno ima hipoteku na državnu imovinu, misleći da kao neka privremena mjera, dok se ne skupe novci i ne riješi finansijska situacija, da će se nešto promijeniti, ali ne, strategija je sljedeća. Staviti ćemo pod hipoteku imovinu onda će direktor da moli okolo da izglasamo još jedan zakon, da se to s 11 000 000 spusti na 2 i onda će i za ta 2 da moli opet nekoga u Vladi da im se nekako isplati jer nema dovoljno u budžetu, ali pronaći će se već način, a u međuvremenu će podići cijenu građanima vode zato što nisu ni onih 50 miliona što smo im dali kredita uspjeli iskoristiti. Da ovo nije, pazite da je ovo tržišno preduzeće, koje jel posluje po nekim tržišnim pravilima, ono bi se ugasilo davno, ono je katastrofalno vođeno, ništa u tom preduzeću ne funkcioniše i njega bi trebalo ugasiti, možda ga i čak ovako treba ugasiti, pa krenuti na novo sa nekim ljudima koji su radili u tom preduzeću. Razlog što se ne daju hipoteke u ovakvim situacijama je što imamo preduzeće koje nema nikakav moralni kredibilitet, nema povjerenje građana i postoji isključivo kao neki, bilo za zapošljavanje. Da ste nam došli ovdje sa nekim regularnim prijedlogom, mi bi ga podržali ovako sigurno nećemo, niti nas zanima kako će se ovaj direktor izboriti sa tim, zato što će to biti privremeno. To neće biti spas za građane. I neće popraviti distribuciju vode,

neće se pobrinuti za to da ljudi plaćaju manje račune, to je samo još jedan način da se izvuku pare iz budžeta i pokriju troškovi silnih ljudi koji ne dolaze na posao, a primaju plate u tom preduzeću. Vi ćete riješiti problem vode u Sarajevu kada vam najvažniji čovjek u tom preduzeću bude onaj što redovno dođe na posao, skoči u onu rupu da kopa kad je to potrebno. Isto kao što ćete riješiti problem i u ovoj Skupštini i u Vladi, kad ove ljude što rade svoj posao kako treba, pišu neke odluke, sjede na svom radnom mjestu i pedantno rade nagradite, a sve ove uhljebe što ste ih doveli da ovdje bez radnih iskustava i bez ikakvih fakulteta rade ove poslove nagrađujete. Dakle, vi nemate ni ko Vlada, ni kao ovo preduzeće više nikakav kredibilitet da tražite da mi dopuštamo hipoteka da se stavi na državnu imovinu. Jedina možda mala sreća u ovoj cijeloj nesreći je što nema nikakve mogućnosti jer je blokiran račun da direktor dobije garanciju od banke jer vam garantujem da bi banka zaplijenila na kraju nešto iz tog Vodovoda, ali srećom blokiran je račun, pa smo spali na hipoteku koja će opet ići je li Federalnoj poreskoj upravi, pa će ostati u državi kada je izgubimo. Klub DF-a sigurno neće podržati dizanje hipoteke, odnosno stavljanje. Hvala vam.

Elvedin Okerić (predsjedavajući)

Ko se javio za repliku? Zastupnik Muamer Bandić, replika uvaženom kolegi Albinu Zuhriću.

Muamer Bandić (zastupnik)

Zahvaljujem. Kolega Zuhriću, vi ste u svom izlaganju u najvećoj mjeri, evo, da kažem svjetla upalili prema prema Narodu i pravdi, predsjedavajućem Okeriću. Ja ću vas podsjetiti da je najveći, evo da kažem destruktivac kada je u pitanju to javno komunalno preduzeće Elmedin Konaković. On to preduzeće i, dakle, od 2015 drži u opsadnom stanju i on stalnim gore, bez Okerića to uradio, on je stalnim gore nekim specijalnim jedinicama, nekim specijalnim mjerama, nekim strašnim najavama, nama ovde izlazio sa nekim tezama, a to preduzeće sve dublje i dublje tonulo, sve dublje i dublje propadalo, i sve više i više, evo da kažem, smo u to preduzeće ulagali, izdvajali novca i putem EBRD-a, i putem razno raznih kredita i iz budžeta, a u konačnici mi u ustvari nemamo nikakve efekte. Tako da je to preduzeće zarobio Konaković još 2015 i on se prema njemu ponaša kao da je to neka privatna firma. I on ga je doveo do kolapsa, isključivo on sa nekim svojim kadrovima koje je on postavljao. Kada govorim o kadrovima, ne mislim ova zapošljavanje, nego mislim na rukovodeće kadrove. On je njih gore postavljao, oni su gore. Dakle, i sve su radili samo ne svoj posao i sad imamo situaciju dakle, kriv je neko drugi zato što je u nekom vremenskom periodu ne znam, nije plaćao obaveze prema Poreskoj upravi, ali u ovom momentu njegovi kadrovi su gore, i u ovom momentu je tom javnom preduzeću blokiran račun. U ovom momentu. Ko god da je odgovoran i prije toga ja to mogu prihvatiti i prihvatit ću, ali, dakle, ključni problem jeste ustvari kada je on preuzeo upravljanje tim javnim preduzećem i zakonodavne vlasti se miješao u jednom vremenskom periodu 2014. i '13. pokušavajo je da radi izvršnu vlast, a onda kasnije, kada je dobio tu mogućnost, kroz premijersku poziciju to preduzeće uništio. Hvala.

Elvedin Okerić (predsjedavajući)

Replika kolegi Zuhriću, ali ću malo vamo i gledati i kolegu Bandiću. S obzirom da ste mi obojica spomenuli predsjednika Konakovića, bivšeg premijera Vlade Kantona Sarajevo, da podsjetim vas, da podsjetim javnost da je to jedini premijer Vlade Kantona Sarajevo koji je ponudio ostavku ukoliko ne bude riješio redukciju vode u Kantonu Sarajevo koju smo tad imali, a na čelu na čelu tog preduzeća je tad bio sad kadar Stranke za Bosnu i Hercegovinu, koji kojeg ste branili i spominjali nedavno na Kolegiju, Nezir Hadžić, gdje ljudi za bajram nisu imali vode da abdest uzmu. E, to su vaši kadrovi. To su vaši kadrovi, to, ovo sad što ste vi spomenuli, ovo ste vi spomenuli zbog svog predsjednika, zato sam ja kazao Semira Efendića pa da vam kaže koji je najveći destruktivac zato što je to vaša bila retorika koju ste koristili u predizbornoj

kampanji. E uzmite sad portale i provjerite ovaj period ko je ponudio jedini ostavku ako ne bude uspio spriječiti, odnosno redukciju vode u Kantonu Sarajevo, koja je tada bila ovaj, odnosno vodu građanima vratiti. Pogledajte, pogledajte kolega Bandiću, vi ste maloprije pola minute prošli, kolega znači vama mogu ovaj prekoračiti i pola minute. Znači, molim vas, pogledajte portale iz tog perioda, vijesti koji su objavljivane. Evo, kolega Zahiragić traži, ja vjerujem da će naći. Redukcija je tada zaustavljena, voda je vraćena građanima Kantona Sarajevo. Ovo samo podsjećam građane koji su tada bili u šoku da nisu imali vode i to smo imali najodgovorniju izjavu jednog premijera koji je ponudio ostavku, međutim vratio je vodu građanima Kantona Sarajevo. Zato opet iznosite neistine i imam potrebu da kad god iznesete neistine, da vam odgovorim istinom.

Replika zastupnik. Kome? Meni ne možete kolega. Ne možete ni odgovor. Ne možete. Pa ne možete. Opet niste naučili Poslovnik? Ne mogu da vjerujem da vas opominjem već nekoliko puta, da to ne možete, ali dobro, hajde nema veze. Imamo do '26 krajem. Naučit ćete, naučit ćete. Zastupnik Albin Zuhrić odgovor na repliku izvolite, imate riječ.

Albin Zuhrić (zastupnik)

Iako mi bude neugodno slušati kada pričate o svom predsjedniku, mislio bi da odrastao čovjek treba, kako da vam kažem, malo sebe je kontrolisati, bolje, razumijem da on vjerojatno cijeni tu vašu lojalnost. Bit ću vrlo kratak oko gospodina Konakovića. On je prouzrokovao nestašice vode u Sarajevu i bio vlast, obećao onda da će podnijeti ostavku ako to ne riješi, pa pustio opet da teče voda i želim da mu čestitam na tom sjajnom potezu. Nakon toga je napustio Vodovod i vas sve ovdje u Kantonu. Uništeno preduzeće ostavio iza sebe, kao što je ostavio KK Bosna i kafiće na Zetri i sad će ostaviti Ministarstvo u kojem je.

Elvedin Okerić (predsjedavajući)

Ne postoji ni jedna sjednica Skupštine Kantona Sarajevo da se ne dotaknete lidera trojke, pogotovo Elmedina Konakovića, ali evo, to je vaša stvar kako želite da nudite rješenja građanima, poziciji iz perspektive opozicije. Znači samo gledate kako da koga prozovite neosnovano, da iznesete određenu ljagu. Pa evo na osnovu sada, ja sam se pozvao na medijske natpise iz tog vremena, medijske natpise iz tog vremena i pozvao sam se na sjećanje građana koji mogu potvrditi ko im je u kojem periodu vratio vodu u Kantonu Sarajevo. I ovo što je kolega Bandić govorio, pa prepada građane da će opet ostati bez vode. Neće građani ostati, sada tamo ne rukovodi i ne upravlja SDA. Zastupnik Jasmin Šaljić, izvolite, imate riječ. Kome replicirate?

Replika, replika kolegi Zuhriću, zastupnik Haris Zahiragić.

Haris Zahiragić (zastupnik)

Kolega Zuhriću, s obzirom da je tada gospodin Konaković bio premijer ispred SDA, prije toga šef Kluba SDA koji je, nažalost, uživao tada moju podršku, moram biti iskren, pa manje više vašu kolega Bandiću, posebno kolege Okerića. Dakle, znamo mi na koji način se to dešavalo. Prava istina, prava istina je da je Azra Muzur riješila pitanje redukcije vode, a ne gospodin Konaković. Prava istina je, također da je gospođa Azra Muzur nakon što je riješila redukcije vode kao jedan od vrhunskih inženjera, možda najbolji inženjer za tu oblast trenutno u Sarajevu, koja je nakon toga smijenjena brutalno, jer nije, htjela se priti učiniti NiP-u kada je NiP nastao i doživljavala je mobinge od strane tih loših studenata s kupljenim goraždanskim diplomama od strane ViK-a koji je NiP, nažalost, nakon gospođe Muzur imenovao. Ono što ste rekli tačno jeste da su redukcije nastale u koordinaciji tadašnjeg premijera Kantona Sarajevo, koji je rušio gospodina Nezira Hadžića, znam jer sam i sam u tome učestvovao, kreirajući narative o nesposobnom Neziru Hadžiću, koji mora otići s mjesta direktora ViK-a samo zato što nije želio da pristane da kredit EBRD-a...

Elvedin Okerić (predsjedavajući)

Možemo li samo kolega Zahiragiću da se vratimo na temu.

Haris Zahiragić (zastupnik)

Tema je replika dozvolite još pola...

Elvedin Okerić (predsjedavajući)

Vi ste iz opozicije skloni ubacivanju tema koje veze nemaju sa tačkom dnevnog reda iste.

Haris Zahiragić (zastupnik)

Pa vi ste krenuli, ja samo repliciram.

Elvedin Okerić (predsjedavajući)

Ja nisam krenuo, kolega Zuhrić i kolega Bandić...

Haris Zahiragić (zastupnik)

Dozvolite mi da repliciram.

Elvedin Okerić (predsjedavajući)

...tako da vas pozivam da se vratite jer ako se ne budete vratili, morat ću vam oduzeti riječ.

Haris Zahiragić (zastupnik)

Replika je dozvolite i meni da zaštitim tadašnjeg...

Elvedin Okerić (predsjedavajući)

Evo vrijeme.

Haris Zahiragić (zastupnik)

...i vašeg današnjeg predsjednika Konakovića. Tada su oni nju mobingovali i prepustili lošim đacima. Te redukcije su nastale kada se Nezir skidao i zato je nagrađen Kapidžija, koji je tada bio jedan od ljudi koji je gasio tu vodu.

Elvedin Okerić (predsjedavajući)

Kolega Zahiragiću, kolega Zahiragiću, vrijeme vam je isteklo, moramo vas isključiti. Odgovor na repliku zastupnik Zuhrić.

Albin Zuhrić (zastupnik)

Kolega Zahiragiću hoću da vam se kao nekome ko je očigledno bio učesnik tih događaja i zna iz prve ruke šta se dešavalo, da vam se zahvalim što ste iznijeli istinu ovdje i dokazali da ono o čemu smo pričali je u stvari tačno. Hvala vam.

Elvedin Okerić (predsjedavajući)

Zastupnik Jasmin Šaljić, diskusija izvolite, imate riječ.

Jasmin Šaljić (zastupnik)

Hvala. Ja sam htio diskutovati po pitanju ove tačke dnevnog reda, ali moram predsjedavajući obzirom da ste spomenuli Nezira Hadžića, pa ću vam kratko odgovoriti. Nezir Hadžić, tadašnji direktor Vodovoda, nikad ne bio smijenjen da je pristao da potpiše ovaj famozni kredit od 50 000 000. Znači nikad. To je razlog. Te godine bile su suše, bazeni su bili prazni, pritisak je konkretno bio radi ovog kredita koji je doveo Vodovod u ovo stanje. Mi smo mogli bez tog kredita. Uprava tadašnja s Nezirom Hadžićem na čelu je u Istanbulu, u Istanbulskom Vodovodu dogovorila pumpe, pumpe su donirane i ugrađene. Naslijedila ih je Azra Muzur. Niko drugi

nije riješio nestašicu vode. Što se tiče Šeraka, vd. direktora. On je u uvodu naveo razloge blokade računa da je to iz 2021 godine. Upoznao nas je sa Poreznom upravom da tu ima posla sud. Došli smo do Vlade Kantona Sarajevo i evo na kraju mi kao Skupština Kantona Sarajevo, da se po ovom pitanju damo saglasnosti. Nismo saznali iz njegovog uvoda koja je to imovina koju Porezna uprava traži pod hipoteku? Koja imovina? Jel to zgrada Vodovoda? Jel to neka imovina? Jesu li ne daj Bože izvorišta? Ali to je iz nemogućnosti jer kao zastupnici ne možemo da postavimo pitanje, lako bi mi to mogli riješiti. Čovjek bi nam vjerovatno odgovorio. Ta imovina zašto je 6 puta veća? Ako je dug 2. 200 000 maraka zašto se traži 6 puta više? Znači pogledajte 11 000 000 maraka i +10 %. Jel, kako sam ja razumio? Znači 6 puta više. Građani otplaćuju i svo ovo subvencioniranje svake godine, znači otplaćuju to građani Kantona Sarajevo, otplaćuju ovaj kredit, ja mislim da je posljednja tranša u pitanju, nisam siguran već šest, sedam godina otplaćuju te penale i taj kredit od EBRD-a od 25 miliona eura i evo najavu od 50 %. 48., evo kaže 54 %, ajde 50 % poskupljenja vode. Ja ne znam šta više još građani trebaju da urade? Poskupiti vodu možete. Koliko ste planirali da podignete penzije ljudima? To je znači 4,49 % e toliko možete poskupiti vodu da bi neko to mogao da prihvati nakon ovolike inflacije i neimaštine, oskudice. Sve što više od toga predložite znači ja lično kod kao zastupnik smatram da je to otimačina i zavlacenje ruke u džep građana. Ne kažem da se ne treba poskupiti voda, al rekao sam koliko, koliko ste penzije, eto vam poskupite i vodu da bi preduzeće moglo da radi. Što tiče izvještaja o radu, neko je pominjao od zastupnika, ja evo tri godine ovdje, treća je godina, ja kroz sva 3 izvještaja ja nisam nikad vidio da je neko pomenuo ovaj podatak da Porezna uprava tereti ovo preduzeće. Ovo je prvi put, evo prije nekoliko dana sam upoznao iz medija. Poslali su mi vaši uposlenici dopisu kao zastupniku. Ja prvi put čujem da Porezna uprava tereti ovo preduzeće. Kako su bile te, kakvi su izvještaji bili, gdje Skupština nije upoznata da ima na teretu 2 000 000 maraka iz ovog perioda. Hipoteka. Ako bude imao Šerak, v.d. direktor priliku neka nam objasni ono što nas najviše zanima koja je to imovina? I drugo, sama riječ hipoteka brate to, to sve ti govori u kakvom je položaju preduzeće hipoteka čim nema druga opcija to isto ko i sa ZOI-em. Znači da je to na koljenima. Mi kao zastupnici danas smo ovdje u teškoj poziciji. Ja nisam za hipoteku nikakvu, ali nisam ni da uposlenici Vodovoda ne primaju platu, pa to su porodični ljudi, pa ima preko hiljadu zaposlenih. I šta trebam ja danas da radim? Da glasam da se podigne hipoteka za imovinu da bi oni primili platu, oni čekaju platu ko i svi mi što čekamo platu. Razgovarao sam u hodniku sa v.d. direktorom Šerakom vezano za te ekipe, to su ove ekipe na terenu, pominjao sam ih jutros i skoro svaku sjednicu. Ne možemo krenuti naprijed da rješavamo gubitke vode, ako nemamo ekipe, gubimo vodu 70 % sa 6 ekipa ili 10, ne znam više ni ja tačno, a sigurno nam treba još dva puta toliko. Od silnih znači sokaka curi voda na svakom koraku, evo ja ću vam, ja ću vam dokumentovati sad slika preko 50 pa kako se gubici rješavaju? Pa popravkama kvarova. Ko će ih popraviti ako nemamo ekipe, ako nemamo ljude, ako nemam, kako? Dajte, v.d. direktore, evo ja, vi ste friški, ne mogu ja sada da svalim na vas, vi se ovdje dvije, tri godine u ovoj firmi, sav teret od 25 godina. Može li doći uprava i čovjek da posveti pažnju otklanjanju kvarova? To je, znači ne treba nikakav stručnjak biti, utrostručite ekipe za otklanjanje kvarova i smanjit ćete gubitke vode. To je jasno i sami ste rekli ko je već primljen u administraciju ne možete ga na silu poslati u neku ekipu, ali vodite računa u buduću, neka ovo bude fokus. Ja lično nove ljude ne želim da odmah spopadnem i da, ne znate, i vi ste tu koliko već mjesec dana, dok vidite stanje u firmi, dok vidite o čemu se radi, treba vam dati priliku. Ako budete imali priliku, molim vas iznesite samo kojoj tačno se imovini radi, koja je to zgrada, koja je to zemlja? Jesu li izvorišta u pitanju? Znači ako su izvorišta, to je katastrofa, to možemo da čujemo iz nekih medija, ali mediji su mediji. Cijenu vode, kada su građani birali ovu skupštinsku većinu, oni su mislili, vjerovatno se vodili time da ćemo olakšati komunalije, da ćemo sniziti cijene usluga, da ćemo, mi izabrali indirektno, kao predstavnici građana koji su nas građani birali ministre, popunili resore, ti i ministri ponovno znači po treći put indirektno direktore javnih preduzeća i ustanova. I

pogledajte kako se sad krug vrati. Šta su oni izabrali? Jesu li oni birali da im poskupi voda 54 % umjesto 4, 5 %, ajde inflacije. Sigurno nisu nikoga ovdje birali da mu poskuljuje vodu, da bi mu poskupio usluge. Nisu birali.

Elvedin Okerić (predsjedavajući)

Vrijeme kolega Šaljiću.

Jasmin Šaljić (zastupnik)

Hvala predsjedavajući.

Elvedin Okerić (predsjedavajući)

Ispravka krivog navoda kolega Kapidžić.

Faruk Kapidžić (zastupnik)

Zahvaljujem, ja bih samo kolegu Šaljića ispravio. Rekao je, citiram: "Mi, mi poslanici smo ovdje u teškoj poziciji, jedan dio poslanika je u teškoj poziciji, drugi dio poslanika je u teškoj opoziciji. Hvala.

Elvedin Okerić (predsjedavajući)

Kolega Zuhriću, šta ste vi? Replika. Replika, zastupnik Zuhrić.

Albin Zuhrić (zastupnik)

Kolega, Šaljiću, poručili ste direktoru da treba utrostručiti ekipe koje će raditi na kvarovima. To je vrlo teško uraditi. Kada ste naprimali ljude sa DIF-a, nekih lažnih političkih nauka s Viteza i Sokoca, kad ste primili ljude s lažnim iskustvom, jer oni sad imaju puno novouposlenih, a niko ne zna kopati. I sad vjerojatno direktor i kad bi htio, on ne zna koga i od čega da napravi te nove ekipe.

Elvedin Okerić (predsjedavajući)

Kolega Zuhrić vjerojatno pravi ovdje kratke ove tize ili video isječke pa onda zauzme stav. Vjerujem, vjerujem da je zbog toga, ali dobro evo nastavite dalje snimat, nastavite dalje snimat. U tom što govorite nema nikakve ni istine nit suštine. Tako da je važno uvijek da vi ovako, kad se namjestite lijepo za svoj video uradak, da samo vas demantujem istinom oni koji gledaju da ovo što govorite nije istina.

Poslovnička intervencija. Poslovnička intervencija zastupnik Zuhrić.

Albin Zuhrić (zastupnik)

Predsjedavajući molim vas da prestanite zloupotrebljavati vašu poziciju. Možete se javiti za riječ, možete imati repliku, možete imati ispravke krivog navoda, možete odgovore na replike, ali vi nećete ništa, vi se javite, upalite sebi mikrofoni i govorite bez ikakvog ograničenja vremena i bez pozivanja na bilo koji mehanizam unutar Poslovnika da govorite, dakle nemojte to raditi, nemojte zloupotrebljavati, imati komentar na sve, a da se ne javite kao svi mi ostali ovdje. Hvala vam.

Elvedin Okerić (predsjedavajući)

E tako, sada ste lijepo diskutovali. Zastupnik Davor Čičić diskusija. Replika, replika izvolite imate riječ.

Davor Čičić (zastupnik)

Replika kolegi Šaljiću. Zahvaljujem. Evo, pa samo replika kolegi Šaljiću, u sklopu čega je kolega rekao da mi kroz ove prethodne izvještaje nismo imali informaciju da postoji ovaj poreski dug. Evo, postoji izvještaj sada da vratim, ne želim uopće da učestvujem ko je, šta je,

ali isto tako želim da skrene pažnju, da ovo nije stvar koja je nastala kao teret ove uprave, kakva god ona da je uprava, o tome da se raspravljati, ali evo imam revizorski izvještaj institucija, odnosno revizora Federacije iz 2008. godine, u kojem se konstatujem za Vodovod i kanalizaciju znači revizorski izvještaj. "Neizmirene obaveze za porez na promet usluga iznose 2 389 000 maraka. Obaveze su iz perioda '98.- 2005. Poreska uprava Sarajevo je na osnovu neizmirenih obaveza obračunala zaključno sa stanjem 27.4.2007. godine zatezne kamate u iznosu od 215.616 maraka koje nisu iskazane u knjigovodstvenim evidencijama". Dalje, oni posebno naglašavaju: "Mi želimo skrenuti pažnju kako rukovodstvu, tako i organima upravljanje na moguće posljedice neplaćanja obaveza utvrđene u kontrolnim organom, zakonskim propisima vezanim za Poreznu upravu regulisan je način izmirivanja obaveza po osnovu poreza i nije realno očekivati da će isti biti oproštene, osim u slučaju predviđenim propisom. Porezna upravna dužna je pokrenuti prinudnu naplatu blokade svih računa ili stavljanjem hipoteke na imovinu, a to će imati značajno posljedice na finansijski izvještaj. Zbog toga je potrebno da se ozbiljno uključi, kako rukovodstvo, tako i organi upravljanja u cilju rješavanja navedenog. Sa knjigovodstvenog stanovišta obaveze nisu realno iskazane za obračunate kamate, kao i vremensko usklađivanje kamata sa izvještajnim periodom". Znači. Revizorski izvještaj iz 2008. godine je upozorio upravu i tadašnje Vlade i ministarstva na ovaj problem i tada je kamata obračunata bila samo 215 000. Sad smo mi došli do situacije da je kamata 9 000 000. Znači, nije istina da nisu upozoravane. Evo iz ovog revizorskog izvještaja se jasno vidi da su i uprave tadašnje, neću sada da navodim imena ljudi koji su tada upravljali, ali može se pretpostaviti ko je upravljao tim preduzećem iz prethodnih rasprava koje smo imali, ali jasno je, znači navedeno, da ovaj problem postoji, da se trebao rješavati. Mi sad evo koliko je to 2008. sad je 2025, 17 godina poslije mi raspravljamo od ove, samo što su nam kamate narasle za 9 000 000. Ja smatram da za ovo neko mora odgovarati. Hvala.

Elvedin Okerić (predsjedavajući)

Zastupnica Marijela Hašimbegović diskusija. Izvolite, imate riječ.

Marijela Hašimbegović (zastupnica)

Zahvaljujem se predsjedavajući. Pa evo kolega mi je dao jedan dobar šlagort kako početi ovu diskusiju. Ko bi bio ustvari odgovoran za ovakvu situaciju u kojoj smo se našli. Smatram da upravo godina kada je revizorski izvještaj govorio o ovoj problematici govori puno i sama činjenica da je izvještaj ViK-a za '22. godinu usvojen od strane pozicije, što znači da ste usvojili, dakle, dugovanja ovog preduzeća u tada 21 000 000 dugovanja i da ste samim tim usvajanjem tog izvještaja, dakle, utvrdili i činjenično stanje koje se veže za ova dugovanja. Ja moram priznati da u izvještajima koji su nama bili predloženi nisam vidjela ovu informaciju, to je tačno kolega. Ova informacija nije postojala, mi smo se sa ovom informacijom, evo ja kao zastupnica u ovom sazivu upoznala sam se sa materijalom koji je stigao jučer popodne. Smatram vrlo neozbiljnim na ovakav način tretirati imovinu Kantona Sarajevo. Podsjećam kolege iz Skupštine da je Skupština odgovorna za imovinu Kantona Sarajevo. Također vas podsjećam da je ViK, dakle preduzeće koje ima najveću imovinu u Kantonu Sarajevo. Svom kolegi Šaljiću ću reći da u materijalu postoji, dakle, tačno precizirano što je to što je stavljeno pod hipoteku i radi se o upravnoj zgradi sa okolinom, međutim, ono što je definisano po pitanju činjeničnog stanja procjene vrijednosti ove nekretnine mene dovodi u zabludu jer obzirom da se radi o objektu koji pročišćava otpadne vode u Butilama, ja koliko znam da je vrijednost tog objekta iznosi preko 40 000 000, a sudski vještak je ovdje napravio jednu potpunu drugačiju vrijednost i moram reći da je zbunjujuće, da smo dobili izvode iz katastra i grunta, datume prije nego što je došao datum na prinudnu naplatu. Šta to implicira? Ja moram reći da to implicira kod mene ogromnu sumnju da se ovdje radi o udruženim radnjama. O jednom scenariju na osnovu kojeg se planira eventualno pripremiti kasnije teren za možda neku buduću

privatizaciju ViK-a. To je ono što je akutan problem ovdje, jer šta smo mi radili sve ove godine? Mi smo ustvari slabili ovo preduzeće. Mi mu nismo dali podršku da uopće riješi svoje probleme, tako da ću ja, pored činjenice koje su konstatovali moje kolege za osobe koje trebaju biti odgovorne i pozvane za odgovornost za ovakvo stanje u ViK-u, ja bih proširila tu listu, pored predsjedavajućeg Skupštine, tu su i zastupnici i skupštine koji su podržali izvještaje ViK-a. I naravno, neizostavno tu je Vlada Kantona Sarajevo koja nije izvršavala svoje obaveze prema Zakonu o komunalnoj djelatnosti i člana 22. To je precizno definisano u izvještajima. I vama se čini jako smiješnim da smo i u izvještaju za '23. godinu konstatovali i konstatovali tu činjenicu i da smo razgovarali o tome. Međutim, mi ništa nismo napravili po pitanju zaključaka i napretka. Kako ovom preduzeću dati tu podlogu da konačno dobije neki zamajac i rješenja po pitanju takvog katastrofalnog poslovanja? Da vas podsjetim da će nas sva čekati izvještaj koji će imati uvećanja, dakle poslovanja negativnog poslovanja koji će iznositi gotovo cijelih 26 miliona. Tako da s tim u vezi postavljam pitanje. Dakle, imamo preduzeće koje posluje sa tolikim dugovanjima, imamo očigledno menadžment koji se i u ranijim sazivima nije znao suočiti sa ovakvim izazovima. I imamo sada jednu situaciju nekog ranijeg duga na osnovu koje, kako nas je evo i v.d. direktor upoznao i ovaj materijal, da smo do sada imali gotovo 3, oko 3 puta okolnosti kada je Kantonalno tužilaštvo donio u korist ViK-a ovu tužbu od strane Poreske uprave. Mene zanima zašto nismo, recimo, dobili u materijalu tu sudsku presudu? Zašto je nismo vidjeli i zašto je poreska uprava sad naprasno donijela ovakvu odluku o prinudnoj naplati, ponovit ću još jednom. Dakle, i to zaista implicira sumnju kod mene da se radi o određenim radnjama koje zaista apsolutno nisu prihvatljive i naravno da nije prihvatljivo. Imovinu Kantona Sarajevo, državnu imovinu stavljati u zalog na ovakav način. Hvala lijepa.

Elvedin Okerić (predsjedavajući)

Zahvaljujemo se zastupnici Hašimbegović na analitičkoj diskusiji. Faruk Selmanović se javio za riječ izvolite.

A replika. Kolega Bandić, izvolite, imate riječ.

Muamer Bandić (zastupnik)

Zahvaljujem se. Kolegica Marijela je u svojoj diskusiji imala jedno vrlo dobro zapažanje. Ona je, dakle, željela da proširi listu odgovornih osoba za ovo dugovanje prema Poreznoj upravi. Ja pretpostavljam da je svaka uprava nakon, dakle one uprave koja je stvorila ovu obavezu prema Poreznoj upravi, odgovorna, ali mislim da je svako od tih uprava ustvari, taj postupak pravni koji su imali pred sudom držao u nekoj dilemi da će oni u konačnici dobiti to na sudu. I zato se vjerovatno nisu opredijelili da plate kada je to bilo 200 000 maraka ova kamata. Pretpostavljam da je to razlog zbog čega su ustvari svi, pretpostavljam da su svi čekali da će dobiti na sudu, a nažalost, vjerovatno im onaj koji ih je zastupao nije rekao da se radi o procesnim stvarima i da ustvari neće nikad sud riješiti to u meritumu, nego će vratiti to Poreznoj upravi, da ona to rješava. Porezna uprava, samo ispravi procesni nedostatke i ne mogu ući u zastaru zato što je postupak već pokrenut pred sudom, tako da u tih razloga vaša konstatacija je odlična i sve bi bile praktično uprave odgovorne, pa čak i ova današnja uprava, ali zaista ne možemo im taj dio spoticati zato što su, pretpostavljam, očekivali da će u konačnici na sudu taj postupak se završiti u njihovu korist. Hvala.

Elvedin Okerić (predsjedavajući)

Zastupnik Faruk Selmanović javio se za diskusiju.

Faruk Selmanović (zastupnik)

Zahvaljujem predsjedavajući. Danas raspravljamo o Javnom kantonalnom preduzeću i zaduženju upravo iz resora ministra kojeg smo danas imenovali. Evo ministar, nije tu sa nama, iako se radi o vrlo ozbiljnoj temi. Prije par sedmica smo ovdje imali isto raspravu o zaduženju

jednog Kantonalnog preduzeća, radilo se ZOI' 84. Tada je to zaduženje, isto je bila hipoteka, hipoteka je opet bila puno veća od iznosa zaduženja koje se to preduzeće jel zadužuje kod komercijalne banke i postavlja se pitanje je li ovo „de'zavu“ ili je dio nekog generalnog plana? Pazite ViK i ZOI' 84 su oba preduzeća u, naravno, vlasništvu Kantona Sarajevo, koji imaju jako interesantnu imovinu koja rasprostranjena na čitavom Kantonu Sarajevo i ekonomski je vrlo atraktivna. Imate mišljenje Pravobranilaštva, pazite, Pravobranilaštvo koje je zaduženo da štiti imovinu Kantona, Kanton Sarajevo, Skupština Kantona Sarajevo, osnivač VIK-a i kao takva, Pravobranilaštvo ima dužnost i obavezu da štiti tu imovinu. E sad tu piše u tački 1. Prijedloga ne znamo u čiju korist se hipoteka zasniva ni pod kojim uslovima, u tački 2 se navodi nekretnina, ali zapravo nije riječ o jednoj če-ka, što je jako interesantno, već o kompletnom kompleksu postrojenja za pročišćavanje otpadnih voda u kojoj se u materijalu Pravobranilaštva navodi da je tržišna vrijednost 113 000 000 konvertibilnih maraka. E sad, vi taj objekat stavljate pod hipoteku da vratimo dug od nekih 11 000 000 konvertibilnih maraka. Tu nešto nije u redu. Evo ja bih vas ovdje sviju zapitao koji sjedimo u Skupštini da dižete kući kredit za domaćinstvo, pa sjela bi porodica pa se dogovorila čekaj da vidimo šta mi to stavljamo pod hipoteku i šta dobivamo? Kredit kao kredit, sam po sebi nije nešto loše da ne bi pomislili da je nešto loše, međutim šta je loše, loše je podići kredit, ta sredstva ne koristiti i podići kredit za financiranje dnevnih operativnih troškova. Pazite, ovdje prije svega prošlu sjednicu ova skupštinska većina, mi ovdje u skupštinskim klupama smo usvojili rekordan budžet od milijardu i 880 miliona, budžet koji je za samo 4 mjeseca magično porastao za 400 miliona, pa kako u tih 400 miliona nismo mogli pronaći 11 miliona koji su potrebni da se riješi ovaj dug. Pazite stavljati pod hipoteku krucijalni infrastrukturni objekat od javnog značaja, od javnog interesa, rad, nerad tog objekta može izazvati ekološku katastrofu, ne samo u Kantonu Sarajevo, nego sve što ide nizvodno Bosnom do Save, pa dalje, kako ide. E sad vidite šta je ovdje još jedan od problema ili interesantnih činjenica; ne vidimo ovdje kroz ovaj materijal koji smo dobili šta je sve urađeno, da se sam ovaj dug reprogramira, da se plaćanje odgodi, pazite, evo iz medija, ako samo čitate šta je sve urađeno za razne fudbalske klubove, za razna sportska udruženja, gdje je reprogramiran dug, dat neki otplatni period, pa imate slučajeva tu i u Kantonu Sarajevo kada je riječ, recimo, o Grasu koji je isto imao neku vrstu reprograma. Šta je to kod ViK-a drugačije? I da li možemo očekivati onda i za ostala javna preduzeća ovakve i slične scenarije. Zasnivanje hipoteke na nekretninu koja je u vlasništvu ViK-a recimo, ali ona je ustvari u vlasništvu Kantona Sarajevo, ona je vlasništvo svih nas, ima ozbiljne posljedice, izaziva zabrinutost. Ako ovo preduzeće nije moglo, njihova menadžment i uprava koji su znali evo od 2012. je neki spor na sudu, pa se vraćalo, pa dorada, pa evo '24. kompletna, dio '25. godine da će doći i na prinudnu naplatu, nisu mogli pripremiti sredstva da se ovaj dug na neki način otplaćuje, kako ćemo pripremiti sredstva da se ova hipoteka vraća? I mora se vratiti hipoteka. Pretpostavljam da će se novac dići od neke od komercijalnih banaka. Komercijalne banke dolaze po naplatu svog duga. Da li će ViK biti sposoban da od svog trenutnog poslovanja izdvoji i financira ovaj dug ili ćemo to morati da rješavamo kroz Skupštinu Kantona, kroz neke rebalanse budžeta, da spasimo imovinu Kantona Sarajevo jer to je imovina od krucijalnog interesa za Kanton Sarajevo. Ko će vraćati taj dug? Kako ćemo ga vraćati? Zar nije puno jednostavnije da smo našli sredstva u budžetu, dogovorili otplatni period sa Poreznom upravom i riješili ovaj problem u kojem se ViK trenutno našao. Nema hipoteke i nema banaka, nema ništa. Ima jedna druga stvar, ako tamo vidite u materijalu ovaj objekat i nije u punom kapacitetu. Recimo sad šta možemo očekivati u narednom periodu? U narednom periodu možemo očekivati da kažete eto znate, taj objekat ionako nije radio, imamo mi problema sa njim i to ne možemo da održavamo, imamo ministra koji baš nije upoznat sa svim elementima, i evo nije danas ovdje, sa nama, kada raspravljamo o ovome i taj objekat ode u privatno vlasništvo. I to je uvod u privatizaciju javnih preduzeća. Evo šta će biti sa ZOI-om gdje isto zgrada u centru grada, vrlo atraktivna nekretnina, stavljena, evo kako smo izračunali ovdje,

pod hipoteku koja je tri puta veća od duga koji se, odnosno od kredita koji se uzima i reprogramira. Ovdje imate skoro 10 puta veće. Jel to u uvod u privatizaciju javnih kantonalnih preduzeća? Jer evo, imate, recimo, slučaj sa RAD-om, gdje se dio po dio RAD-a, ovaj profitabilni dio daje privatnicima i stihijski se radi privatizacija, pa čak ako tamo prođete pored RAD-a, vidite logotipe nekih privatni preduzeća i onda će ostati samo Kantonu ovo što je neprofitabilno, što je problem. Jel to isti slučaj i sa Vodovodom i kanalizacijom? Poskupljenje vode, jel to uvod da onaj ko preuzme Vodovod kad ga kupi da mu je profitabilno, da više nije na teretu Kantona? Sve su ovo jako ozbiljne stvari. I stavljati pod hipoteku, uz materijal koji je dostavljen svega evo 12 sati pred sjednicu, kako zastupnici u Kantonu Sarajevo mogu da donesu adekvatnu odluku jer na nama je ovo, mi smo svi ovdje ovi koji štitimo imovinu Kantona Sarajevo. Naravno da treba odblokirati račun Vodovodu, naravno da trebaju radnici da prime platu, ali postoji mnogo drugih načina koje nismo vidjeli iz materijala koji nam dostavljen da su svi iscrpljeni kako bi se omogućio nesmetan rad Vodovoda i kanalizacije. Zahvaljujem.

Elvedin Okerić (predsjedavajući)

Zastupnik Davor Čičić replika.

Davor Čičić (zastupnik)

Zahvaljujem, pa čisto par stvari radi onaj boljeg razumijevanja. Evo, kolega Selmanović je rekao da se ovdje uzima, stavlja hipoteka da bi se uzeo neki kredit, ja to nigdje iz materijala nisam vidio. Znači ne stavlja se hipoteka da bi se uzeo kredit, hipoteka se stavlja kao osiguranja i garancija Poreskoj upravi i da će Vodovod i kanalizacija i otplatiti svoj dug. Znači, ovdje nema nikakve riječi o nikakvom bankarskom kreditu, nikakve treće strane, nego se stavlja hipoteka Poreskoj upravi Federaciji Bosne i Hercegovine kao zalog da će biti otplaćen dug koji je nastao. Ove, kao što ste i rekli, dosta kroz prošlo je, evo koliko godina, evo, pročitao sam ovaj revizorski izvještaj iz 2007, koliko se ovaj dug spori. Ja mogu shvatiti da su određene uprave i sporile taj dug, vodile onaj pred sudom borbu da se taj dug ne plati jer su smatrale da im je neosnovano zaračunat u biti i ta osnovica duga, a i kamate koje su naknadno proizašle iz toga. Zato znači, hipoteka se stavlja na Poresku upravu kao garancija da će biti otplaćen taj dug. Koliko sam ja shvatio direktora, on govori ovdje da će sklopiti ugovor sa Poreskom upravom, o da tako kažem plaćanju duga, nadajući se, kao što je i svake godine, evo, imate slučajeve i sportskih klubova da Federacija donese zakon, da onaj koji plati glavnica duga bude oslobođen kamata, da jedan takav ugovor i sklopi i ViK, pa da ne plati ovih 9 000 000 kamata, nego da plati samo osnovicu, odnosno glavnica duga od 2 200 000, koliko je već vamo navedeno, a da bi to sve mogao, mora dati ovu garanciju, odnosno hipoteku kako bi bili odblokirani računi, kako bi mogao isplatiti plaće radnicima. Evo, čisto da pokušam plastično to na neki način objasniti, a mi smo imali puno sličnih slučajeva u Kantonu Sarajevo po pitanju otplate sporazuma dugova sa Poreskom upravom. Ja se evo sjećam za svog mandata Farmaceutski fakultet je imao isto tako milionski dug prema Poreskoj upravi, gdje je sklopljen, sklopljena nagodba, da se plati glavnica kroz rate, a da se kamate otpišu. Isto tako imate slučaj u Studentskom centru gdje isto takav jedan sporazum potpisan, GRAS-om itd. Ovdje je samo problem što Poreska uprava neće da odblokira račune dok ne dobije neku garanciju, da će dug biti plaćen. Hvala.

Elvedin Okerić (predsjedavajući)

Čestitam kolega Čičiću na replici. Živo me interesuje odgovor na repliku kolege Selmanovića. Izvolite, imate riječ.

Faruk Selmanović (zastupnik)

Jao što ste nam duhoviti danas predsjedavajući, baš unosite nako vedrinu u ovaj tmurni dan. Zahvaljujem se kolegi Čičiću na pojašnjenju. Svaka vrsta hipoteke je ujedno i zapljena, samim tim i pogodna za prodaju same nekretnine koja je zaplijenjena. I upravo ovo što ste vi govorili, pominjali i Farmaceutski fakultet, i GRAS i ostale privredne subjekte, to je ono što smo očekivali da vidimo u ovom materijalu da se napravio neki plan i dogovor sa Poreznom upravom oko otplate duga, oprosta kamata jer kad već to možemo raditi za neka sportska udruženja, mislim da se to može uraditi i za jednu firmu kao što je Vodovod i kanalizacije koja od krucijalnog značaja za Kanton Sarajevo.

Elvedin Okerić (predsjedavajući)

Hvala. Replika, kome replicirate? Replika zastupnik Šaljić kolegi Selmanoviću. Izvolite, imate riječ.

Jasmin Šaljić (zastupnik)

Kolega Selmanović, kada ste govorili vezano za ovu hipoteku, ja mislim da je pravo pitanje bilo zašto Porezna uprava nije prihvatila garancije Vlade Kantona Sarajevo. E to nam niko nije odgovorio, volio bih da kolega Čičić ipak ovo njegov resor. Kako je moguće da nisu prihvatili garancije Vlade Kantona Sarajevo? Hvala.

Elvedin Okerić (predsjedavajući)

Zastupnik Haris Zahiragić. Odgovor na repliku. Kolega Zahiragić možete li malo sačekati? Odgovor na repliku zastupnik Faruk Selmanović.

Faruk Selmanović (zastupnik)

Uvaženi kolega, mislim da je pitanje nam mjestu, ali evo, nažalost, to je opet dolazimo ovdje do ovog famoznog Poslovnika gdje ne možemo i da smo onemogućeni da postavimo ovakav pitanja. Moja je pretpostavka samo da je Kanton Sarajevo puno više zadužen i nije u mogućnost da vraća svoje dugove nego ono što se nama prezentira, a što su primijetili kolege iz Porezne uprave pa nisu htjeli da prihvate garanciju Kantona Sarajevo za isto.

Elvedin Okerić (predsjedavajući)

Odmah je aparat prepoznao neke probleme i gasi se. Kolega Zahiragić, izvolite, imate riječ, diskusiju.

Haris Zahiragić (zastupnik)

Zahvaljujem se kolega Okeriću. Nisam imao priliku pošto nisam bio na nekom dijelu ove tačke prisutan u sali. Razgovarao sam ovdje sa kolegom Čamparom o ovim državnim temama i procesima u hodniku. Pa evo, ne znam ko je šta govorio, pa potpuno neopterećen diskusijama ranijih govornika, morat ću se složiti sa dijelom diskusija iz pozicije zastupnika. Dakle, ovo je star problem. Ovo nema veze sa aktualnim rukovodstvom ViK-a, ovo nema veze ni sa ranijim rukovodstvom ViK-a, ovo nema veze ni sa jednim rukovodstvom, ovo ima veze isključivo sa Poreskom upravom, koja također, moram biti iskren i dočekao sam to vrijeme da kažem u Kantonu Sarajevo, aktuelni direktor Poreske uprave dolazi iz trojke. Često se slika po često se slika po stranačkim, često se slika čovjek po stranačkim skupovima, vidim ga, pratim ja te slike sve itd. Ali hajde, nije ni važno, vi ste ga imenovali tako da imate federalnu vlast, trebate preuzeti taj dio odgovornosti. Nema veze, direktor direktor potpisuje, nemojte bolan sarajevska, kakve to veze ima? Hvala predsjedavajući. Dakle, taman ja malo iz opozicije pokušavam korektno diskutovati, a evo, vrlo brzo me upozorite da nisam bio u pravu, da sam u pogrešnom smjeru krenuo. Dakle, ista ovakva situacija se desila 2000, čini mi se '17 ili '18. godine, samo tada vlast u Kantonu Sarajevo nije tražila da se upiše hipoteka, treba biti iskren.

Dakle, Poreska uprava je tada također blokirala račune, imovinu zapravo ViK-a. Upisala se u ZK, terete svoje upisala, a onda je po tužbi direktorice Azre Muzur na Rješenje broj 13-9-15-02 20659/17 Sud presudio i poništio i prvostepeno rješenje Poreske uprave i drugostepeno rješenje Ministarstva financija i utvrdilo da taj dug nije postojeći. Poreska uprava, dakle, koristi nekadašnje knjige ViK-a kada su bili tada u pregledu, te su knjige ispravljane u ViK-u nakon uputstva revizije, također je to uradila gospođa Muzu i dokazala da taj dug ne postoji i kada bi gledala taj dug u suštini Poreska uprava vjerojatno je ViK pretplaćen u Poreznoj poreskoj upravi. Nego radi lošeg knjigovodstvenog vođenja knjiga, tada, 90. -tih godina poslije rata, u porušenom Sarajevu, Poreska uprava knjiži i nakon tog pregleda, koji je davno obavio prije ispravljenih tih po instrukcijama revizije knjiga, ona tvrdi da postoji taj poreski dug i to je jedna tema. Potpuno druga tema je ova odluka Vlade i potencijalno Skupštine Kantona Sarajevo da mi Poreskoj upravi upišemo hipoteku. Ja mislim da mi to ne trebamo uraditi. Ukoliko upišemo hipoteku, mi nemamo garancije nikakve da Poreska uprava, ukoliko ne postigne taj sporazum koji najavljujete, a nemamo garancije nikakve da će postići, neće, recimo, imovinu Vodovoda na javnoj licitaciji pokušati prodati. Ja Poreskoj upravi, recimo, Federacije koja nije u stanju ovakvo nešto uraditi u Širokom Brijegu i Posušju, a u Sarajevu često kada treba da se imovinom Sarajeva raspolaže, zna staviti na dražbu nešto što se ne bi smjelo, stavljati na dražbu, ne bih im, pogotovo pod ovom Federalnom Vladom, aktualnom, ne bih imao povjerenje. Ja neću, naravno, glasati da mi imovinu Vodovoda stavimo pod hipoteku takvoj Poreskoj upravi. Imate slučaj iz 2018. godine i trebate kao dobar menadžer, potencijalno dobar menadžer i niste novi menadžer, gospodin Šaljić je to rekao, gospodin Šerak je 4 godine izvršni direktor u ViK-u, 4 godine, dakle, on je dio rukovodstva ViK-a već 4 godine i svi problemi koji su u ViK-u i on je suodgovoran ko izvršni direktor, nije on novi čovjek, kolega Šalja, iako nam iz NiP-a često to serviraju zamijene zarotiraju izvršne direktore za generalne, onog su čovjeka otjerali nedavno što su ga imenovali, nije slušao, nije zapošljavao, nije nagrađivao, nije dopuštao, toj dubokoj ViK-ovoj državi da upravlja ViK-om, pa su ga smijenili pa je došao ovaj novi direktor. Ali suštini ista je to ekipa, to je taj NiP, ovaj izvorni Okerićev. Nije ovaj Čamparin. U svakom slučaju Azra Muzur je tada tužila i dobila presudu. I trebate na osnovu tih argumenata tražiti konačno od Poreske uprave da pregleda nove knjige koje ste vi ispravili i da na osnovu realnog stanja utvrdi da nema duga, a ne da mi upisujemo hipoteku na 11 000 000 jer je to vrlo opasan potez koji može dovesti do toga da građani Sarajeva ne da nemaju vodu, nego da nemaju vodovod, to bi bilo vrlo opasno. Podsjećam vas da smo zgradu Vodovoda oteli, dali je MUP-u, što nismo smjeli uraditi i nismo trebali uraditi i onda se pitamo kakva im je imovina? Podsjećam vas također i to je najveća odgovornost ove uprave da podržim sad ove diskusije iz pozicije, iz opozicije, 2017. godine dug ViK-a je bio 14 miliona, danas je dug ViK-a 22 miliona. To je 8 000 000 više, nakon realizacije 50 000 000 EBRD kredita. Taj dug Poreskoj, izvorni više ste penala za nepovučena sredstva EBRD-u do sada platili. I to se zove nedomaćinsko poslovanje. Da je ViK domaćinski poslovao, da ste taj kredit koji jeste Kononaković podigao, inzistirao da se podigne i Azra Muzur također spasila ViK jer kada je došla za direktora insistirala da Vlada Kantona Sarajevo preuzme garanciju za taj kredit, da nije, dosad bi ViK bio prodat od strane EBRD-a, vjerojatno nestao u nekoj drugoj međunarodnoj kompaniji. Oni od toga ni dan danas nisu odustali zbog toga su doveli su šestorku, pa trojku na vlast. Imaju ambicije da našu Vodovod, kao one vodovode u Južnoj Americi ili u Africi stave u privatno vlasništvo i ovo je opasnost za takvu scenarij ako Poreska uprava se ne naplati i odluči prodavati na dražbi Vodovod, ali to je posebna tema, zato ne smijete glasati, pozivam vas da ne glasate za ovu odluku jer ćete biti suodgovorni ako se to desi na kraju. Vi ste realizirali 50 000 000 maraka, povećali ste gubitke vode, dakle, povećali ste proizvodnju vode i gubitke vode i ništa niste riješili danas. Raskopao ste cijeli grad, neselektivno radite, gužve su u saobraćaju katastrofalne, pokušavate naknadno realizirati to, potrošili ste 50 000 000, plaćate penale u milionskim iznosima i onda nemate 2 000 000 za

izvorni dug i tražite rješenje da Kanton eventualno stavlja svoju imovinu na hipoteku, to je neprihvatljivo. Vi da ste realizirali taj kredit, nepotrební tada, nego iz budžeta se godinama to moglo rješavati u iznosu od 50 000 000, koji će nas na kraju koštati preko 100 000 000 dok ga vratimo, a ništa nismo riješili. Dakle, potrošit ćemo 100 000 000 da povećamo troškove, ovaj gubitke vode, to sam ima u Kantonu Sarajevo, kad dođu eksperti kakvi jesu u Kantonu Sarajevu nažalost došli, poput i ovog gospodina Šeraka i Kapidžije, ovog ranijeg direktora, onog tamo direktora i raznih ekspozitura ljudi koji su završili, mislim da ovaj gospodin nije završio u Goraždu, mislim da on ima diplomu Saobraćajnog fakulteta, nema puno veze sa vodom, jesam li u pravu direktore? Ovo je jedan od rijetkih direktora koji ima regularnu diplomu i to je korak naprijed, moram pohvaliti predsjedavajući, ovu vašu struju, shvatili ste da je diploma potreban, ne dovoljan, ali potreban uslov da bi se bio direktor. To je velika spoznaja u vašoj kadrovskoj politici pa evo, na to vam čestitam. Nije iz Goražda, nije iz Kiseljaka, nije kupio. Ali je sudjelovao u ovim gubitcima. I dakle, da je ViK.

Elvedin Okerić (predsjedavajući)

Vrijeme kolega Zahiragiću.

Haris Zahiragić (zastupnik)

Imam, ispred Kluba govorim, nije niko govorio ispred Kluba govorio. Nije, nije kolega Dević bio tu uopšte, jao predsjedavajući, znate kako kažu: "Ko laže, taj i krade, ko krade, taj i ubija". Počinjete me plašiti. U svakom slučaju znate kako kažu (nerazumljivo) dobar pokušaj. U svakom slučaju, vi ste svojim poslovanjem doveli, povećali 8 000 000 dug, devastirali ste prije svega kadrovski Vodovod, otjerali ste inženjere, izmobingovali ste inženjere, ljudi koji su spasili Kanton Sarajevo od redukcija, stavili ste ih u milost i nemilost svojih ljudi, s kupljenim diplomama i sa velikim, dakle, ljudi kad kupe diplomu mrze inženjere, to je prirodan položaj stvari, samo u hijerarhiji ti skupljenim diplomama trebaju biti na dnu društvene ljestvice, a ne na vrhu. Vi ste tu ljestvicu potpuno obrnuli, pa je došlo da oni imaju priliku da mobinguju te inženjere, pa ti inženjeri su postali ljudi koji se ne pitaju u ViK-u, pa je taj ViK povećao gubitke, nije realizirao kredit i danas imamo situaciju da je ViK dužan 22 000 000. Da je kredit realiziran i da je tih 50 000 000 maraka koji ste planirali vi također, tada kroz SDA, preko Konakovića, ali otprilike ista ekipa vodila i tada Vladu Kantona Sarajevo, do sada bi ViK bio u plusu jer ne bi imao gubitke, proizvodio bi vodu, smanjeni bi bili troškovi pumpi i struje, svega puno manje bi proizvodili vode zato što ne bi curila. Mi danas proizvedemo 3000 l/s da bismo u sistem stavili 500 l koliko je potrebno. Gubimo 2,5 hiljade iako smo realizirali kredit, to se plaća u milionima struje, troškova pumpe, održavanja sistema bušenja asfalta ponovo. I danas bi ViK bio pozitivan primjer javnog preduzeća i ne bi imao problema s dugovanjima. I molim vas, s obzirom da ViK ima već ogromne dugove, da je pitanje kada će doći pitanje njegovog stečaja, pozivam vas da ono jedino što ViK ima, a to ViK nema, to je Kantonalna imovina ne stavlja na hipoteku jer će to otići i na kraju će neki Nestle ili neka druga globalna korporacija biti vlasnik naše vode. A onda poskupljenje neće biti samo 50 %, nego 200, 300, 400. Još jedne rečenica, molim vas, ako mogu, bio sam korektan, mislim. Ja sam u svom predizbornom videu vijest iz budućnosti ovakav scenarij najavio, pa vas podsjećam da pogledate vijest iz budućnosti, pa ćete vidjeti da je sarajevski vodovod privatiziran u ovom mandatu. Hvala vam.

Elvedin Okerić (predsjedavajući)

Zastupnik Faruk Kapidžić.

Faruk Kapidžić (zastupnik)

Zahvaljujem. Kada slušam diskusiju i kada vidim materijale, pa i ja se ozbiljno pitam šta se krije iza ovoga jer nešto nije logično. Suštinski. Porezna uprava daje da bi se riješio taj dug,

ona uzima pod obezbjeđenje prečistač Butile. E sad, taj prečistač u Butilama je prečistač prljave vode koju ove 4 gradske opštine jel se u kolektor dovodi do pročistača i tu se dijeli na, dakle, prljavu materiju i na, hajmo reći, čistu vodu koja se vraća u ovaj riječni tok. E sada ja pitam, pitam se ko bi kada bi došlo do toga da Porezna uprava aktivira tu hipoteku i stavi u prodaju koji bi privatnik kupio prečistač jednog grada obzirom da prije toga grad je vjekovima živio bez prečistača, jel? Dakle, to je bila jedna zabrinutost za ekologiju, ekološki sistem itd. I mi smo u tom nekom periodu ovaj 42 000 000 platili za prvu fazu prečišćavanja vode, da bi, da ne bi zagađivali vodu, e sad po tom sistemu neki privatnik koji npr. za 11 000 000 otkupi prečistač, Sarajevo se može vratiti na postojeće stanje kako je bilo prije 10 godina, unazad 100 godina i živjet bez prečistača. I šta ima od toga privatnik? Dakle, sumnjam da je stvar u 11 000 000 u tom prečistaču u Butilama. Ja smatram da je tu stvar u tome što nije urađena druga faza koja je od te prljave materije trebala u suštini da proizvodi energiju i gas, to je suštinski dobit pročistača, prečistača i koje je Vodovod trebao u suštini da zarađuje u toj spelionici u toj drugoj fazi i da bukvalno anulira upotrebu električne energije za pumpe i za vodovodni sistem i bukvalno da omogući građanima jeftiniju vodu, jer najveći komad je opterećenje cijene vode u tome što je električne pumpe pumpaju na visinu ovaj vodu, a onda ta voda ide prema potrošačima slobodnim padom, a pritom pumpanju se troši ogromna količina energije za samo manje od 30 posto koje dođe do građana. Znači, to su nevjerovatni ludost jer mi pumpamo, trošimo električnu energiju, a onda bacamo tu vodu u zemlju jer nam od 100 l na česmu dođe 30, a ispumpali smo 100 l. I tu nastaju ogromni troškovi. Struja je poskupila, Vodovod grea u tim problemima, a iz druge faze prečistača je trebalo faktički da Vodovod zarađuje i anulira tu ovaj potrebu za plaćanjem električne energije, vraćanjem električne energije u sistem. Međutim, u ovom, ovdje što vidimo, ne radi se samo o prečistaču u Butilama, nego radi se o niz ZK čestica pored prečistača koji su bile vjerovatno planirane za drugu fazu tog ovaj tog ovaj projekta. E sada, naravno, investitor koji, ako sačeka da Porezna uprava dadne u procesuiranje, vrlo rado će da kaže meni ne treba prečistač, meni treba ovaj ostatak koji mu vrijedi i više od 11 000 000 i mogućnost da on napravi tu spalionicu te tvrde tvari jer je ogromna para u proizvodnji energije. E sad, ako je to neko dubinski tako osmislio, svaka mu čast. Naravno, naravno, postavlja se pitanje zašto je Porezna uprava sad tako to rješavala i zašto baš sa Butilima i sa prečistačem? Ako je to u tom smislu, onda svaka vam čast. Taj javno-privatno partnerstvo koje ste usvojili, Zakon o tome sve se u tom skladu odvija i doći će neki privatnik koji će na mući kojoj smo izloženi zbog vašeg ovakvog poslovanja doći će kao gospodin čovjek u Sarajevo postaviti sistem i uzimati milione koje je trebao da uzima Vodovod i kanalizacije i da građanima dadne smanjenje 25, 30 % od cijene, a vi ste doveli do povećanja cijene 50 % plus davanje privatniku. Znači, ako se tako razmišlja, onda ste stvarno eksperti da nas uništite. Sada. Bilo bi mi drago da ste me prekinuli, znao bi da sam dobro diskutovao. Hvala.

Elvedin Okerić (predsjedavajući)

Kao što sam kazao, čim ima malo neistine i populizma sam sistem prekida. Sami ste prekinuli, nisam ništa ja uradio. Hvala kolega Kapidžiću. Zastupnik Rusmir Pobrić. Izvolite, imate riječ.

Rusmir Pobrić (zastupnik)

Jedna kratka dopuna diskusiji pošto smo se bavili erom od 2015. godine, evo do danas ili erom Elmedina Konakovića, ja ću samo par podataka iz ere do 2015. godine, podaci iz revizorskih izvještaja. 2003. godina finansijski gubitak preduzeća 23 000 000, gubitak u vodi 61,3 %, broj zaposlenih 1033. 2008. godina gubitak preduzeća 24 plus miliona, gubitak u vodi 66,2 %, isplaćivale su se ta naknade, pa kažu i bajramluci, između ostalog u 8.mart u iznosu oko pola miliona, broj zaposlenih za 2 više, odnosno 1035. 2012. godina finansijski gubitak preko 30 miliona maraka, gubitak u vodi 72,5 %. 2012 godina, dakle od 2012 godine, imamo ovu razinu gubitka. Broj zaposlenih 968 i do 2019 godine nije spadao. Od 2019. kako je ova trojkin

uprava uzela do danas, mi imamo 840 zaposlenih, dakle za 130 zaposlenih manje. Onih redukcija kakvih je bilo u 2015. godini i '16. nemamo. A da podsjetim, prošla godina je bila najsušnija godina u posljednjih 100 godina i nismo imali takvu vrstu redukcije. Ovo je važno zbog građana govorim., mali doprinos diskusiji. I danas, dakle, govorimo o dugu, da još jednom ponovimo iz perioda 1997. - 2001. godina i s obzirom da je bilo, riječ o potrošnji, o savjetnicima itd. jedan od okidača, upravo iz ViK je bilo tada, čini mi se, 7 savjetnika u kabinetu generalnog direktora, dakle bila je praksa da bivši direktori postaju savjetnici, mediji su naveli neka tri imena i svak je imao platu veću od generalnog direktora. Hvala vam.

Elvedin Okerić (predsjedavajući)

Zahvaljujem se uvaženom zastupniku Pobriću na pojašnjenju i kvalitetnoj diskusiji. Za ispravku krivog navoda javio se zastupnik Muamer Bandić. Navedite nam šta je krivi navod?

Muamer Bandić (zastupnik)

Zahvaljujem predsjedavajući. Krivi navod se ogleda u sljedećim, do 2014. godine broj zaposlenika u Vodovodu je bio toliki od 900 ukupno zaposlenih, od 900 zaposlenih je bilo skoro 700, koji su radili u mehanizaciji, dakle i vrlo mali broj je bio, dakle, administrativnih radnika. Od 2014. pa do dan danas više od 300 ljudi je prošlo putem javnih radova u ovom javnom preduzeću i uglavnom, ti ljudi su radili na način, dakle, da su mijenjali ove ljude koji su bili u mehanizaciji, a dakle najveći broj danas i od 2015. godine, do danas je administrativnih radnika u ovom javnom preduzeću. I kada govorimo o ovim savjetnicima, treba da znate da je u tom vremenskom periodu postojao zakon koji omogućavao savjetnike, a da je tek, dakle, dolaskom Vlade Kantona Sarajevo, koju je SDA predvodila taj zakon, izmijenjen i onda su onemogućili savjetnici, hvala.

Elvedin Okerić (predsjedavajući)

Zaključujem raspravu. Građani neka prosude ko je u pravu. Kada su bile redukcije, ko ih je spriječio i kako je koja uprava ViK-a radila, to je najbolje.

A sada bih pozvao zastupnice i zastupnike da uđu u salu i da se prije svega izjasnimo o tačci dnevnog reda Prijedlog odluke o davanju saglasnosti za zasnivanje hipoteke na nekretnini.

Molim zastupnike da se izjasne o Prijedlogu odluke o davanju saglasnosti za zasnivanje hipoteke na nekretnini.

Zaključujem glasanje. Molim službu da objavi rezultate glasanja. Za je glasalo 19 zastupnika, protiv 9, suzdržanih ništa.

Konstatujem da je Skupština donijela ovu odluku.

Obzirom da smo iscrpili današnji dnevni red današnje sjednice, zaključujem rad na današnjoj III Hitnoj sjednici.

Povodom nastupajućih blagdana pripadnicima katoličke i pravoslavne vjeroispovijesti u Kantonu Sarajevo i Bosni i Hercegovini upućujem iskrene čestitke sa željom da radost nastupajućih blagdana provedu u zdravlju, radosti i duhovnom miru u krugu svojih najbližih i prijatelja i komšija.

Hvala vam, vidimo se kolege, vidimo se kolege na sljedećoj sjednici.